

中華民國
新修豐順縣志
第三冊

40330.181
42
2013

中國農民銀行總管
經濟研究處

勝蹟二

邑人李唐介承甫編纂

(四) 寺觀

南山寺在建橋堡離縣二十里宋元祐八年建

羅塞菴在羅家約離縣六十里宋末巡檢羅安建

水豐菴在礮下鄉離縣八十里宋代建

寶林寺在環清堡離縣三十里元代建康熙間舉人吳啓晉重修有曹山六景

詳古蹟類

植福寺在白土村離縣六十里元代建詳金石類

淨水寺在仲坑山寺有鐘刻至元三年康熙乙巳胡海重修詳金石類

蓮花寺在逕心堡明萬曆間建康熙二十八年重修

七娘菴在鄧屋寨山上明隆慶三年西蜀人總鎮郭成建亦稱七聖廟詳古蹟

案七娘凡守獵者皆祀之故近山村落多七娘宮亦稱七聖仙娘所獵獲野獸必祭之而七娘七聖之

祀實始于郭成

積慶寺原在沙田細園背即今菴子場是順治十二年參軍楊貞移建沙田圩

豐順縣志

卷十五

勝蹟

一

汕頭路字局梅縣分局承印

慈祥菴在關隍街崇正間建民國二十年華僑黃展南重修改設慈祥善堂

慶福寺在龍溪社水口順治十年建

保福寺在城北新安嶺吳少師六奇建

園應寺在仙洞鄉順治二年建

東林寺在布心社順治十八年里人楊正修建

龍祖寺在縣東南三里龍山南麓附郭吳氏建詳見名勝龍山秋月

長寧寺在潘田茶亭離縣三十里

福壽菴在犂頭山

西巖寺在湯坑坪城

大平寺在湯坑三門凹下里人丁日昌曾讀書於寺內有木刻聯云古佛又來參五千里外初歸客舊題

何處寬四十年前此讀書今存寺有四官碑記並供奉郭總兵成松諸官粟主

釋迦寺在棠下鄉釋迦菴本明代齋公堂舊址光緒初羅一齋重建

佛泉寺在城南一里吳少師六奇建詳見名勝類古寺溪桃

資福寺在大樁社吳少師六奇建

廣福寺在璜坑社順治間副將鄒瑞建

凌雲守在大樁社

言嶺寺在言嶺關順治間里人王金建

布福寺在布心社

下壩庵在下壩寨離縣七十里

盤石寺在大勝村離縣一百四十里雍正十三年官勝東嚴自勝等建

水口庵在潘田水口離縣六十里

西華寺在馬頭社離縣六十里民國廿年重修

青蓮觀在環清堡萬石岡同治間道士韓道榮負石而居小築數椽日夜坐蒲團修煉辟穀絕粒人稱爲

韓半仙

純陽古洞在黃花村口外離縣八十里光緒間知縣魏紹唐倡里紳建中有陳其昌木刻聯云黃花洞外

留仙蹟丹灶場中救世心宋署撰人名

萬壽庵在湯坑近圩乾隆間黎頭山徐某倡建同治間王晉齊倡修

(五) 壇廟

社稷壇在縣南二里舊縣初建同治七年知縣馮寶封修

風雲雷雨壇 山川壇均在縣東北一里安敦嶺二壇俱高二尺一寸廣二丈五尺周圍築牆四門同治

豐順縣志 卷十五

勝蹟

二

汕頭鎮字局海縣分局承印

七年邑紳吳翔等呈准改建於北麓

先農壇在縣東北一里門亭三門壇一座高二尺一寸方廣二丈五尺祠殿三間籍出四畝分坐壇前賃

老農吳豐咸耕歲納穀一十三石爲耕籍致祭經費祭品農具備貯祠內乾隆十一年知縣葛際建

關帝廟在南門內前後三堂各三間康熙四年吳少師六奇建置縣初奉文添建後殿 又一在隴隍市

一在金甌寨山巔 一在湯坑市 一在石坑角 一在大田社北溪 一在黃花村溫坑 一在三

十六峯湖渚明代建 一在龍溪社

文昌廟在城內東北隅前後兩堂兩廡嘉慶二十四年縣令王奇雲倡邑紳建令改爲學校 又一在隴

隍官潭頭嘉慶十四年重修 一在韓江岸站口 一在白土村水口 一在潭江鄉溪西墳 一在

小勝鄉宮徑 一在沙田鄉曹礮坑 一在占頭村 一在湯坑市 一在埔頭鄉雙河 一在大田

東山巖 一在東隴鄉橫磯 一在建橋堡

大神廟在縣西門外提畔同治六年被水冲塌光緒間縣令李洪毓修復

名宦祠在縣學宮戟門左祀韓昌黎陳堯佐明代姚孟賢黃中澹衷賢諸燮明孔毓珣祁賢等八人乾隆

十年建

鄉賢祠在縣學宮戟門右祀吳廷符吳順恪王金楊貞蔡元朱樸丁賢拔諸先達七人全上建

敦善祠在城內文昌廟廡道光十三年建

善慶祠在北門外原大平公館址道光十八年闔邑建普濟橋餘款建祠落成嶺南道楊希銓過此題利濟梓桑四字勝於堂

萬民祠在城北門多故址今廢爲操場秦泰建

六羣祀

天后廟一名媽宮在隴陞市河干凡船戶皆祀之有媽生誕節潭澳圩亦有媽娘宮案靈應記天后妃姓林莆田湄洲人宋都巡檢林愿第六女以建隆元年庚申三月二十三日生少有神異於雍熙四年九月初九日昇化年廿八歲云澎湖記略天妃生時地變紫有祥異香長能乘席渡海乘雲駕島嶼間昇化後常衣朱衣飛翻海上里人祀之

五顯帝廟在建橋堡其地名五顯崇一在潘社鐵嶺寨許志

案五顯帝廟邑屬四鄉所在有之大抵一樣之宮不勝記載許志著錄皆香火之最盛者攷慈海集五顯者五行五氣之所化也全祖望謂五顯之神不著姓氏宋時有敕封爲王者曰顯聰曰顯明曰顯正曰顯真曰顯德此所以呼爲五顯也明初亦祀之載於會典石窟一徵五顯者稱爲華光大帝宋魯應龍閑應括異志五顯靈官大帝佛書所謂華光如來斯乃所指矣邑屬所祀亦有華光大帝廟

三山國王廟一在靖坑鄉坊頭宮一在松林社白沙宮一在沙田鄉一在黃花村口外

案邑屬有三山國王廟數一處惟西坑村則獨明山公王三山即明山巾山獨山本三山之神封王者

豐順縣志

卷十五

勝蹟

三

汕頭縣字局梅縣分局承印

故略舉數處以概其餘攷通志明貺廟在揭陽霖田都祀明巾獨三山之神揭陽志三山在霖田都界

石韓愈有祭明貺廟文元編修列希孟有三山國王記畧茲並錄之俾祀者識厥由來

韓愈祭文維元年月潮州刺史韓愈謹遣耆壽成寓以清酌少牢之奠告于界石神之靈曰惟封部之內山川之神克庥于人官則置立廟宇備具服器奠饗以時霽雨既霽百谷以成織婦耕男欣欣衍衍是神之庇蔭於人也敢不明受其賜謹選良月吉日齊潔以祀神其鑒之

尙饗

劉希孟記畧我元統一四海懷柔百神五嶽四瀆名山大川所在詔有司歲時祭祀明有數也潮州路三山之祀歷代不忒蓋以有功於國宏庇斯民故食報於今日攷潮州西北百里有獨山四十里有奇峯曰玉峯峯之右有亂石激流東潮西惠以石爲界渡水爲明山西接梅州州以爲鎮越二十里有巾山其地名爲霖田三山鼎峙英靈之所鍾不生異人則爲明神理固有之世傳爲隋時失其甲子於二月下旬五月有神三人出巾山之石穴自稱昆弟受命于天鎮三山託靈於玉峯之界石因廟食焉地舊有古楓樹神降之日樹生蓮花紺碧色大者盈尺咸以爲異鄉民陳牲香白晝見三人乘馬來招已爲從忽不見未幾陳遂化衆異之乃謀於巾山之麓置祠合祭前有古楓後有石穴水旱疾疫有禱必應旣而假人以神言封陳爲將軍聲靈日著人稱化王共尊爲界石之神唐元和十四年昌黎刺潮以淫雨害稼禱於神而霽爰命屬官以少牢致祭祀以文宋藝祖開基劉鋹拒命王師南討潮守侍監王

某溯于神天果雷電以風張兵大敗南海以平逮太宗征大原次城下見金甲神三人操戈馳馬突陣師大捷劉繼元降凱旋之夕復見於城上或以潮州三山神奏詔封明山爲清化盛德報國王巾山爲助政明肅寧國王獨山爲惠威宏化豐國王賜廟額曰明貺敕本部郡增廟宇歲時合祭則神有功于國亦尙矣潮及惠梅二州在在有廟遠近人士歲時走集嗚呼惟神之明故能鑒人之誠惟人之誠故能格神之明雨暘時若年穀屢登其所以福吾民而安吾國者豈小補哉

公王宮在城北普濟橋東邑人同建詳志

案公王宮邑屬四鄉數逾百所皆一椽之宇塑像有二座三座之差大抵皆稱白沙公王赤沙公王其三則名赫沙公王俱不著姓氏攷元史文宗本紀順帝元年封秦蜀郡大守李冰爲聖德廣裕英惠王其子二郎爲英烈昭惠靈顯仁佑王風俗通秦昭王使李冰守蜀開成都兩江漑田萬頃水經注李冰識察水脈鑿山渡崖水結諸陂池故盛養生之饒益州記江至安都堰其左檢其名又穿羊摩江灌江西十玉女房下白沙郵作三石人立水中刻要江神水竭不至足盛不沒眉是以蜀人旱則藉以爲灌雨則不遏其流水旱從人不知饑饉沃野千里世稱陸海謂之天府云李冰興水利漑田功在民生使蜀人無饑饉禮所謂有功則祀也有元一代最注重水利營田及李冰興蜀水利俱詳編者所著古今水利營田輯要一書元封李冰父子王號以昭示天下猶神農夏禹沒爲明神之旨習俗相沿由來久矣邑屬農村皆祀公王春祈年而秋冬報賽其神爲李冰父子當非編者武斷竊以白沙郵三石人之豐順縣志

卷十五

勝蹟

四

汕頭鎮字局梅縣分局承印

故事口碑傳說既忘李冰二郎之姓名遂致白沙與王爺混合稱尊似又明知爲二王以白沙郵沙人有三故于白沙公王之外妄加以赤沙赫沙之稱以是祀像有二三之異此因事理之所常有者總之不離乎農田水利而乞靈于神者近是

樅舖宮在縣西北之里樅舖村宮後有圍住民數十家濱臨大溪世傳康熙十五年洪水爲災宮神預見夢聞老巫乃文謂某晚圍有水患當預避文卽遍諭衆人預爲備及是晚果洪水漂陷廬舍而人倖免

萬志

謝娘娘壇在璜溪鄉尖山下世傳爲明末女子長樂縣石子岡涼傘樹下人能知兵順治間車任重寇通判府城謝娘娘神顯靈驅之賊衆驚潰後饒鎮吳六奇副將鄒瑞重祀之萬志

萬江廟在隴隍宮遭燬而案俗傳未有隴隍圩先有萬江廟攷揭陽志宋高宗紹興十年揭陽縣復建卜

地於隴隍玉窖二村隴隍在豐政都云隴隍在宋代已著稱萬江廟蓋亦古矣

觀音宮在城廂四鄉所在有之尤以大田村爲著

案觀音畫像塑像皆爲婦人邑俗通稱觀音娘娘又名三奶夫人俱不著姓氏攷法華經苦惱衆生菩薩觀其音聲皆爲解脫以是名觀世音唐避太宗諱故祇云觀音今俗稱觀音爲婦人胡應麟筆叢王世貞觀音本記皆謂古時無作婦者該餘叢攷據南北史駁之謂觀音是婦人六朝已云然矣諸說皆其具未詳孰是

大陽宮在城西一里有古榕一株大十圍盤根中空如榕廈堂與門戶甚具因爲宮祀神名大陽宮今成爲地名詳見名勝古榕夕照條

廟牛社在大堪村里民築壇歲于社日祀之舊志

案邑屬里社多至數十處小勝枚舉皆元明時所祀

龍泉廟在埔寨鄉祀大峯祖師

三官宮在仲坑山南呂有銚爐康熙壬午年鑄三官堂銚爐及捐鑄人姓名款其具相傳大興隆採獲銀牛鑄場有周沈藍三官入窿內觀銀牛鑄工牽之不獲鑿其腦牛奮觸而窿陷三官皆壓死因立宮祀之

案三官神凡採鑛地方多祀之五華縣產錫村落皆有三官宮詢當地人以三官神姓氏所言皆同案邑屬鄉村皆有神宮宮之大小不等神之名目特多上列各宮廟如公王伯爺五顯三山國主觀音娘娘五者最爲普遍諒若真武大帝志尚將軍福祿爺明珠夫人譚公仙聖之類皆築宮以祀歲時伏臘香火皆盛求籤向病乞福祈年習爲固爲其在華離山村多以共祀一宮者爲聯繫之階即有祀產財團爲其共相保衛之資如屬禁山林防護耕畜皆動用廟產其假借神權之作用在昔放仕爲治之專制時代其所由來者漸矣近自施行保甲制度破除神權之說風行而此祀神之俗猶未能盡革者殆由於此

豐順縣志

卷十五

勝蹟

五

汕頭鑄字局梅縣分局承印

五穀宮在環清鄉三枝嶂祀神農香火甚盛祈晴祈雨均著靈驗鄉民每年於此許禾福冬季賽報

(六) 瑩墓

宋梅州知州陳希偈墓在藍田上陽村

南雄沙水鎮巡檢羅安墓在白石嶺

元博羅縣上簿羅真養墓在上陽龍眼窰

明敕授副將黎翼士墓在大堪社

相待翼士爲明初南京人統衆擁戴大祖渡江卽帝位敕授副將賜名翼士四世孫文流曾任參將善用兵征寇陣亡今黎氏大堪二千餘人明季始遷居于此舊志疑之案客屬遷徙遠方多負其先骨骸以從如李氏珠公爲朱紉興李縉子藉居邵武其後嗣遷上杭歷久再遷松口而珠公乃遷葬松口是其例証

吏部卽中海陽唐伯元墓在東閣鄉石狗村河干有墓道石坊今圯僉都御史羅萬傑墓在藍田都龍湫

潭天津道參議王崇昌撰墓誌銘

清贈昭勇將軍國學生羅基蒙墓在上陽村

贈先祿大夫吳廷符墓在關凹下

江甯府參將吳標墓在蔣坑

舉人吳啓晉墓在璦坑大坪埔

黃岡協副將吳啓鎮墓在布心粗石坑

瓊州總兵官吳啓爵墓在湯背山

虎頭門副將吳啓相墓在橫坑徑尾

贈文林郎大埔李衍白墓在神沙村

贈修職郎知縣海陽李衍泌墓在長埔尾天梓山

贈光祿大夫丁賢拔墓在湯坑三門凹

例授迪功郎考授吏員李弼墓在黃花村螺田岡

贈中議大夫張石岡墓在徑心林屋后嶺

贈中議大夫張紹榕墓在徑心赤嶺

贈光祿大夫吳邦表墓在松林社

贈修職郎王大俊墓在徑心堡

贈光祿大夫吳偉墓在蔣坑

贈修職郎張起龍墓在徑心堡

贈文林郎吳琦瑞墓在松林社

豐順縣志

卷十五

勝蹟

六

汕頭錦字局梅縣分局承印

恩授修職郎李仁軒墓在龍溪社

贈文林郎吳廷瑄墓在璦坑田背村

文林郎廣寧縣知縣吳瀛達墓在璦坑田背村

文林郎分宜縣知縣吳志孔墓在環清獅子巖

贈中憲大夫馬平縣知縣吳亦林墓在大陣坑

號騎將軍德安協鎮鄒瑞墓在大埔古野

揭陽饒平大埔參將楊章墓在大埔派尾

饒平鎮右營參將王金墓在環法鄉寨上岡

記名御史禮部郎中吳世驥墓在菴嶺

饒平鎮參將王必芳墓在環清鄉馬口

文林郎國學張權遠墓在大陣坑

叙選縣主簿張承立墓在大陣坑

文林郎舉人譚廷雋墓在沿山海洋窩

直隸總督銜江蘇福建巡撫丁日昌墓在揭陽城南門外

民國陸軍塋場在湯坑草塘尾凹民國十七年分水銅盤山國共兩軍之役陣亡將士叢葬于此第八路

軍總指揮部建

(七) 坊塔

恩榮坊在安敦嶺東北康熙四年饒鎮吳六奇建

天褒仰孝坊在龍上寨雍正四年爲羅義妻陳氏建

天褒完璧坊在龍蟠園前乾隆十五年爲吳啓紆妻譚龍姑建今毀

攀木號依坊在將坑爲吳少師正配一品夫人張氏建

千秋勁節坊在藍田大平埔爲吳成妻張氏建

節婦坊爲譚淮妻劉氏建潮州府志

開邑百齡坊在占頭村道光六年爲壽民陳義章建

旌表烈婦坊在隴隍口鋪光緒二十一年爲胡秉福妻朱氏建

百歲坊在潘田牛牯石凹宣統間爲唐煌建

文塔一在縣北八里嘉慶二十五年建 一在葛布鳳山道光九年建塔尖爲雷電劈去 一在占頭村

嘉慶二十一年建 一在沙田棠凹山康熙五十年建民國五年地震崩塌

(八) 名勝

豐溪春漲 豐城在萬山中清溪蟠繞如帶城北有普濟橋石梁數十丈橋其上石欄繚繞竹樹環川每

豐順縣志

卷十五

勝蹟

七

汕頭錦字局梅縣分局承印

當春水方生一溪漲碧桃花浪湧沒岸平堤城郭人家掩映綠樹間真如瀟湘春水矣前志列爲豐城八景之一

柴致和豐溪春漲詩云春郊兩足水溶溶碧漲前溪闊幾重人在抱山堂上望黍苗到處有蒼濃

又陳浩詩一溪春水繞城流四野奔趨潤綠疇雨洗飛花紅躍浪風飄舞怒白翻洲層層峭壁波中見

渺渺間鷗物外游堪作當年濠濮想心胸蕩盡萬千愁

朱嘉禾詩草長平沙水漲溪風翻碧浪遠山齊沿岸汗漫幾吞浦觸石迴流欲撼堤滿郭烟光迷鷺影

一川湍響亂鶯啼春郊正值春耕候爲歸步平疇有犢犂

葛輿詩兩足郊原潤溪流一派橫水高洲漸沒磯激浪難行芳草相連碧浮鷗逐隊輕春來多逸興倚

杖遠含情以上俱錄葛志

彭景雲詩環城豐水自悠悠三月桃花浪打頭芳草綠波相掩映畫橋烟柳自夷猶怒濤偶觸驚簷杵

積雨初晴快鴨浮壯闊文瀾誰得似乘風安穩到瀛州

邑令王承察詩溪水抱城流山河幾萬秋雨添泉到峽石沒漲平洲溢岸連田澤迴波盪市樓氣盈歸大

海萬壑有源頭以上錄許志

溫泉一名湯泉四時鼎沸如湯故名氣有硫磺味泌沸處探探體焦可宰牲物流二三坎始可浴泉坎四

五近岸有亭在城北豐溪畔此古湯田之所由名也

邑令葛曙有溫泉記 湯田之名由溫泉得也出豐城西北數十步可望而即其泉似有神炊終古長

沸于于焉虛往實歸居民賴之稍遠爲圩場交易而退成就盟濯曾莫之禁夫待舉火者而熱何如泉之自然而熱者不言所利其利溥哉向使離城遠遠汲取實勞安能僕僕道里爲瀚濯溉瀉用卽以爲神等諸棄壤耳物以適用貴泉之近城其亦有幸乎間嘗徒步往觀蓬蓬勃勃如釜上氣不可嚮邇下次坎氣漸平和因思假我數椽做浴沂故事致足樂者獨怪無先得我心旣而知溪漲水高常遭沒又未嘗不嘆所處之卑而爲是泉惜且不聞中於膳飲豈以近溪而溪流清且潔歟或謂疑有藥物然吾於茲泉獨有所取蓋泉而冷常也易曰井冽寒泉詩曰爰有寒泉若夫溫春氣也陽氣俱蒸土膏其動萬物發生豐爲新造邑倘此一脈溫而民物繁滋形家所謂旺氣未必不從茲泉乘之但曰能除瘡痼特其小補吾之爲豐城者俾一邑之疾痛咸消始賀斯之神庥無旣已不可不爲之記

明張翹遊溫泉詩十里青郊路看山興木窮乳泉溫石火萌屋貯春風野老追隨久康衢笑語同武陵幽絕處只在小溪中

鄒濂德湯泉十六韻久厭塵世喧山行愜心目蒼崖透孤嶠長林翳深綠溪迴徑自轉徐入小橋曲何處白雲起離離佈前麓父老向我言有泉在茲谷鬱若霞霧蒸非炊烟自蠹其下若灘珠其外堪盥浴其中若沸湯大寒莫敢觸予聞爲驚疑疾趨成童僕憩息此泉下徘徊數往復天下多名泉無如此利俗聞有甘若醴冬月不堪掬亦有香若麝貧者非所欲溫泉是處稱火候未俱足弗若此泉佳于然仰抒軸我甚欣此泉酌之將滿腹上俱爲志

豐順縣志

卷十五

勝蹟

八

汕頭鑄字局梅縣分局承印

邑令王承登詩溪邊石窟縱橫活聚源而幾坎清泉達火燃烹在鼎氣蒸烟起沸如羹碑炊自効風冬夏民利端資遍市城木吏豈甘炎熱附一叢詩料記嘉名許志

舊志載葛祖亮彭景雲詩不俱錄

案邑屬有溫泉十一處豐溪爲大其次者一在湯坑市一在陷隍對河湯頭嶺下一在七浪灘山麓一在蘇姑山一在石湖一在石橋頭村一在石水岡一在塔下村一在潭江鄉湯沙一在下湯社惟下湯一處今竭

古榕夕照在城西里許古榕爲元代物虬蟠數圍綠陰數畝團團如車蓋高僅二三丈樹下有陽宮因樹爲屋堂與畢具符翁所稱爲榕廈者遜其結構每當朝曦初上衆鳥聚鳴紅日西斜栖鴉噪晚信爲勝景矣向列爲豐順八景之一今則霜摧風折類半死之桐無復當年秀色已

吳之駿詩大樹當時不須功偏留此地綠青葱重枝疊幹天然景錯節盤根造化工入夏陰翳能蔽日凌晨蒼翠自迎風鄉人處處陳牲醴土鼓頻敲祝歲豐

柴致和詩離奇天矯欲摩空疑探扶桑到海東山色漸暝村舍靜一枝斜掛夕陽紅

朱嘉禾詩秋郊何處覓芳菲老幹千年性不違遊客與幽閒徙倚暮鴉知倦半歸飛小橋流水環行陌遠岫晴嵐帶夕暉莫惜歸途重展眺牛羊來下掩柴扉以上俱爲志

邑令王承登詩神物盤錯古還添夕照紅殘霞移影遠野火煉形空葉密圓成蓋根蟠倒結蓋蒼茫吞

落日氣像入鴻濛

彭景雲詩蔚然相望大溪中夕照蒼茫萬古同水拖秋風清瘦影鴉翻落葉暮烟空四圍老幹周遮碧
一株殘霞閃爍紅共仰五朝神物在行人解問大陽宮以上錄許志

陳浩詩斷句云鳴和谷應枝間鳥却暑涼生葉底蟬又對景長吟歸向晚披衣不覺夕陽迎

龍山秋月在城東三里向列入景之一山巔有古松一株婆娑聳翠明月東上直掛松梢清秋素影輝媚
寥天山陰有龍祖寺林壑幽美泉石清奇月出止照寺門每值秋高月圓騷人遊展撥拾其間陶詠流
響自昔然矣民國二十七年中秋名流畢集山寺裙屐聯翩酒酣待月彈棋賦詩尤極一時雅會焉
麥大縱遊龍山寺詩不游龍祖寺安識洞中奇伏石多驚虎逢僧勿訝師人雲依五色掬水味三危支
遁愛山切應留山一枝

柴致和詩碧天無際月輪高極上仙山逸興豪咫尺廣寒宮可接五雲開處響仙璫

陳浩詩徑入龍山象外幽遙瞻古寺白雲秋燉寒丈室僧初定鳥亂栖林客晚留露重枝頭千葉落光
函嶺上一輪浮莫言于此興猶淺試作東山着屐遊上俱葛志

彭景雲詩月到人間留不住龍山月到倍相親地緣得勝無遮碍節爲經秋淨霧塵放大光明憎慧業
教通眼目悟前因抬頭不俟屈曲捧空地專能着色身許志

龍山雅集啓事望眼廖天囑圖似鏡河山滿目破碎堪悲故國已非今月猶昔人間留照滿地千戈影

豐順縣志

卷十五

勝蹟

九

汕頭鎮字局編印分局承印

落南天頻驚烽火陸沉未已民生方艱哀樂何心有懷難遣言陟龍山以寫我憂遐想明月在天秋風
吹樹禪房可憩黃葉堆門塊壘填胸繞將樽酒舉杯邀月不醉無歸有約嫦娥共此良夜斯亦亂中及
時行樂之雅集也嗟我朋舊相携其趨此啓

李介丞雅集詩無計安排此亂離約尋山寺遣秋悲峯高雨後龍猶臥壑迫雲深月上遞我佛津梁原
許渡今宵杯酒肯無詩東南半壁看留照斫地狂歌有所思

古寺溪桃在城南一里亦豐城八景之一也青山一角清溪倒流怪石嵯峨桃花夾岸山有佛泉古寺歸
來亭互映澄潭游魚羣聚固當年風景也世變滄桑亭經水毀寺亦淪荒漁父重來已不復見洞口桃
花空留溪山一派矣顧長津迴碧竹樹依然負日迎風素波激石愛深山水猶堪撥拾孤往過囑亦足
慰羈望也

吳凱先佛泉寺觀魚詩誰云鷗鳥始忘機水底潛鱗詎不如赤子因應皆佛子木魚何佛格潭魚聞經
自赴龍華約聽磬還分貝葉餘最愛懸崖高處立會心多處一躊躇

柴致和詩沿溪何必定桃源灼灼飛花靜不喧老衲坐枯林下石相看一笑已忘言

陳浩詩若爲祇林集異珍桃溪爛漫倍生春水流花放爭天趣梵唄鐘聲遠俗塵擲錫峯頭清欲絕聞
經石上埤無眼飛花莫向人間去怕惹漁郎又問津上俱葛志

王承鑒詩寺古不知年桃溪別有天無言契妙諦流水悟仙緣津間源頭杏花開佛頂圓春風拈一笑

福地臨塵烟

彭景雲詩世間春老芳菲盡古剎桃花春滿枝倒影近烘潭鏡暖落紅多傍石梁飛溪流屈曲無人覺
花信迴環有蝶知最喜得山兼得水名藍棲止儘相宜上錄許志

李介承詩古寺淪荒久桃源跡尙傳山迴溪路轉石亂水聲喧歷劫川陵改重來景物還夕陽過廢壘
何處證吟禪

韓嶺籠雲在城南西與龍山東南相望豐城八景之一也高四千五百尺抗風銅鼓俯瞰城郭若韓昌黎
泰山屹立朝雲夕露縹緲繞巖間時以噴雲牛腹時而獨露峯頭變幻無端而青崖翠發望同螺黛亦巖
邑奇觀山山巔有湖方塘如鏡湖水下流潺湲澗谷穿筑可聞山半一石大數十圍高十餘丈其上連
綴一石端方方正相傳仙人下棋處棋局猶存云

柴致和詩一嶺高聳盡層霄不盡烟雲護半腰似爲名賢留勝蹟空山千載識高標

陳浩詩韓公去後策稱韓高邁諸峯百尺竿嶺徑崕崎行不斷烟雲變化幻無端織成錦繡大孫舞裁
作文章山斗觀豈是無心閒出岫乘時爲雨霽龍蟠上俱錄爲志

王承岑詩勝蹟尋韓軍雲封不露顏文章隱變態山斗仰資關繡道驚雄筆龍潛起霧鬢奇踪大愛護
望入有無間許志

銀瓶霽雪在縣北單椒秀澤翼附羣山孤峯迢舉挺拔刺天每至晴初霜且雪霽雲開直如銀瓶卓立若

豐順縣志

卷十五

勝蹟

十

汕頭錦字局梅縣分局承印

秋高天淨紅日照耀則山風光翠發非概青雲遐矚慰望氣象萬千大有終南山色滿長安之景宜爲
詩人騷客之所詠詠也故爲豐城八景之一

張大光詩雪霽銀瓶淨清光掃遠天瓊花凝素岫白竇寵輕烟萬里星河淡千山皓月圓一峯登眺處
不讓玉堂仙

柴致和詩誰把銀瓶換玉龍瑩然冰雪靜雲封凌空獨插層巒裏知是瑤台第幾重

陳浩詩峻嶺無勞斷削成望中寒雪倍分明凌空高插琅玕樹綠地周遭雲母屏天爲嚴嶺增玉壘人
從海嶠拾瓊英陰霞散後光爛潔照徹瑤峯萬丈清上錄爲志

王承岑詩萬古轟銀瓶凌空雪蓋青晴巒失蒼翠薄霞望玲瓏天近接瑤島門當柳玉屏梅花如可插
對我喜杯停

彭景雲詩天公主戲忽回頭遺却銀瓶夜不收誰把挈來盛白雪世還轉欲悟黃流風搖素影山河動
月冷寒光天地秋擬上玉皇千萬壽呵噀富媼合藏修上俱爲志

揭嶺飛泉詳古蹟類亦八景之一懸巖百尺飛瀑十丈如素練垂空銀河倒瀉崩奔澎湃驚川壑谷雖亭
荒莊圯攬勝者傳其落漢鳴泉之名蹟焉

羅國珍詩藍田削壁見飛泉隱隱晴虹百丈懸朱子石函留洞宇秦皇古戍靜風烟無邊珠玉因風洒
不盡琴箏韻日傳散喜源頭多勝概於今流水滿前川

陳浩詩昔賢曾此駐征鑣爲嘆羊腸曲遠勞峭壁春回巫峽浪晴溪秋散廣陵溝渠成不俟西郊兩派
遠分流南畝爲邑自更新山自古幾回極目興猶豪

柴致和詩何處源頭活水來珠噴蛟舞到山隈吳綾百丈懸危壁不許并州快剪裁以上俱錄爲志

王承望詩揭嶺幾千重泉飛懸碧峯珠噴穿怪石玉碎打枯松天上何從潑岩頭到底衝匣中仙掌摩
放出白如龍許志

淨水遠鐘詳金石類亦八景之一寺在深谷中羣山環抱溪水澄清以礪泉寒冽不生魚蝦故名淨水惟
笋獻是豐風景清幽夜半鐘聲遠聞數十里所謂修修釋子抄抄栖禪者也

柴致和詩數椽高踞萬峯巔寂寂空山不計年一自鐘飛來絕頂祇今人說口頭禪

陳浩詩山嶽靈時鐘亦靈我聞昔有奇因一灣九鑒塵何染無翼能飛運若神響澈終宵清俗慮音傳
空谷達高岑年來客踞多塵夢欲向禪關拂拭新

彭景雲詩初地飛來不等閑蒲牢八百動溪山音沉三界迴旋久響徹千峯隱約還洞口白雲相往復
門前流水自潺湲騷人乍聽知何處策杖尋幽路幾灣

品芳園在隱隱球山之巔左濱韓右臨軍塘東南鳳凰山山浮嵐當戶有林亭小橋假山台榭之勝舊爲
李氏別業後歸爲朱氏所有今復移于余姓百餘年已易數主近又遭敵機轟炸風景全非昔日之勝

蕩然無復存矣

豐順縣志

卷十五

勝蹟

十一

汕頭鉛字局梅縣分局承印

培園在占頭村請訓導陳香九期昌講學處園築于兩山之谷口茂林修竹間有池泉之勝園有學舍數
十間門各題額爲佩蘭集華區籬紉芭蕉茅茅芷杜若芙蓉棠辛夷榴之類皆經之香單名詞又名其
外門曰蕙芷山房聚徒研誦其中邑屬北勝一隅詞章風氣實培園所提倡學者盛稱之詳期昌本傳
龍泉巖在藍田埔寨鄉巖有亭廟泉石之勝好事者競于岩石題刻留其姓氏春秋清日暑夏清陰游人
屢止觴詠其間信爲勝處矣

無名窩在黃花村口窩麗純陽古洞環兩山之間鑿崖結屋半其樓屢拓之爲純陽觀修祠垂蔭右濱黃
花村溪飛瀑十丈琴筑可聞有黃花石梁橋其上橋名爲黃桔桐所書石刻遠威將軍劉公志銘紀念
林場在馬窩饒泉石林亭之勝近若螺峯鷓鴣峯遠如桃花之舉羅列如在杯按風景絕佳是以遠近思
元之士長齋之婦栖焉彼鄙人土多假此觴詠之所

卷園野叟陪宴題壁詩云洞口雲山畫裏開仙人舊館半樓台桐陰日午移風檻戶外溪聲入酒狂境
靜堪爲吟社地國危莫負濟時才勞生若許閒招隱應闢林均種百梅

李介承無名窩記云黃花村口純陽觀之旁有無名窩焉其泉涓涓其石齒齒豐草綠樹竹樹蕭疎大
然風景如畫民國三十年春余于村口築黃花橋每過而愛之爲結放生池瀦其泉以養鱗介既移高
逾丈之叢桂一株植其旁復於山半築亭名曰歸雲亭去池不百步路曲屈斜上通焉遊客多池畔草
不常綠因于池下深澗橋其上導之折而登亭之西窩之巖處岩石皆巨竦戴北來之山脈巖然而止

遂隆起若丘垤乃闢其巔建一椽之明貺廟垂味花廬祀于此廟前臨峭壁以短垣護之其下山坡斜坦亂石參差池泉之所自出也有修桐蒼竹數株叢生其左余于其左斜坡多墾小畦層級爲梯田雜蒔花芷無曠土更中開一徑旁達於亭於是窩十畝之間有亭有池有橋有廟有石有林有花畦蔬蔚然一風景區矣余力將於亭廟林砌之間築別墅一楹作行窩他日處其間則俯可觀池中魚躍畦上花開仰可見天外雲山而靜聽林間鳥聲純陽觀裏鐘磬聲與黃花橋下瀑布溪聲日夕聒聒相應其聞于耳接于目者將不暇給賞此樂何極天下之名山勝景余生平足跡所經者多矣竟不及此無石窩之勝者何也豈因一手足之所經營而有我在耶余愛自家丘壑故爲之記

風俗

邑人李唐介承甫編纂

豐邑分割嘉海揭埔四州縣成治風俗約略相近民皆聚族而居質樸儉約無浮靡之習重宗祠祀田婚喪俱做大公家禮行之士閉門自守絕不干與外事邑雖山陬而溪濱巖谷間土壤可以種植泉源可以灌溉者無不墾闢爲田故力農居多工賈不過什之一二山皆二熟山水四時不絕惟湯坑羅家約等處以泉少憂旱大小墾墾等處以近大河憂水飭皆旱潦無憂故邑人無大富亦無其貧婦女汲水採樵操作其勤邑多官山無他產者居多山麓種植薯芋等物名爲種耨游民絕少普通多信神所祀有所謂公王國王者不知何自又悉於他家言墳墓雖遷徙告爭不厭亦無恃強恃富恃尊恃奸等習前未設縣時豐政都去治其遠每有抗糧拒捕之事今亦變矣惟嗜利負氣聽唆訐訟或有親戚不顧者至于積難狀實此風甚多尤宜嚴禁因其樸實加以教化非守土是責而誰責哉

嘉應州移割之環清逕心律橋等處民皆服耕其秀者頗善讀書安分少訟地多官山時有興寧長樂二縣民寓居嶺谷種植薯芋爲生里民亦不之競

海陽縣移割各社其大小墾墾產溪龍溪九河等處民風謹愿力農工作間有舟楫爲生者皆樂業守法畏見官府至北勝社橫坑布心大港等處俗亦樸實惟爲遷流狡滑之徒所煽爭訟不少而潘田一社爲尤其下湯大田二社以附近鑛山鑛徒未絕海志所謂豐政都嶺悍難治者以此

豐順縣志

卷十六

風俗

汕頭路字局梅縣分局承印

揭陽縣移割各寨金鼎金甌金湯羅家約銅盤等處居民稠密訟端以滋然士知自重讀書應試者在通邑爲最盛商賈亦較多至入鄉之筭其坪貴人村等處地方寥闊民居不過百家僻處深山並無田業每于崎零犖確之地什樹稻芋養生終年不入城市至爲貧苦其地方行跡罕到司牧者尤宜注意

以上俱錄
縣志

案八鄉在隋唐以前南北通道皆由飛泉徑經八鄉之石子溜隋義安郡丞陳洪居此貴人村山因以得名後因瘦牛嶺路開通始淪爲荒僻之區民國十六七年鄰縣五華共匪古大存輩入據八鄉爲巢穴四出擾亂屢經官軍搜剿始慶清夷逮年五華奸民復入鄉誘惑村民廣種鴉片經縣長劉禹輪督令自衛團大隊長吳柏蒼蒞鄉鏟除并編查保甲分設學校警察所漸成爲自治區域政府能繼續整頓固亦易治之鄉也

大埔縣移割白芒社等處山多田少居民不繁風俗謹厚焉也

案邑屬民情類多謹厚守法奉公士紳皆束身自好向不干預外事凡非關係地方治安大事皆以穩忍處之以故通志府志俱稱爲易治歷任地方官果有惠政及民人懷去思者靡不感激圖報昔建德政祠以子去任離縣之後奉粟主祠祀不啻迄于清末祠祀十有三人祠有碑記限制茶嚴誠一代清議所在也明季大亂四鄉多結寨自保或則起兵勤王氣節甚盛咸同間潭體仁之亂擾縣境古石揚之謀攻縣城民十七八年共匪之據地焚劫鄉人皆羣起而撲滅之辛亥革命邑屬嚮風反正不假兵戈秩序如常此以見全邑人心風俗其公忠正直有足多者顧三十年來爲治者不能激濁揚清反利

用金王自便私圖至下流無賴羣起而與官廳朋比包攬行賄顛倒是非小人道長幾于無官不頌有吏皆賢其阿頌之諛詞逾于循良之操飭相習而爲僞詐中于人心而害于風俗將使易治之舊俗變爲易亂之繞風斯直地方之隱憂也所望清政長官丞有以挽救而整飭之

郡國利病書潮州有葦其種二曰平葦曰崎聚其姓有三曰盤曰藍曰雷皆瑤族號曰白衣山子依山而居採獵而食不冠不履三姓自爲婚姻病歿則焚其室廬而徙居焉籍隸縣官歲納皮張而已其曰年老與盤藍雷大三姓者頗桀然難馴

案邑屬東邵之風吹礫山村有藍姓數十戶稱爲狗頭王子孫即肇民也村南有鍾姓十餘戶傳其祖爲藍姓外甥世爲婚姻惟晚近已與四鄰族姓通婚現已同化非復利病書所言之習俗矣其舊操土音俗稱爲蛇羅語極難解今並操此語亦少惟春米用杵臼以手搗之猶沿古俗每歲除夕舉家必席地而食以爲狗喫必在地也有祖遺匹凌畫像一幅長三尺許圖其祖人身狗頭像自出生時及狩獵爲山羊觸死各情事甚詳蓋十百年古畫也止十歲之元日橫掛老屋廳堂中翌早輒收藏不欲爲外人所見距該村三十里之潮安縣境歸湖內山有雷姓十餘家與彼同祖亦與通婚往來殆卽後漢書所云之槃瓠族攷搜神記述槃瓠事尤詳晰近世學者謂槃瓠卽盤言之異文梁任公謂爲蠻族中之別一派卽最初之士著是或然歟

婚嫁

豐順縣志

卷十六

風俗

一一

汕頭鉛字局代印

男女婚嫁貧富厚薄不同禮俗則一初時日間名男以手釧或銀爲檮檮儀造媒致送繼則爲做定擇吉日備禮銀猪鷄酒米等物送至女家乃答以袍帽書儀等項將娶數月前擇定娶期用聘銀五十兩至百兩不等如前物儀送至女家答之亦如前名爲送聘及娶預先一口仍備猪鷄鴨酒米等禮物往迎其女家樣儀視貧富爲之貧者不過隨身布衣而已爲志

案婚嫁禮俗今猶相沿惟聘錢在十年前則增至二百元最近已增至五六百元之多迎婚俗稱元娶最重要禮俗爲行禮帖式在男家對女家父母及伯叔父母祖父母女之兄弟均應分具禮帖及糕肉等物儀逐一拜問以表兩家聯姻之好如對女父母則自稱姻侍教弟對女伯叔父母自稱姻家侍教弟對女祖父母則稱姻晚生之類嫁女之家亦必一一具帖答禮收其禮物另備錢包名曰書儀回答之婚男雖稱呼各別亦必逐一具禮帖糕肉拜問若婚書必用特製之鸞鳳和鳴泥全帖先書婚男建生年月日時于左方女家則依其帖書女建生年月日時於右方名曰鸞鸞帖概用精製漆盒盛之男家縛帖盒用紅絲一束女家改用預織之鶯鶯帶男家備配物儀有多至十槓者最少亦三槓槓必列舉物儀書于另一禮帖其禮數必成雙且必具一生公鷄俗稱帶路鷄女家則將其妝奩列書於帖加答以生母鷄俗稱種鷄殆循古奠雁之遺意也若貧家類以男女成年婚嫁爲繁費則老娶童番媳大者七八歲小而三四歲或有生彌月而抱養者及其長大習慣貧家生活往往視成年所娶者爲優以故中年之家亦多娶童年小媳者全如離婚改嫁夫死再離亦視昔爲多其聘錢則數倍於正式婚姻

之數此由于男女之自由擇配主其事者每見彼情意契洽故爲多索而娶者亦不吝多金願再醮改嫁之風在數十年前所不常有近今則相習而成爲通俗不以爲怪此亦社會之升降者矣若文明結婚雖有行之者然必男女皆有同等教育此新風氣尙不其著

喪葬

居喪初歿時族戚俱臨吊哭子孫守屍三日始用棺殮既殮拜告天地披麻執杖同姓以麻異姓以布俱成服送至墓所宴以謝之既葬家中設紙屋香案奉祀三年大祥則燒紙屋麻杖送香火入祠合祀葬後五年或十年易以瓦罐俗呼金罐收貯其骨骸其骸骨黃者復葬原處如骨黑及濕則另覓葬地喪費亦視家之有無爲之墓志

案邑屬喪禮親死卽訃告族戚以大殮及歸葬日期守屍在堂障以孝簾夏暑必三日後始殮冬寒有延至六七日者無間晝夜必燃燈燒紙錢於屍前蓋循士喪禮宵爲燈於中庭也每一弔者至必傳鐘三將殮子孫必首戴謚幃跪立於主殮父老之前哭而請爲其親歿謚俾書諸銘旌其銘旌丈許之繹帛爲之然後祭屍祭畢乃殮殮儀式悉遵文公家禮自襲屍含口入棺及肉袒而訣別諸禮節皆由司禮生主唱而行禮畢蓋棺哭踊移柩於堂北自停之成服必往郊野祭告天地富家用猪一羊一貧者必用牲主服者持麻衣孝杖跪左足告天地畢乃賜孝子披執凡執殯祭皆于成服後行之弔拜者皆發白布腰襦各一名爲發白翌日各戴以送墓將發引孝子六親畢集柩前舉行堂祭鄰里則陳牲于道爲路祭閱之或死者有德於鄉里夜祭路祭每有多至數十起者既葬設栗主香案於庭三廡加設紙屋俗稱靈屋名曰入靈奉祀每日三餐必進羹飯盆盅燒紙錢所謂事死如事生之道至大小祥乃止葬久收骨雖爲地俗若生前預營生壙者則棺葬後卽不復移易而馬鬣千秋矣喪費係家有無往往因親喪而破產邑人多有老人會之設立遇會員親喪凡會友悉按會規各饋金若干米菜若干椅棹器用若干咸送往協治喪事蓋本凡民有喪卽卹救之之古訓亦風俗敦厚之一般也

祭祀

葛志云邑民皆聚族而居重宗祠祀田語焉不詳邑屬族姓無大小皆有祠堂一族公共者爲宗祠分支者爲私祠合一縣或數縣同族設立者稱大宗祠石窟一徵云宗廟之制用龜藏主太祖特主居中左右分昭穆次序爲序牌其無後者供以蠶左右兩旁亦分以昭穆其有犯禁逐出者例不得入序牌白虎通宗之爲言尊也族之爲言聚也大祖之奉尊之也昭穆之序湊之也宗族之義備矣邑屬凡宗祠皆有祀田歲時祭祀更有祭田俗並稱爲蒸嘗田故有春祭秋祭之典祭祀皆用三獻凡後死者皆得陸續入祠登其世次謚諱名號於祠簿以憑合祀不必皆有牌位也若春秋祭祀其主鬯者或以齒傅或以科名不必定以宗子因不在衣冠之列以主鬯嫌之行禮也祭畢會食於祠有關於一族之大事會議皆於祠凡宗祠皆一族姓之統合機關也

邑屬重宗祠並重祖墓族大者祖墓祀田尤多歷代皆有墓卽皆有祀田其多者椎牛割牲分胙肉丁肉

祭則合族盡室上其千數百人合食墓前祭墓必用吹炮手銅笛銅鼓高燈涼繖自上元至清明累月始盡連村接踵往來不絕猪羊祭品咸以械以二人抬之如小勝鄉李族祭始祖墓其抬祭牲之械多至七十餘副昔人詩所云清明祭掃各紛然者也

時俗

葛志云立春前一日有司迎土牛于東郊士女聚觀多以豆穀酒之至期鞭春爭取土牛以歸以爲利市謂之迎春案自民國來已廢而不舉邑俗元旦晨起祀祖上帶親友以雙柑往來慶賀越日至元宵各族姓皆祭祖于祠名曰春祭四鄉多舞獅子蓋古儺禮之遺也元宵掛燈火樹銀花鼓吹沸天極魚龍曼衍之觀春分祭墓清明多采萬壽藤葉製糕或采五蔬合烹入饌謂能明目端午皆祀祖製角黍插艾于門沿韓江鄉村多競渡舊標爲戲俗稱扒龍船馬崗山村則糊紙爲龍以迎投諸村口溪潭中元節多祀祖寺僧則向人家募貲爲盂蘭會立秋農作雖忙皆休息一日或一時俗迎秋迎稻以穀數韻中秋賞月村塾皆祀孔聖婦女多迎紫姑以問休咎秋分大族多祭墓名曰秋祭重九士林多登高兒童競放紙鳶冬至皆釀酒製糕大族多祭祠名曰冬至農村皆於冬全前後酬百神演戲臘月廿三四俗稱入年假村戶皆行大掃除洗滌百器即晚祀竈開始開鑼鼓換桃符做年會大割牲分肉製年糕除夕祀祖燒爆竹上燈邑屬四鄉村口皆有神廟所祀多公王國王關帝五顯帝歲時伏臘農家皆有祀事春播種則祈年曰許福冬穫畢則報賽曰完福久成通俗蓋循古者祭方社田祖之遺風也

豐順縣志

卷十六

風俗

四

汕頭總字局梅縣分局承印

案民國改用陽曆凡陰曆時俗雖有今昔之差惟農村則沿習陰曆攷周正達子孔子乃言行夏之時周禮亦言夏時爲正歲誠以農事物候非參用夏時不能與二十四節氣相應政府爲會計年度取與世界列邦劃一起見故改正朔顧吾民以農事習慣關係自可並行不悖彼月令關風歲時事至今不廢因與時俗同爲農家者流所珍惜也

生活

邑人生活經濟皆以農爲本其他白業皆基於耕不足食始別謀補助之生產而興因田少山多歲仰給舶來米幾達十萬石之數加以日用必需物品之輸入與夫一切公私之負擔如稅捐攤派及教育祀祖敬神醫藥婚喪應酬之類每家歲需支出各數爲費其鉅全賴農林畜牧所生產及工商學所營求僑外匯回所入貲額爲抵補藉以彌縫其缺其生活困難之情形大概可見顧其彌縫之生活方式因各鄉村地方情形習慣之不同亦各有其獨立之生計就農本言因生活困難之結果故佃農實佔總戶口數百分之七十無田可耕之窮農又佔百分之十二自耕農與業主僅得百份之十八全縣稻田合計一十萬一千百餘畝平均四萬四千六百餘戶男女二十三萬一千八百餘名幾於每二人共有可耕之田一畝歲無四月之糧即以歲入舶來米十萬石平均人口計之每人尙不足供三月之食故單就穀米言歲僅得其半年之數而已奈之何民不窮且困也顧大多數之民猶未論入餓殍者實賴種植雜糧以什糧爲主要食料祇以米補助之惟中等社會以上之少數業主與自耕農始以米爲主要食料然皆以

雜糧輔之若完全食米者惟市商與學校及官吏兵營耳

因稻田之缺乏收穫之有限爲增加雜糧產量計類以稻田改種什糧更關山岡而多種什糧故凡佃農之家窮農之戶皆歲收儲什糧數十担皆爲一家數口之養贍乃能有餘力以營其所必需之缺乏資金大抵農時則力耕農隙則營工肩挑凡土物之生產百貨之轉運力役之工作皆其生活經濟之資源也是故一區之民多以產猪苗養鴨羣藝園種茶燒炭肩挑爲其唯一之生事二區因常受水患多往南洋經營工商業其近市者則習爲營商織席操舟蔬果之利居鄉則種蔗製糖績麻織布做柴砍竹爲生三區人稠亦多數出洋謀生其居鄉者男則經商操舟種蔗製糖化生製油女則樵薪耕種之餘歲必績織夏布二正以一疋易棉布四區沿溪鄉民則出竹製器以農工兼商內山皆燒炭砍柴出杉及採土地之毛營山林之利借肩挑爲生涯五區沿河各鄉多數陶碗種竹砍柴操舟爲生內鄉皆燒炭採山種茶肩挑結石土木工業爲其資生之具至于畜猪養雞全縣農家皆視爲唯一之副產若出洋謀生亦無村不有但不及湯坑隘兩處之多數試總計其自南洋滙回之款每歲總額平均亦達二三百萬元之鉅凡此勞力之所得與僑胞之滙回皆農村經濟之活力所在加以柴炭竹木油糖茶碗竹器果實各大宗輸出歲值五六百萬元合計畜牧副產之收益極其量度不過一千萬元而已此固全縣人民生活經濟之概況也

改造增進之方自應以農墾水利工鑄多方面爲因勢利導之努力邑境山重嶺複溪澗皆自高下流若

豐順縣志

卷十六

風俗

五

汕頭縣字局梅縣分局承印

連山築塘綠岡鑿渠則凡隨坡岡阜皆可墾成水田不難增加十萬畝稻田之數而達到耕者有其田之極則若甘蔗花生烟草芋棉茶桐杉竹果實之利尤無土不宜隨地可植至如袁十遍、東北半縣嫩松竹笋到處成林散柴穀壳多而無用則陶甕製紙工業皆擷得天賜厚之利蓋其所需用之原料水力均甚豐富大有取之不盡用之不竭者况採錫挖煤開鑿銀鉛銅鐵鋁礦及硫黃凍石尤爲大利所在今公路四關運輸便利已異昔時爲治者果能因其利而利之爲民生謀永久之計爲國家立富強之基以實心行實政不急功好名不塗飾耳目開誠布公則上以是求下以是應十年以住安見貧瘠之山邑不變爲富裕之天府也哉

方言

父稱阿爺阿爸亦曰阿爹母稱阿媽溫廷敬曰亦有稱哀者統稱曰爺良邑俗亦同汪榮寶言人生最初發聲爲阿世界各國字母多以阿爲建首中國古音亦常如此案爺爸爸邑語俱讀六麻韻處公書成古稱父爲阿爺木蘭詩軍書十二帖帖帖有爺名是也吳人稱父曰爹爹即父同著與古音合母古音讀父轉音米邑語呼母爲姆讀平聲音稍變矣姆本古女師保姆之稱始嬰兒呼姆既慣而然良邑語亦讀平音即姆字變音嬰兒出生隨地其聲皆曰嘸呀嘸呀哀本嘸呀二字之轉音嘸即哀呀即爺故曰哀爺初民以母先父故女生爲姓哀爺實爲語言之始今稱爺哀雖古亦必始于女系轉爲男系時代就爺孃之始于六朝蓋視稱哀爸爲後矣

祖父稱阿公亦曰何爹邑語讀多他切祖母曰阿婆亦有稱阿祖阿姥者曾祖母稱公太婆太案稱祖曰公始于史記外載世家本老嫗之稱吳越備史錢鏐誕生皇考欲棄于井祖妣不許曰婆留婆即祖母古已有此稱矣溫廷敬謂如父與祖父古皆呼爲爹讀重音後欲稍示區別遂以呼父者轉爲輕音邑語呼父與祖父爲爹讀音因有重濁與輕清之異蓋呼父爲舌上音呼祖父則舌頭音也祖母呼妮邑語讀仄聲亦舌頭音與潮語呼母爲者異姐子野切說文蜀人呼母曰姐邑語讀馬韻格康幽憤詩情愛肆姐不訓不師是祖母祖稱姐亦古矣曾祖父母稱公太婆太其義至明凡客族皆同惟潮語則曰大公太婆

爲古音今邑屬語讀梯皆在齊佳二韻之間

父之姊妹稱阿姑祖之姊妹稱姑婆母之姊妹妻之姊妹均稱阿姨爾雅父之姊妹爲姑妻之姊妹曰姨釋名母之姊妹爲姨亦稱姨母以別于妻之姊妹也案祖母之姊妹稱姨婆亦以別於母之姊妹也

母之兄弟稱阿舅亦稱舅父妻之兄弟亦稱阿舅史記孝文帝紀封淮南王舅父爲周陽侯索隱舅父即舅猶姨曰姨母也新唐書楊行密謂其妻弟朱延壽曰尙舅代我無憂矣此用舅與妻舅之別也

子之婦曰心曰溫廷敬曰心即新字轉音曰即婦字轉即新婦之稱引六朝吳音讀婦輕唇爲阜由阜而轉爲曰云初猶疑之案爾雅女子既曰婦婦潮語稱心埔或曰即新婦之轉廣州呼語爲心婆亦曰牛婆

豐順縣志

卷十六

風俗

六

汕頭鎮字局梅縣分局承印

音義均易解邑語稱心曰與埔各縣同於義何取致補補曰叶敬呂切音廣韓昌黎元和望德詩遂自顛倒若杵投曰叶下瀆此可証曰爲婦人之轉音矣或曰心曰即新曰因負薪井曰故所未詳也

夫曰老公妻曰老婆又曰埔娘蓋本君子偕老之義寒山詩東家一老婆侯景曰吳下老公是古有所此稱也額外代答稱爲夫娘嘉應州志則謂爲姑娘溫廷敬謂俱不類當作婦娘婦古讀重唇故其音如埔其釋最爲確當

母之父母曰姐公姐婆亦猶祖母呼姐言母之姐加以公婆而別於父之公婆也

妻之父曰丈人老母曰丈人妻亦曰岳父岳母陽修曰泰山有丈人峯故稱妻父爲泰山若稱妻之母爲泰水不知何義邑語之稱本此泰山爲五嶽之一岳同嶽故曰岳父岳母或曰晉樂廣爲術珍妻父皆有重名岳丈即樂丈之訛總之不離乎古者近是

婦人稱夫之父曰家官亦曰家公夫之母曰家娘亦曰家婆案顏氏家訓書黃霸之子孫稱其祖父曰家公唐代宗曰不痴不聾不作阿姑阿翁言稱夫之父母爲舅姑後轉爲公婆溫公書儀古稱母爲娘子官即公之轉然家官家娘皆邑屬婦人對人自稱與他人相稱之通詞若婦人呼其翁姑則隨其夫之稱爲多自稱曰吾讀如涯稱人曰渠人我兼稱曰俺北人稱我曰俺邑語讀俺如恩而義爲廣

妾曰小婆亦曰細姐因謂妻曰大婆大如姐川雜志仁宗謂劉氏爲大娘娘楊氏爲小娘娘是大小之稱由來久矣

愛子曰吾子子女之最後出者曰滿子滿女亦曰滿妹粵遊小志滿子嘉應呼子女之最小者邑語亦同
陳裕詩滿子面甜糖餅餌是正代時已有滿子之稱矣

曾孫曰塞子釋名息塞也滿也石窟一徵言致曾孫則生子繁塞滿門戶也

鄉旌紳耆曰老成亦稱老大詩雖無老成人尙有典型禮七十曰老凡執業久經事多者皆曰老大者尊
人之稱邑語本此

少年曰後生亦曰後輩論語後生可畏唐劉禹傳王叔父于東官用事後輩務進多附之此亦語言與文
字合一之徵也

居住曰曷邑語讀陌韻如核案卽宅宇之轉音

椽曰榑爾雅屋椽齊魯名榑周人名榑玉篇榑屋橫木也古樂府東門行還視榑上無懸衣集韻榑何庚
切音衡椽音傳邑語榑讀庚韻如行榑椽之轉音也

渠曰溪亦曰溝國別說文渠水所居也邑語呼渠之大者曰溪小而深者曰溝傳曰深溝高壘是也淺
曰圳讀如穀宋典市流田音酬江楚間田畔水溝謂之圳案渠讀魚韻溝讀尤韻魚韻古通虞柴氏作通
虞尤據古詞日出東南隅有榑字不字也溪俗語齊韻語音同渠今溝酬同尤韻尤魚同齊古通韻邑語
讀時則同字異音也

豐順縣志

卷十六

風俗

七

前頭字局縣分局承印

而物用異案廣西邊關鄉民今有以晒穀之竹篾爲簾者惟面積較小如牀而已

揚米去糠之具曰箕其器周而圓用竹織成詩惟南有箕不可以揚傳箕星中家語箕以揚
爲象又受物有去其來之象是也又形橢圓一面開口用以揚米體者曰括其史記所謂頭會箕歛
者是用以收受塵土及糞壤者曰箕也禮曰凡爲長者箕之禮必加帚於箕上者足同爲竹織之器而
大小有別爲用亦殊邑語稱籬箕插箕箕証之古音義均同

採野生小竹蘆破浸水晒乾而代明者曰蒸子詩以薪以蒸籬籬曰薪細曰蒸陶詩制薪代明獨廣雅蒸
炬也凡用蘆葦竹木爲炬者曰蒸邑語謂蒸器如真

箸曰箸集韻遲據切邑語讀御韻如住曲禮飯黍毋以箸與潮語快筷條粵語曰筷子者異

茶曰茶邑語讀麻韻酒曰酒讀宥韻菜讀倉代切菜菜與潮話曰嶺者異

蠅蛄曰土狗與爾雅同蟬曰蟬龜曰龜蛇曰蛇百勞曰百勞俱與古音義同

案邑屬通俗語言大率類此異舉其要在今爲俗若攷古証之則爲雅雖俗語有仿雅者推比較粵語
潮語則皆有字典韻書古籍可資攷証此亦古音存於方言者也客族來自中原雖展轉嶺南而語言
不改其舊故邑語與瓊埔語皆同其鄰近潮揭各鄉在家庭雖多抄潮語惟出與客俗交際乃抄各語
清婉類針謂客語節奏句度較之內地不其相遠與六潮音相合章火炎新
稱爲老官話誠知言也

歌謠

昔漢武帝立樂府采歌謠班固堅謂代趙之謳秦楚之風皆感於哀樂緣事而發可以觀風俗知厚薄今亦採撫邑之歌謠附於風俗之末朱竹垞謂童謠興於田家雜占本嘗師法古人出於大地自然之音而世治之隆污人材之邪正莫不一本好好惡之公所謂詩可以觀者是已載之志乘固無戾於春女之思秋士之悲者也

童謠火營虫閃閃光飛入學堂夜夜照人做文章

赤哨哥尾拖拖人客來到擔凳坐人客唔坐請上床我去喊爺孃

月光井井花羅吊頸滿姑洗身跌落手箴俗呼箴指曰手箴阿哥抽得還爾也好

月光光好種薑薑必祿好種竹竹開花好種瓜瓜難大擔薑賣

月光光秀才郎騎白馬過蓮塘蓮塘背種韭菜菜花搖來請親家親家屋門前一坵田彎彎屈屈好種

蓮蓮葉層層好蓋屋蓮蓮雙雙好架橋

案豐鄉村兒童每於黃昏月下互相唱和者皆此類謠詞也

俗諺 俱子不讀書恰似瞎目珠俗呼生子曰俱黃香飲口以供養二字混爲一也

案邑屬貧民雖肩挑背負皆送子讀書故文盲絕少諺語可見

養子不教如養猪養女不教如養驢

豐順縣志

卷十六

風俗

八

汕頭總子局梅縣分局承印

水食五月棕櫚婆莫入囊 案邑屬鄉村四月天雨往往著棉襖故云

湯坑錫礦陷蘇州妹潮州履

湯坑產錫勝洋錫見潮府志陷落似虎丘踞而柔軟過之見嶺南雜記故以蘇女子比類而實

畜羊種薑利息難量一年四季子母三綱綱就言帶也羊一歲而生子子當半又生子故曰三綱

半山開圳好開田彎彎屈屈要相連邑屬山村皆梯田五開圳引水依山開田由來向已

朱竹垞謂粵俗好歌謠多雙關詞不必雅然情必極至黃香鐵石窟 徵俗村童樵婦所唱皆謂之山歌

按墨莊漫錄四方風俗不同吳人多作山歌聲悲咽如悲聞之使人辛酸吾鄉牧豎所唱沙辣梨其聲亦

其凄咽沙辣梨者因歌詞中有沙辣梨劉三妹故以爲名此六字與歌詞本文不相連貫但用爲襯腔如

樂府之妃呼繇三字也邑俗男亦好唱山歌田畝唱者非沙辣梨而爲呼三妹亦與歌詞本文不相連蓋

爲發端焉且無劉三妹三字大抵深山空谷發興浩唱多以呼三妹三字先作呼聲每一字中一句唱意

在喚起情語或其他異性之詞與沙辣梨凄咽之腔調有別凡唱此三字時皆引喉長嘯且作曼聲其

腔調尤高亢加大新聲所載劉三妹與白鶴少年張望偉歌酣化石故事向在邑屬不甚著傳但其歌

詞皆七言四句有賦七興之詞如云郎比三月日餘嫩時時七好學妹索類皆竹垞所謂詞不必雅情不必極至者皆出牧樵婦

之口而能叶乎古韻且婉轉合拍類詩人竹枝詞蓋出於大韻人韻之自然者客族語言多與六朝音相

合固以山歌童謠之叶韻爲最而音微

宗教

以神道設教而設立誠約使人崇信者宗教也邑屬向有道教佛教流行清末又有基督教入民國後崇信者皆日稀因邑人無富貴貧賤兒童六七歲皆入塾讀書崇信孔孟之學習知尊祖敬神內諸夏而外夷狄之大槩視道佛基督諸教爲異端孔子曰攻乎異端斯害也已故三教向不盛行雖居喪作佛事祈禳延巫覡亦祇習俗相沿實未嘗崇拜其教義也至崇信鬼神誠敬齋戒之習實本孔門齋明盛服以承祭祀之經訓積久而成爲儒教之風俗與長齋奉佛茹素修道者大異其趣古者天子祭天地諸侯祭社稷王爲羣姓立七祀諸社士庶人立一祀浸假而成爲多神之俗由來蓄久若佛道二教祇緣迷信鬼神之故相因而致彼喪作佛事祈禱災亦由夙所信仰者乞靈無方不得不借旁門外教之謎術以權濟一時之窮而已若基督教之強人廢棄其祖宗多神之祀而聽命上帝於一尊宜爲世俗所不喜此宗教之影響人心風俗積久而益見淺薄也

道教宗老子其道德經五千言旨趣甚明魏晉尙老莊之學大暢玄風厥後張道陵假託道教遂變爲神仙服食之術末流附會變本加厲非其旨矣唐紹天下祀老子附會益甚召純陽以儒人道稍近本旨邑黃花村口有呂純陽道觀實由邑令魏紹唐所倡今茹素修元之士及鬱不得所之婦孺焉其旨在正心修身其行動勸人爲善以善濟人以故佈道會期遠近至者常數百人識者以其尙無流弊挽救教澆漓之外道不加屏斥其次則觀巫覡俗稱法師所謂以舞降神專爲人祈禱者亦託名道教在昔四鄉所在皆

豐順縣志

卷十六

風俗

九

汕頭鉛字局代印

有傳言皆其祖先始遷入鄉自閩所携來而崇奉者殆楚詞九歌詩云楚南郢之邑沅湘之間其俗信鬼而好祀必使巫覡作樂歌舞以娛神者也客族來自中原何以習染巫覡之風以致祠廟落成疾病纏淹凡認爲有邪煞鬼魅皆延巫覡以祈禳之以湯坑女嫁男婚多延巫覡祈禱占頭陳姓因其始祖爲法師凡女子出嫁必持其香火送至男家謂能避邪惟邑境今亦僅存巫覡壇十餘處其所祀者皆爲觀世音亦名觀音娘娘若其香火各鄉村皆有之其畫像塑像皆爲美婦人又稱爲三奶夫人而非老子道君其爲附會妄託可見攷法華經菩薩觀其音聲皆爲解脫以是名觀世音唐避太宗諱故祇云觀音今俗喊以觀音爲婦人胡石麟筆談王世貞觀音本配皆謂古時無作婦人者該餘載攷據南北史殿之觀音是婦人六朝已云然矣而其爲外教則一也廣州各縣各姓祖祠亦多祀觀音者惟巫覡則觀音猶託道教以自存亦九流託始之意顧崇信者今亦日少矣周禮疏所謂今之巫令巫道滅者也

佛教自東漢入中國迄唐代始播及嶺海邑屬佛寺十餘所多建自元明清初惟建橋南山寺上陽羅寨庵建自宋代皆由當地富紳達官所倡建其住持悉皆俗僧但爲人家居喪作佛事誦經懺悔求功德而已非有龍象高僧能闡揚佛教爲人設法也以故士大夫皆鄙夷之雖居喪亦屏棄佛事而以祭禮畢其哀思湖州沐浴韓昌黎教澤者有素韓分闢佛原道一篇邑人東髮受書皆誦讀之其外視佛教而不談久已深入人心若禪宗云奧義大小乘之妙諦既無名僧爲之倡導宗風雖有談禪之士終與寺僧格不相入逸老庵本羅文節源世逃禪別墅雪樵上人始以逸老庵名之寶林寺雖有高僧守白詩僧釋性曉

卓錫其閒釋真樸雲水勾留鄉畊吳啓晉諸賢時相往還然皆一時禪悅雅興未聞提倡宗風且水久而歌絕迄無繼起而蔚爲風教者亦因僧寮狹陋寺產微薄故高僧皆棄而不顧佛教亦終於不振其於社會人心之關係自不能發生若何影響故邑人自居喪作佛事偶與寺僧接近以外絕無信仰佛教者也基督教有天主耶穌之別元初雖已入中國邑屬則自光緒開始有教堂之設立天主教堂有湯坑沙田各一所耶穌教堂有湯坑縣城隍墮產溪各一所其規模均不以湯坑爲大信教者亦較多次則隍墮縣城餘皆形同虛設入教者寥寥無幾入民國後惟湯坑耶穌教堂因設有醫院僅能維繫一般信教之少數人心而已以其爲一神教奉教必廢祀祖宗故稍有智識者皆厭棄之且入教者多倚勢凌人故吳其瀚孝廉有託教門之諷人心之趨向大可見矣

選舉表

邑人李唐介丞甫編纂

明進士

舉人

貢生 恩歲副拔

化成

黃勳 上陽人揭陽學有傳
卒卯科陳經綸榜

治宏

黃一道 勳之子揭陽學
甲子科陳琬榜

正德 黃一道 庚辰科楊維
應榜

許利 和砂人揭陽學
庚午科

羅浩 上陽人揭陽學
歲貢

晉萬

何仕家 棠刺人海陽學有傳
壬子科吳穀邦榜

柯化鵬 陽坑人揭陽學有傳
戊午科朱昌祚榜

羅經泰 上陽人揭陽學
庚午科歲貢

晉天

楊世喬 金甌人揭陽學有傳
丁卯科鮑炎榜

正崇

羅萬傑 泰之孫揭陽學
庚午科胡平運榜

張蔚階 建橋人揭陽學
庚午科副貢

何仕浩 仕家弟揭陽學
己巳科歲貢

羅萬傑 甲戌科劉興順
榜有傳

清進士

舉人

貢生 歲恩拔副

治順

馮衍經 潘山人海陽學
甲午科吳炳震榜

豐順縣志 卷十七

選舉表

汕頭鉛字局梅縣分局承印

吳啓晉 湯田人六奇子海陽
學丁酉科

陳槩五 古樓園人揭陽學
丁酉科副貢

張大衡 建橋人揭陽學
戊戌科貢

羅明倫 上陽人揭陽學
庚子科貢

熙康

游定海 大嶺人程鄉學
丙午解元

吳成象 啓晉之子海陽學
癸卯科歲貢

羅國珍 上陽人揭陽學
丙午科游定海榜

林棟 湯田人普寧學
戊辰科貢

馮秉鈐 潘山人普寧學
乙卯科李拱宸榜

張登 建橋人揭陽學
丙午科貢遠溪訓導

羅萬壽 國珍兄揭陽學
甲子科王榜有傳

張平虎 建橋人揭陽學
丙午科貢

馮軾 潘山人
丙子科貢

吳文規 湯田人普寧學
丁卯科貢

朱元紹 下湯人揭陽學
丁亥科貢

張天麟 建橋人
己丑科貢

羅本恂 萬傑仲子揭陽學
丙戌科貢

譚溶 大田人揭陽學
乙未科貢

吳熾 豐子
壬寅科貢

劉琮 古樓園人潮州府學
辛丑科貢

正雍

譚深
辛卯恩科甲辰補行

羅昌齡
甲辰科良

譚益盛
辛卯恩科陳世蓮榜

曾遇龍
乙卯科拔貢

羅孟震
壬子科優貢

隆乾

曾世進
辛酉科揭陽學

羅紹哲
辛酉科良

譚崇騷
辛酉科同上榜

羅松標
壬戌科良

王道符
辛酉科同上榜

吳成熾
壬戌科良

羅松標
甲子科何龍龍榜

羅漢峙
甲戌科良

吳玉振
十九年貢

劉在奎
乙卯科貢

劉登洲
丁卯科羅文兼榜

黃達清
辛卯科歲貢

張天衢
壬辰科歲貢

吳亦材
丁酉科拔貢

張紹華
辛酉科陳盛典榜

鄒緒功
丁酉科歲貢

馬嶽春
辛酉科同上榜

李玉沾
己亥科歲貢

劉煒文
癸卯科歲貢

豐順縣志

卷十七

選舉表

汕頭銘字局梅縣分局承印

張長發
己卯科邱作霖榜

曾希甫
己卯科歲貢

陳國煌
壬午科鍾允榜

何中魁
辛巳科恩貢

陳慎德
癸酉科歲貢

張千秋
辛卯科陳相伯榜

張舉
丁酉科歲貢

吳映斗
辛卯科同上榜

王耀昌
丙戌科恩貢

羅龍光
甲午科郭維圖榜

高約客
壬辰科歲貢

譚玉衡
壬寅科恩貢

羅飛熊
丙午科陳維思榜

羅炳甲
甲辰科歲貢

吳亦材
丙午科同上榜

張師雄
癸卯科歲貢

葉芝
丙午科歲貢

鄭家蘭
戊申科梁有源榜

張羽儀
戊辰科歲貢

吳景憲
戊申科同上榜

歐陽希聖
戊辰科良

朱攀桂
己酉科梁念祖榜

李漢玉
己酉科歲貢

巫馬光
癸未科歲貢

張橋建橋人
甲申科歲貢

張洪盛建橋人
己酉科歲貢

張樹玉建橋人
乙酉科歲貢

吳文英丁亥科歲貢

張春杰建橋人
丙子科歲貢

吳景憲戊辰科歲貢

吳豐上吳墩人
庚戌科歲貢

張和衷建橋人
歲貢

歐陽錦松林社人
壬子科歲貢

何器璉小溪壩人
歲貢

王同書環清人
歲貢

謝龍霖太和人
工貢科歲貢

吳舒意龍蟠保人
戊午科副貢

劉登魁閩下人
嘉慶辛酉科拔貢

吳錫疇大鑾坑人
辛酉科歲貢

何學海小溪壩人
丙子科歲貢

何一清小溪壩人
己卯年歲貢

鄭溥九河人
歲貢

鄭翰九河人
歲貢

彭思德下湯人
科歲貢

李中興北勝人
戊辰科歲貢

李嘉樹北勝人
乙亥科歲貢

林永錡逕心人
丙子科歲貢

吳開炳丁卯科欽賜副貢

葉輝庚唐午科副貢

吳會深癸酉科欽賜副貢

劉致中閩下人
癸酉科拔貢

張文芳雙溪人
丁酉科歲貢

羅廷光上湯人
己卯科歲貢

李宗耀北勝黃花村人
庚辰科恩貢

嘉慶

李雄植城北人
辛酉科吳梯榜

羅龍光癸丑科進士

豐順縣志

卷十七

選舉表

三

汕頭銘字局梅縣分局承印

鄭嘉蘭戊辰科進士
欽點翰林院庶吉士

張鴻圖北勝宜溪人
戊辰科欽賜崔崇高榜

羅應隆上關人
丁卯科張錫榜

譚廷儋嵩鶴之孫
丁卯科全上榜

李繼彬維植胞弟
丁卯科同上榜

楊成魁

高騰仞狗子
己巳科歲貢

張沛建橋人
丙戌科歲貢

張朝封建橋人
丙子科歲貢

吳亦樸乙丑科歲貢

曹蓉城廂人
辛未科歲貢

陳宗猷丙辰科歲貢

鄭作柱九河人
癸酉科歲貢

楊龍光戊午科歲貢

李飛鵬北勝黃花村人
壬午科歲貢

朱金蘭壬午科歲貢

吳世驥城南人亦村人
乙酉科拔貢

朱佩鳴乙酉科歲貢

吳錫爵戊午科歲貢

彭應麟庚寅科歲貢

劉慶權辛卯科歲貢

黃獻猶戊子科欽賜副貢

黎錫球大樸人
欽賜副貢

黎樹玉大樸人
副貢

林承琦選心人
歲貢

吳亦槐城廂人
丙申科歲貢

徐汝亨大鼓唇人
乙未科恩貢

張繩武藍田人
乙未科歲貢

彭文雄下湯人
丙申科歲貢

吳永清城廂人
丁酉科拔貢

吳逢春新坡人
戊戌科歲貢

李映春北勝人
庚子科副貢

何昌言棠梨人
辛丑科歲貢

張文山雙溪人
癸卯科歲貢

黎晉廷大樸人
乙未科恩貢

張騰中建橋人
乙未科恩貢

光道

譚謨大樸人
辛巳恩科區廷濂榜

張雲錦建橋人
辛巳恩科同上榜

吳紅城廂人
辛卯科中式

吳世驥七辰科順大魁
試榜有傳

葉上林北溪人
乙未科中式

羅師瀨上陽人
癸卯科欽賜

豐順縣志

卷十七

四

汕頭鉛字局梅縣分局承印

吳世驥癸巳科進士
欽點禮部主事

張登雲 埔子寮人
內午科歲貢

汪爲龍 城北人
丁未科歲貢

鄭賜謙 布心人
己巳科歲貢

劉葵向 歲貢

楊春初 水頭洋人
戊申科歲貢

吳 翔和坡人
己酉科拔貢

羅鳴謙 己酉科歲貢

饒青雲 己酉科欽賜副貢

彭景雲 下湯人
庚戌科歲貢

李濟川 北勝溪西人

鄭松 布心人
辛亥科恩貢

馮杏存 仙洞鄉人
壬子科欽賜副貢

李虎臣 乙卯科欽賜副貢

王煥文 東清人
丙辰科欽賜副貢

李向辰 北勝人
丙辰科恩貢

楊新 北勝人
丁巳科恩貢

吳尙翹 麻人
丙辰科歲貢

王中 環清人
戊午科恩貢

藍書升 仙坑尾人
戊午科歲貢

朱輔璜 戊午科歲貢

李廷柱 己未科欽賜副貢

朱煥光 福隆人
戊午科歲貢

朱輝光 東隆人
乙未科歲貢

吳漸遠 田背人
庚申科恩貢

張玉麟 埔子寮人
庚申科恩貢

吳永燾 亦村之孫
辛酉科拔貢

何作瀾 潘田人
壬戌科欽賜拔貢

劉淑元 東隆人
壬戌科恩貢

吳鵬 高車田人
壬戌恩科副榜

張其淵 豐溪人
癸酉科恩貢

豐順縣志 卷十七

選舉表

五

汕頭總字局梅縣分局承印

咸豐

同治

譚敬承 大田人
丁卯科歲貢

洪應鏞 北勝轉水人
丁卯科恩貢

洪鳴盛 北勝轉水人
丁卯科歲貢

蔡良 柯屋寨人
甲子科歲貢

張作猷 曉溪人
己巳科歲貢

邱瓊章 藍田丘屋寨人
癸酉科拔貢

蔡言鸞 赤嶺人
甲戌科歲貢

鄭硯池 九河人
甲戌科歲貢

鄭流照 九河人
壬申科恩貢

吳家淮 甲背人
乙辛科恩貢

朱錦堃 臨隄人
丙子科歲貢

王顯朝 環清人
丁丑科歲貢

楊金聲 北勝人
戊寅科歲貢

譚其文 大田人
己卯科恩貢

張楷 雙溪人
己卯科歲貢

陳林泉 溫人
壬午科歲貢

朱炎 上坑人
壬午科歲貢

譚史 水坑人
壬午科歲貢

劉玉樹 下人
壬午科歲貢

鄭舒翹 九河人
甲申科歲貢

吳其瀚 高南人
乙酉科拔貢

詹史 臨人
丙戌科歲貢

譚日新 大田人
戊子科歲貢

何耀華 東陽人
己丑科歲貢

張炳堃 北勝人
辛卯科歲貢

吳世麒 小溪壩人
歲貢

陳步瀛 北勝人
甲午科歲貢

丁忠馨 湯坑人
辛卯科歲貢

朱文灝 上林坑人
壬寅科歲貢

鄭方舟 九河人
己亥科歲貢

豐順縣志 卷十七 選舉表

六

光緒
吳永智 世襲之子
乙亥科順天鄉試

彭景雲 下湯人
癸酉科欽賜舉人

羅煥梅 上陽人 辛丑科 欽州翰林院

陳則昌 北勝人 丙申科 拔貢

丁培珊 湯坑人 丁酉科 拔貢

楊達中 北勝人 庚子科 拔貢

李國楨 北勝人 乙巳科 拔貢

陳步洲 北勝人 癸卯科 拔貢

吳世瀛 新坡人 乙酉科 拔貢

羅對輝 上陽人 己酉科 拔貢

王惠和 順清人 己酉科 拔貢

梁百泉 北勝人 戊申科 拔貢

陳慶堯 北勝人 庚戌科 拔貢

劉世麒 蕉林人 己酉科 拔貢

清 孝廉方止

嘉慶 王逢壽 順清人 丙子特科

道光 吳發嗣 順清人 辛巳特科

吳伯齡 南和人 己酉科

豐順縣志

選舉表

七

油頭鎮安局梅縣分局承印

選舉表

清 武科進士

武舉人

康熙

吳啓龍 南和人 丙午科 中式

吳振宗 內午科 中式

吳玉鶴 乙酉科 中式

張豹 蕉林人 乙酉科 中式

羅鎮瑞 萬保之孫 癸巳科 拔貢

羅有年 湯坑人 癸巳科 拔貢

羅 付 上陽人 癸卯科 拔貢

羅佳雄 上陽人 癸卯科 拔貢

羅起濱 湯坑人 甲辰科 拔貢

張全毓 雙溪人 丁酉科 拔貢

吳元發 湯坑人 辛卯科 拔貢

張雲龍 雙溪人 甲午科 中式

朱應魁 丁酉科 中式

統宣

正統

隆慶

羅起濱 丁未科 拔貢

張凌雲 雙溪人 癸卯科中式

羅應玉 上陽人 己酉科中式

吳重慶 新坡人 壬子科中式

羅元榜 上陽人 壬子科中式

羅智勇 上陽人 癸酉科中式

吳慶平 田背人 辛酉科中式

鄒慶昌 瑞坑人 甲子科中式

鄒鵬飛 瑞坑人 丁卯科中式

張登魁 雙溪人 戊寅科中式

鄒文貞 瑞坑人 乙未科中式

蔡煥 田坡尾人 癸酉科中式

吳蘭馨 新坡人 辛酉科中式

羅國材 高尾人 辛酉科中式

張定山 建甯人 壬戌年授五品差官 乙丑會試

鄒名標 布心人 庚午科中式

羅正江 上陽人 癸酉科中式

羅尚德 上陽人

豐順縣志 卷十七

選舉表

八

汕頭縣字局梅縣分局承印

選舉表三

清

粵級專門學堂畢業

吳祖理 高田人 廣東省立法政學堂

吳桂芳 新坡附生 兩廣師範學校

李凌鵬 小勝附生 兩廣師範學校

王家麒 廣清人 廣東警察學堂正科

陳烈 古田人 廣東警察學堂

王玉麟 瓊南人 廣州西武陸軍學堂

吳白華 新坡人 廣東軍醫學堂

薛公球 馬頭人 廣東省立法政學堂

吳耀寰 新坡人 廣東省立法政學堂

謝勳吉 廣東武備學堂

王季樸 字楚材 廣東省立法政學堂

王五良 廣東農林學校

王郁文 廣東優待師範學堂

余南章 廣東高等警察學堂正科

長之瀚 廣東商業學堂

大學 專門學校畢業

李 燾 廣東高等師範

張聘元 廣東高等師範

李 鴻 廣東高等師範北京大學

吳 壽 廣州 山大學

羅 鴻 廣東大學

徐 名 廣東高等師範

李 炳 廣東高等師範

李 偉 廣東高等師範

張 群 廣東警察專門學校

李 少 廣東法政學校

彭 璣 廣東法政學校

朱 昌 廣東警察學校

朱 銳 廣東法政學校

吳 磐 廣東警察學校

陳 淑 廣東警察學校

朱 翠 廣東警察學校

吳 聘 廣東警察學校

羅 廷 廣東警察學校

羅 經 廣東警察學校

羅 樹 廣東警察學校

羅 洋 廣東警察學校

羅 生 廣東警察學校

羅 宗 廣東警察學校

陸軍 學校畢業

丁 培 廣東海軍學校

陳 傑 廣東海軍學校

吳 錫 廣東海軍學校

陳 勉 廣東海軍學校

洪 玉 廣東海軍學校

張 恒 廣東海軍學校

賴 植 廣東海軍學校

古 兆 廣東海軍學校

張 裕 廣東海軍學校

陳 偉 廣東海軍學校

李 宗 廣東海軍學校

楊 戊 廣東海軍學校

張 克 廣東海軍學校

李 競 廣東海軍學校

李 其 廣東海軍學校

張 杏 廣東海軍學校

張 兆 廣東海軍學校

陳 振 廣東海軍學校

陳 世 廣東海軍學校

胡式我 中山大學

陳振興 東隆人 中央陸軍學校

羅亮範 廣州中山大學

鄭亮 九河人 西埔軍官學校

羅文道 香港人 香港大學中國分校

鄭四川 九河人 黃埔軍官學校

羅英烈 中大學法科及遊學日本

鄭宗可 九河人 黃埔軍官學校

王家驥 廣東公立法政學校

鄭乃祥 九河人 中央陸軍大學軍官班

王用賓 廣東公立法政學校

鄭輝 九河人 中大醫官學校

譚炳奎 廣州中山大學

鄭美綸 九河人 中央醫官學校

王乃勛 廣州中山大學

吳振章 西埔人 廣東海軍學校

鄭品軒 廣州中山大學

吳德羣 西埔人 廣東航空學校

鄭意淮 九河人 廣州中山大學

楊銘初 沙山人 第十一軍團軍學校

鄭榮 九河人 廣州中山大學

楊逸谷 沙山人 廣西中央陸軍學校

王川光 廣州中山大學

朱秋賢 沙山人 四川航空學校

陳庸 和樂人 廣州中山大學

陳林鋒 通人 南京中央陸軍學校

鄭以揚 九河人 中大政治學校

譚樹德 人山人 廣東海軍測量學校

陳國光 占頭人 勤勤大學

李永華 附松人 中大陸軍學校

豐順縣志 卷十七

選舉表

十

油頭鎮字局梅縣分局承印

吳克諧 西會人 廣州中山大學

李春國 附松人 中央陸軍學校

吳思仔 新坡人 廣州中山大學

李炳儒 附松人 中央陸軍學校

吳鴻璉 高田人 廣州中山大學

李秉訪 附松人 中央陸軍學校

徐名東 埔頭人 北京大學

王展勳 惠南人 中央陸軍分校

徐名功 埔頭人 北京大學

鄭亮英 九河人 中央航空學校

張扶漢 埔寨人 大學？

鄭權 九河人 中央陸軍學校

楊信吾 大橋人 廣州中山大學

鄭秉剛 九河人 中央陸軍學校

王應麟 環南人 廣州中山大學

鄭翼雄 九河人 中央陸軍學校

黃宇常 臨人 國立中山大學

鄭乃祥 九河人 中央陸軍大學參謀班

鄭述玄 九河人 四川重慶大學

鄭經 九河人 中央軍醫學校

陳端 西人 上海光華大學

鄭銳 九河人 中央軍醫學校

陳友禎 頭川人 上海南洋醫科大學

鄭維生 九河人 中央軍醫學校

羅廷鑑 羅家約人 上海南洋醫科大學

洪瑞芳 東埔人 黃埔軍官學校

羅建中 羅家約人 廣州光華醫學院

王同文 環南人 中央農大

吳善羣 高田人 香港華仁書院

張漢民 中央軍醫學校

徐子仁 埔頭人 上海電日大學

王啓豐 環清人 中央警官學校

羅嘉樹 嘉家約人 南京金陵大學

王乃忠 環清人 中央警官學校

羅文英 嘉家約人 日本東京學院

楊紀洲 環清人 中央警官學校

黃郁青 大埔人 廣州培德科學學校

吳慕韓 西埔人 中央警官學校

羅善政 羅家約人 上海美術專門學校

吳芝華 南埔人 中大中級

羅剛德 羅家約人 上海美術專門學校

劉紹堪 環清人 中央警官學校

羅青澤 羅家約人 廣州國民大學

張玉文 環清人 中央陸軍軍官學校

丁立言 湯坑人 廣州中山大學

朱震華 紫湯鄉人 中央陸軍軍官學校

譚致中 大田人 國立同濟大學

鄭德榮 中央警官學校

丁立垣 湯坑人 中央大學

王文新 環清人 廣東警官學校

丁兆麟 湯坑人 廣東法政專門學校

王作新 環清人 中央警官學校

吳應奎 廣東陸軍無線電學校

丁應 湯坑人 中央警官學校

陳慧根 湯坑鎮川鄉人 廣東陸軍測量學校

王新 環清人 中央陸軍學校

吳昌慶 附松鄉人 廣東陸軍測量學校

王兆強 環清人 中央陸軍學校

羅立儀 羅家約人 中央政治學校高等科

王志光 環清人 中央陸軍學校

豐順縣志 卷十七

選舉表

十一

山頭鎮字局梅縣分局承印

李庭蔭 小勝人 法國機械專門學校

王維杰 環清人 中央陸軍學校

李國平 黃花村人 日本東京帝國大學研究院二年 法國巴黎大學研究院二年

王立達 環清人 中央陸軍學校

李平之 小勝人 美國科倫比亞大學

王作英 環清人 中央軍校

黃維揚 西埔人 德國柏林法政專門學校

王俊英 環清人 中央軍校

黃炳麟 潘田人 日本九州帝國大學

王子源 環清人 廣東燕塘軍校

江誌誠 南坑人 日本早稻田大學經濟科

王夢平 環清人 廣東燕塘軍校

陳澤成 西埔人 日本步兵專門學校

王少康 環清人 廣東燕塘軍校

朱師晦 東埔人 德國柏林河大學醫學博士

王振光 環清人 中央步兵專門學校

羅致容 羅家約人 美國大學碩士

王慕陶 環清人 中央軍校第二分校

羅致微 羅家約人 日本長崎醫科大學

王思根 環清人 中央軍校第二分校

羅士清 羅家約人 德國柏林大學經濟科

譚守常 大田人 黃埔軍校第五期

羅克典 羅家約人 日本東京帝國大學研究院農村經濟科

譚震 大田人 中央軍校第十七期工兵科

羅吟甫 羅家約人 上海大學

譚志傑 大田人 中央陸軍軍官學校第十七期全科

羅克強 羅家約人 蘇聯逸仙大學

彭國寶 下埔人 中央測量學校

羅潔仲 羅家約人 法國巴黎大學理化工程科

譚卓廉 大田人 中央軍校

曹其華 附城人 日本明治大學

丁雙典 湯坑人 廣州航空學校

馮劍南 銅鑼人 日本早稻田大學

陳振熙 東隱人 中央軍校

徐瑞華 蘇州通仙大學

陳振齊 東隱人 中央軍校

黃宇常 臨隱人 德國柏林大學

陳世傑 東隱人 中央軍校

王紹生 環清人 北京師範大學

胡孟植 東隱人 中央軍校

丁培慈 湯坑人 國立廣東高等師範

吳年 新坡人 西南步兵門學校

羅從厚 羅家約人 上海東吳大學

陳賢村 湯坑人 廣東嶺南大學農科

吳式均 新坡人 廣東法官學校

吳昌華 中央陸軍學校

吳念祖 西貢人 廣東法官學校

吳鴻油 號思群 營中人 中央武漢第二分校十六期步兵科

吳州華 新坡人 廣東法官學校

吳俊元 橋背人 中央軍校武漢第二分校十六期步兵科

謝繼先 探芝樓人 廣東法官學校

吳夢柳 廣台人 中央陸軍軍官學校第十六期

鄒仲平 廣台人 廣東法官學校

吳勉之 右灰井人 中央陸軍軍官學校第十二期

陳乃績 郭屋寮人 廣東法官學校

吳鳳龍 廣台人 中央陸軍軍官學校第十三期

李瑛 城廟人 廣州中山大學

吳森庭 二角塘人 中央陸軍軍官學校第十六期

豐順縣志 卷十七 選舉表

十一 汕頭縣子局梅縣分局承印

李紹青 小勝人 北京大學

吳若海 三塘人 中央陸軍軍官學校第十六期

李孔昭 小勝人 北京大學

吳凱聲 松背人 中央陸軍軍官學校第十六期

李憲 小勝人 北京大學

吳鴻光 廣台人 中央陸軍軍官學校

李辛之 小勝人 北平大學

吳海濤 中央陸軍軍官學校第十六期

李毅中 小勝人 勤勤大學

吳鴻圖 中央陸軍軍官學校第十六期

李賞秋 小勝人 勤勤大學

吳鴻均 中央陸軍軍官學校第十六期

黃維齊 西隱人 北京大學

陳志彪 湯坑人 中央陸軍軍官學校

林益智 西隱人 朝陽大學

吳省初 中央陸軍軍官學校第十八期

梁毓芳 沙田人 中山大學理科

吳慧我 中央陸軍軍官學校第十八期

黃萬鍾 湯坑人 朝陽大學法政大學

吳濟仁 中央陸軍軍官學校第十八期

張國鈞 埔寮人 上海特志大學

吳信偕 中央陸軍軍官學校第十八期

王乃宜 環清人 中山大學

吳耀華 中央陸軍軍官學校第十八期

張道 錢溪人 廣州國立中山大學

吳江陵 中央陸軍軍官學校第十八期

鄭紹玄 九河人 廣州中山大學

吳中廉 中央陸軍軍官學校第十八期

李冠芳 黃花村人
廣州中山大學

吳遠略 中央陸軍軍官學校第十八期

李銘槃 黃花村人
廣州中山大學

吳溶流 中央陸軍軍官學校第十八期

李國華 黃花村人
廣州中山大學

林格物 東陽鄉
中央軍校第四分校

李廷杰 小勝人
廣州中山大學

鄒玉堃 順溪鄉人
廣州燕塘軍校

張志遠 建橋人
廣州中山大學

鄒漢中 瑞溪人
中央軍校第六分校

鄭德能 九河人
廣州中山大學

鄒宜之 瑞溪人
中央軍校第六分校

王輯生 環南人
廣州中山大學

鄒寶光 瑞溪人
中央軍校第六分校

陳永年 占頂人
廣州中山大學

鄒孟堅 瑞溪人
中央軍校第六分校

陳豪 占頭人
廣州中山大學

鄒鶴鳴 瑞溪鄉人
中央軍校第六分校

劉維嶽 嶺南人
廣東法政專門學校

鄒昌儉 瑞溪鄉人
中央軍校第六分校

劉烽 岡下人
上海暨南大學

丁景華 湯坑人
中央軍官學校第十期

林海珊 廣州法政專門學校

羅崇儒 羅水鄉人
中央陸軍軍官學校
第十六期步兵科

朱祖謙 廣州法政專門學校

吳慕文 海軍第一艦隊陸戰隊
教導隊學員隊

鄭渭川 九河人
廣州中山大學

羅舜亮 羅家鄉人
軍政部軍需學校第十期

張志寰 建橋人
上海復旦大學

張振寰 中央陸軍軍官學校畢業

豐順縣志

卷十七

選舉表

十三

汕頭銘字局梅縣分局承印

楊師達 豐良鄉人
廣州中山大學

楊鑑泉 豐良鄉小墟人
中央陸軍軍官學校步兵科畢業

楊其昭 豐良鄉人
廣州中山大學

楊朗儒 豐良鄉人
省立勸業大學

仕宦表

邑人李唐介丞甫編纂

文職

武職

封典

隋

陳洪 居八鄉人村 義安郡丞 有傳

唐

陳政 洪之子 詳見陳洪傳 玉鈴衛尉府左郎將

陳元光 洪之孫 敦子 嶺南行軍總管 出鎮安南家漳州

宋

羅安 居舊田上陽有傳 任南雄府沙水鎮巡檢團官

元

羅真養 安之子 有傳 任博羅縣主簿

張德達 居建橋墟 有傳 任程鄉縣太平司巡檢

明

許亮 前沙壩人 任神沙縣知縣 有傳 陳烈傳補府志無收

張乾福 建橋人 有傳 授部郎長 食軍事武德將軍

黃勳 以子一道封承德 郎戶部主事

豐順縣志

卷十八

仕宦表

一

汕頭鎮字局梅縣分局承印

張應龍 建橋人 有傳 任承河陽縣知縣

吳萬雄 縣任直隸真定縣總兵 中廣大將 太子少保 有傳

羅拱陽 以子萬傑贈行人

吳志孔 建橋人 有傳 任分宜縣知縣

吳廷楨 縣任侍衛大將軍 貴陽總兵 提督全省軍務 有傳

吳煥宇 以子萬雄贈光祿大夫 太子少保

吳之鵬 城廂人 任武昌尉 署武昌縣知縣

吳鳳營 以子萬雄贈光祿大夫 太子少保

柯化鵬 舊田湯坑人 任浙江溫州推官

吳偉 以子孫萬雄贈光祿大夫

何士家 梁荆人 任湖廣衡山縣知縣

吳邦表 以子孫萬雄贈光祿大夫

羅萬傑 上陽人 有傳 任吏部封驗司員外郎

吳邦表 以子孫萬雄贈光祿大夫

羅浩 上陽人 任永福縣教諭

張石岡 以子孫萬雄贈中議大夫

何仕浩 梁荆人 任惠州府教授

張紹榕 以子應龍贈中議大夫

葉如山 大田人 任長樂縣學正

吳龍 以子孫萬雄贈光祿大夫

吳志恩 以子孫萬雄贈光祿大夫

吳琦悅 以子孫萬雄贈光祿大夫

清

張大衡 建橋人 任揭陽縣訓導

吳六奇 鎮平鎮掛印總兵官 左都督 太子少師 兼大將軍 有傳

羅鼎明 以子國珍封文林郎 恩生縣

吳成象 城廂人 任封川縣教諭

蔡鳳 守備 陞管戎印都司 統領官兵防守要隘 有傳

吳廷芳 以子汗贈榮祿大夫

張境 建橋人 任遂溪縣訓導

朱標 縣任大埔廉州營游擊 加副將銜 有傳

吳志禹 以子孫六奇贈光祿大夫 太子少保 兼大將軍

曾世進 湯坑人 歷任德安建昌等知縣寧州知州

歐亮 任饒平鎮中軍

吳奇恭 以孫六奇贈先祿大夫少保兼大保

羅國珍 上饒人 有傳

楊貞 中軍參將歷任大埔中

羅利 以子元輔贈晉仕郎訓導

馮秉鈐 南溪人 任南陽府葉縣知縣

王金 任饒平鎮石營參將

羅象基 以孫佳雄贈昭勇將軍

吳永勛 城廬人 任江西樂平縣典史

鄒瑞 任湖廣德安府副將

羅錫瑞 以子佳雄贈昭勇將軍

吳廷鴻 城廬人 任廣西寧山縣縣丞

楊孟 授饒平鎮參將

羅萬善 以子昌齡贈祿祿佐郎

鍾一變 任湖北盤龍司巡檢副將

王必號 任饒平鎮參將

吳三俊 以孫鵬飛贈奮力校尉

羅鳴鸞 善子任任桐鄉縣

鄭宏 歷任建州千總連陽游府

吳啓卓 以子鵬飛贈奮力校尉

朱邦寧 湖廬人 歷任山功隴任長沙府知府

吳漢 明武舉歷任六年赴平靖二王投

鄒東岳 以孫瑞封駿騎將軍

羅仕相 上饒人 任陝西寧夏縣典史

吳標 任江右江寧鎮中軍

鄒海宇 以子瑞封駿騎將軍

譚深 大興人 任興江縣縣諭

吳起豐 六奇子任貴州安

鄒時麟 以子瑞功贈修職郎

譚益盛 任浙江于潛縣知縣

吳啓爵 六奇四子任山西大府府

吳泰華 以子亦材贈文林郎以孫世祿

張詩深 埔泰人任南寧化府

吳啓鎮 六奇二子任以蔭選光祿寺

吳開瓚 以孫亦材贈文林郎

譚嵩鶴 三縣特授平和歸化知縣有傳

吳啓相 六奇第九子以水功授

張璋 以孫千秋封文林郎

譚宏謨 廣饒子任甘肅洮州昭陽

吳啓虬 武舉任江寧衛中府千總

張乾達 以子千秋封文林郎

豐順縣志 卷十八

仕宦表

一一

汕頭鎮字局核對分局承印

彭齡 下饒人 任江西永豐縣主簿

吳慶平 進士任廣州府

吳廷道 以子淑瑞贈文林郎

張夢龍 進饒人 任四川七都縣署丞

張凌雲 武舉歷任饒平中憲

吳亦材 以子世瑞封奉直大夫

彭秀宇 閩下排人 任安徽徽州府知州

羅廷柱 任浙江湖州府知府

吳亦槐 以孫世瑞贈朝議大夫

彭捷任 大饒人 任福建長樂縣知縣

黃葵 金饒人以中憲功授饒平

吳世驥 以孫世瑞贈朝議大夫

朱孔璋 括山人授仙遊縣知縣調同仁

吳鵬飛 湯山人以軍功任廣海寨

吳世馴 以孫永智贈奉政大夫

譚錫璋 大饒人 任湖北當山縣知縣

彭盛武 仙饒人任黃岡協鎮

朱啓元 以孫錫洲贈朝議大夫

王耀曾 任清遠縣儒學

譚格宇 任饒平鎮參將

朱育堂 以子錫洲贈朝議大夫

鄒繼功 歲貢仕廣州府學訓導

譚朝順 任饒平鎮參將

丁世美 以孫日昌贈光祿大夫

羅龍光 歲貢仕廣州府學教授

譚朝豐 任饒平鎮參將

丁世華 以孫日昌贈光祿大夫

陳國煌 任山西汾州府知縣

朱應槐 武舉特授江西南

丁寶拔 以子日昌贈光祿大夫

張紹華 特授常寧縣知縣歷任東安

元 任饒平鎮參將

朱依德 以子士琦贈儒林郎

張千秋 任惠州府歸善縣學教諭

吳全 任潮州府知府

朱丕顯 以子士琦贈儒林郎

楊九疇 沙田人 任惠州府歸善縣學教諭

丁學詩 任饒平鎮參將

朱士傑 以子煥贈儒林郎

朱攀桂 任龍川縣教諭

丁惠良 任饒平鎮參將

張鴻翔 以子煥贈儒林郎

王同書 任新會縣教諭

朱映奇 楊海坑人 由行伍署流下千總

張鴻舉 以孫家珍贈儒林郎

黃逢清 任澄邁縣訓導

張彪 李樂人保舉都司貢 戴化翎儘先補用游擊

張得雲 以子家珍贈儒林郎

吳亦材 任陽平縣知縣有傳

杜開科 西洞人 保舉千總任興寧縣城守

王錄時 以孫濟如贈儒林郎

鄭家 庶常散官故授儒武 縣知縣 有傳

張克勤 建橋人授廣州營中衛守 府加都司銜賞戴翎

王洪容 以子濟如贈儒林郎

李漢玉 任新興縣教諭

朱上標 上林坑人 補用江西南都關府

王志郎 以子步清贈儒林郎

張騰飛 授荊州府巡政廳

丁志德 保南澳巡府賞戴北翎 署碭石鎮總兵有傳

李樹金 以子上博贈儒林郎

李維植 原任河南汝陽濟源 縣知縣 有傳

朱邦連 康坑人 授江西南協

譚殿序 以孫洙贈儒林郎

李維彬 日屋州學正

朱白淑 上林坑人 任黃崗守備

譚克俊 以孫嵩鵬贈文林郎

張登瀛 歷任寧波府府學奉化 縣典史潮州普市巡檢

王玉麟 環南人歷任新兵營第三江 協都司江蘇軍營長豐順縣

譚深 以子嵩鵬贈文林郎

張體仁 任湖北石橋司巡檢代理 雲陽竹山等縣知縣補舉人

公安局長

譚高鵬 以子步清贈奉直大夫

張啓華 署江西洋口分司補授 廣豐縣縣丞

馮占椿 諸人授廣東水師提標 營千總保守備八都司

鄒宗耀 以孫名標贈武舉騎尉

朱鳴玉 歲貢選授廣州府仁化縣儒學

儘先補用貢戴翎

鄒宗榮 以子名標贈武舉騎尉

吳世驥 進士歷任禮部主事員外郎掌印 郎中記名御史徵取以紫微知府用

黃鴻裔 諸人 廣東提標一營

王元漢 以子嵩鵬贈武舉騎尉

丁日昌 歷任兩淮鹽運使江蘇布政司兵部 侍郎江蘇蘇州府巡撫台灣學政船政

丁立 任水師提標中軍守備

吳登州 以孫世驥贈儒林郎

大臣 以總督銜 濟南洋 廣各屬大 臣節制沿海七省水師 有傳

丁立 任水師提標中軍守備

吳亦錦 以子世驥贈儒林郎

豐順縣志 卷十八

仕宦表

三

汕頭縣字局梅縣分局承印

朱錦州 考授兵部主事署陽朔縣印事龍州知 州順加道銜以知府儘先補用 有傳

丁瞻盛 署理潮州城守營都司

吳世猷 以子其猷贈文林郎

張萬鼎 浙江候補巡檢任孝豐縣典史

譚文芳 以子益盛贈文林郎

譚史 署興寧縣儒學補官宜縣教諭

陳振常 以子大受贈儒林郎

吳玉振 任新安縣儒學

張懷經 以孫定山贈武舉騎尉

吳舒意 任樂昌訓導

張清瀾 以子定山贈武舉騎尉

劉在奎 任徐聞縣訓導

丁顯榮 以弟日昌晉封光祿大夫 賞戴花翎

鄭松 任信宜縣訓導

丁日承 以子惠良封武功將軍

徐耀光 署鳳山縣左堂

丁惠勳 以弟惠良封武功將軍

朱啓瀚 署江山縣左堂

吳成紳 以孫清芳贈儒林郎

吳瀛達 任廣寧縣知縣

吳文煥 以孫清芳贈儒林郎

丁惠均 任福州縣興隆橋頭大 使加一品銜

吳開植 以子顯猷贈儒林郎

丁惠霖 署授巡檢署台灣鳳 山縣典史

吳泰襄 以子清芳贈儒林郎

朱蕃義 旗坑 任廣西宜化縣縣丞

龔應 以子清芳贈儒林郎

吳永智 授戶部四川司主事 監授中憲大夫

吳啓 以父六奇贈精 奇呢哈番

丁國植 分發廣西即補巡政廳

吳啓鎮 以父六奇贈精 奇呢哈番

丁惠釗 福建興化府知府

吳成隆 勸業司

丁惠深 歷任泉州府馬巷撫民分府廈門府

吳開樞 勸業司

吳昌坤 舉人欽取國子監學正學錄

吳泰明 勸業司

邱瓊章 拔貢 抗人任福建大田縣知縣

吳亦進 勸業司

詹史 拔貢 抗人任福建大田縣知縣

蔡鑑泉 勸業司

王懋修 歷任廣西宜山縣知縣代理慶遠府知府

蔡湘 勸業司

吳昌華 歷任戶部四川司主司陸軍部員外郎

丁奎釗 勸業司

丁寶瑛 建甌大田縣知縣

民國

文官

吳其瀚 舉人任豐順縣知縣有傳

陳勵吉 歷任豐順縣第一師第四團團長司令副團長司令

吳維寰 勸業司

丁國樑 清附生任豐順縣知縣

丁培龍 歷任金甌軍營和龍長

彭瑞城 勸業司

王懋修 任豐順縣知縣

吳錫祺 歷任北伐第四軍團長司令

謝少微 勸業司

吳祖理 其子任豐順縣知縣

洪玉祝 歷任附營長陸軍中校

王家驥 歷任潮安縣知縣

丁培珊 清附生任豐順縣知縣

洪玉祝 歷任附營長陸軍中校

王家驥 歷任潮安縣知縣

豐順縣志

卷十八

仕宦表

四

汕頭歸字局梅縣分局承印

李介丞 清附生民國初任江觀察使署內務科長鎮南道尹署必書

長廣東級清公署高第街

劉維嶽 勸業司

吳雲裳 清附生任豐順縣知縣

陳勉吾 歷任陸軍教導師師長

吳念祖 勸業司

丁國煌 清附生署理普寧縣知縣

吳佳芳 歷任廣東革命軍陸軍中校

吳丹華 勸業司

王家驥 清附生任豐順縣知縣

張慎階 歷任北伐軍第一營少校營長

張志寰 勸業司

張內炎 歷任廣東革命軍陸軍中校

張慎階 歷任北伐軍第一營少校營長

張志寰 勸業司

陳勵吾 歷任清遠電白等縣縣長

張內炎 歷任廣東革命軍陸軍中校

張志寰 勸業司

羅慶英 代理豐順縣知縣

鄭榮 廣東省公安局政司

李瑛 勸業司

張之瀚 清附生任豐順縣知縣

鄭亮 歷任廣東革命軍陸軍中校

譚炳奎 勸業司

吳式均 歷任吳川河源等縣縣長

張廷輔 海軍司令上校軍需

譚炳奎 勸業司

陳庸 歷任豐順縣知縣

吳聘我 歷任廣東革命軍第四師團長

饒公球 勸業司

王五良 歷任豐順縣知縣

吳聘我 歷任廣東革命軍第四師團長

饒公球 勸業司

王楚材 原名家傑任南豐縣知縣

吳亮初 歷任廣東革命軍第四師團長

吳學徵 勸業司

張健民 梅縣總務科長

陳成偉 歷任廣東革命軍第四師團長

吳學徵 勸業司

羅克典 任豐順縣知縣

鄭示可 現任陸軍六師上校團長

鄭示可 現任陸軍六師上校團長

王乃勛 歷任汕頭公安局秘書
廣東省民政廳視察

丁培綸 現任第十二集團軍
少將處長

鄭紹玄 廣西省黨部執行委員

丁辰生 曾任中校軍醫

張鑑初 追隨總理革命有年中國國民黨進修
總支部執行委員國民政府銓敘簡任官

徐名鴻 歷任十一軍政治部主任
十九軍軍總部秘書長

吳桂芳 豐順縣教育局長

吳祖芬 已附生任國民革命軍第
十四軍司令部少校諮議

張騰光 豐順縣教育局長

吳柏蒼 任少校自衛大隊長

張道 豐順縣教育局長

李其章 歷任第八路總指揮部少校副官現任粵
邊區總指揮部副官兼防卒指揮部主任

吳思存 豐順縣教育局長

張奮鵬 歷任稅務團少校連營長

王乃宣 豐順縣地方行政幹訓所
教育長

張扶漢 曾任獨立廿旅少
校政治部指導員

鄭渭川 豐順縣黨部書記長

吳克諧 國民革命軍第四軍中校軍需
第九戰區兵站秘書部中校科長

李昌明 豐順縣黨部書記長

鄭德能 第七戰區長官司令
部參謀長中校秘書

鄒仲平 曾任兩淮草溪場場長

羅致通 歷任駐歐陸軍
艦長海軍部參謀

林振標 西浙清泉場場長

陳傑 歷任海軍飛鵬海圻
艦長梧州下關總辦

鄒一鳴 廣東大洲場場長

王用光 現任第七戰區長官
司令部上校科長

楊競華 汕頭督辦公署科長兼充汕頭民衆通
訊社社長汕頭新聞記者公會董事

王同文 現任第九戰區兵站
第三支部上校部長

彭超文 曾任考選澄遠
縣自治科長

王志陶 現任上海總監部
上校營務處營長

豐順縣志

卷十八

仕宦表

五

汕頭鑄字局梅縣分局承印

王志陶 現任第九戰區兵站
第三支部少校交通主任

王新 現任中央陸軍
直轄中校營長

王文新 現任第九戰區兵
站分站少校站長

王作新 現任運輸總制局監
察處少校稽查員

王輯宏 現任第九戰區第
三支部少校副官

王子傑 現任湘贛軍械
車少校車長

王悅民 現任第九戰區兵站
第五支部少校經理

王子芬 曾任粵軍炮兵
營少校營長

王公寶 曾任第十五集團軍
五十二軍中校參議

丁培慈 現任第十二集團
軍上校秘書

丁國璆 現任第十二集團軍
經理處上校科長

丁懋 現任第七戰區司令
部挺進隊上校參謀

丁國英 現任第十二集團
軍中校巡理

王鴻模 現任第四戰區
司令部少校副官

吳洞達 現任第二軍七師二旅
三團少校衛生隊長

曹其華 現任第九戰區政治部上校宣傳隊長

徐名東 歷任國民革命軍陸軍二六師上校政治部主任一七六師上校軍需處長

曾壽南 現任國民革命軍陸軍十一師上校軍需處長

曾壽仁 現任第六戰區軍糧處少校科長

彭國賓 現任中央陸軍學校第四分校上校教官

丁祥麟 現任第七戰區特務處上校隊長

徐影三 現任湖普揭地方團隊司令部中校副官主任

徐晉階 現任國民革命軍第九軍中校團附

丁雙興 現任重慶航校飛行軍事教官

吳昌慶 現任廣西陸軍團宣傳處上校教育

吳煜南 現任第五戰區第二縱隊上校軍需

羅廷鑑 曾任陸軍第十二師少校軍醫處醫師營區廚三補充團少校醫官

吳慕文 現任陸軍工務處昆明辦事處三處庫少校庫員

吳明文 現任軍事委員會特別訓練班少校政治指導員中校教育別動軍技訓團中校教育

羅祥亮 現任陸軍第七十軍司令部少校軍需

豐順縣志

卷十八

仕宦表

六

汕頭鑄字局梅縣分局承印

羅舜洋 現任粵東陸軍司令部中校科長

張建勳 廣東虎門要塞沙角下辦台長銓敘少校

張兆藩 廿五歲軍醫司令部少校參謀

張杏林 第六戰區長官部特務營少校參謀

吳鴻杰 軍政部三團第三營長

吳其中 軍政部十三補訓導二營長

吳年 現任第九戰區幹訓團少校軍事教官

列傳一 政績

邑人李唐介承甫編纂

宋 陳堯佐

丁日生

清 張士璉

張邦泰

葛 曙

錢誦清

吳蘭徽

張 璿

沈 霖

馮寶封

秦 泰

李洪毓

傅孟修

趙培蘭

王雲奇

鄧衍憲

林兆鑑

單夢祥

宋

陳堯佐字希元四川閬州人以試祕書省校書郎知朝邑縣會其兄堯叟使陝西發中人方保吉罪保吉怨之誣堯佐以事降縣主簿徙下邳遷祕書郎後遷府推官坐言事忤旨降判潮州修孔子廟作韓吏部祠以風示潮人咸豐二年己亥夏有隕隕村民張氏子張章年十六偕其母濯於江矣忽爲鱷魚尾去其

豐順縣志

卷十九

列傳一

一

汕頭縣子局梅村分局承印

母號弗能救泊中流則噓之無餘堯佐聞而傷之乃令縣吏李公召郡吏楊勛率小舟操巨網往捕之二吏投網集百夫曳之以出鱷至暴非可網得至是竟弭耳受網什文示諸市以烹之人皆驚異事聞於朝召還值史館著有潮陽編其網得鱷魚處今至名爲網鱷溪詳占蹟

清

張士璉安邑人雍正三年以進士知海陽縣事端力齊直練達廉靜修海陽縣志縣有豐政都其地僻遠處萬山中向有執官拒捕等習時仲坑諸山出產銀鉛礦什嘯聚久爲盜藪士璉乃嚴告保中慎選約正俾互相稽察積弊以釐一方敘寧既念其僻遠凡輸糧應試及對簿跋涉艱難遠諭里民會呈乾隆二年總督鄂彌達巡閱至潮士璉既陞任廣州鄂督復申前議力贊成之豐順建縣實士璉之力居多後增設惠潮嘉道縣學宮建立基地亦士璉出巡蒞縣時所核定傳聞其精青島嶼云

葛曙字生洲餘杭人乾隆八年以名進士署理豐順縣事時邑治初建規制未備前令皆草創未就而去候蒞任乃經始建造大興土木舉文武署廟學宮壇廟臨城垣及書院以次完成縣城分拆海揭嘉埔四邑邊鄙成治而仲坑大寶諸山自明季礦徒僑集往往爲地方患建縣方始治具未張其疲難不易理可知候乃釐定章制教養兼施寬嚴並用三四年間遂致盜息民安百廢俱舉蔚然新邑規模復手纂縣志八卷月輿地建置經政風俗物產人物諸大端悉心採撫釐然有當足備後來爲治之具其有大造於豐邑者如此旋調新寧全邑士民皆遮道攀轅送之其遺澤至今猶嘖嘖人口也

吳蘭澱浙江建德人附貢捐知縣乾隆二十二年授知縣事興利除弊卓有政聲旋有倖滿人京引見奉旨回任先後在豐十餘年洞悉地方情形民生利病故爲治能批隙自竅政簡刑清奸滑者無所逞其術風教尤爲之一振

沈霖武進士乾隆五十二年由舉人大挑授知縣事清政廉平案牘餘暇輒耽研經史每有著作士林傳補之旋舉行縣試力疾評閱考卷不稍忽既而病劇家人咸知公宦囊如洗若一旦不起則殯且無所歸有勸以將縣試大榜首名出脫者謂可得白金千數以濟緩急公忽然曰吾生平不任受財賄試士爲國家掄才大典豈容屈抑真才自玷清白決不爲此昧心墮行之舉既憑文揭榜士論翕然尋卒于縣署邑人哀之

秦泰令匱人乾嘉間先後任縣事歷八載勤政愛民作育多士簿書之暇嘗觀臨鵬湖書院集生童講學諄諄不倦復于書院廳前建造三層樓閣左右增築廂房十餘間爲院生住所所以廣育人才其昌明文教有足多者若壇廟祠宇捐廉倡修爲數尤多

傅孟修福建南安人嘉慶六年由進士知縣事勤恤民穩培植人才每遇大比設爲賓興集應鄉試員生舉行考課爲評甲乙以預決中選並公譙贈資倍加鼓勵性至孝大君迎養署內侍奉必親柔聲愉色承歡無間每審訊訟案必稟告而後升堂判斷訖必縷陳情節俟大君命之退始釋冠服其至誠如此

王奇雲江西安福人嘉道間蒞任縣事先後三次慈愛爲懷聽訟尤勤慎先是縣試無考棚向假縣署學宮兩處分考應試士子往往因坐位不敷紛擾殊甚公乃捐廉倡邑紳擇城內舊守備署廢址改建文昌廟左右分設兩廡編列坐位登于三百餘號其嘉惠士林邑人感之

丁日生江南昭文人由附貢知縣事清慎公明光緒十二三年邑屬連歲大饑餓殍盈野而奸宄叢生畿釀大亂貧民每因借貸不遂或以口角細故動輒服毒圖賴前命勒索一般狡黠棍徒遂從中唆擺因緣以爲利一經報官相驗往往案未結而蒙其架陷者既傾家蕩產矣公廉得其情乃出示嚴禁凡經驗確即將本案親屬分別重究不加株連一切差役雜費概由官給不准向被告需索分文澆風頓息復將禁示泐石垂爲永例

張邦泰江西泰和人道光二十七年由舉人署理縣事勤恤民隱清慎自勵尤能崇獎學風嘗以字學七種類書分送士林勸導請求小學每朔望詣各廟行香畢即傳集城鄉士庶至書院聽講賢論並飭學童誦習孝經及朱子小學察其勤敏者分別獎給復捐廉白金置產生息爲每科鄉試士子卷費蒞事年餘遽請任澄海縣士論惜之

錢誦清無錫人同治四年由附貢保舉署理縣事賢良明幹十月十八日抵任未浹旬適江南餘黨僞康王汪海洋大股由閩竄踞福應州即傳諭四鄉設局募勇團練預爲戒備時左宗棠督統入軍專辦贛閩粵三省軍務駐節三河以賊勢窮蹙乃定四面合圍之策指揮各軍節節進逼汪遂于塔子坳戰役被軍官擊斃僞僭王譚休仁統其衆見官軍圍逼遂取州南間道竄入縣境錢令聞耗以邑北鄙繁界嘉應雖

萬山重疊而北溪分水四實爲嘉應人縣間道四內有徑渚一段懸崖峭壁下臨深澗僅有鳥道可通乃
星夜督集鄉壯將道掘斷迨譚逆大股十餘萬浩蕩至前鋒人馬皆墮崖死深澗中積屍齊徑後至者皆
踏屍骸過及抵北溪山村輜重盡失至搜取山上骨罐爲炊具其窮逼可知時官軍數千人屯紮大田
白溪壩未敢進越二日復整旅出詎至北溪村口見阿婆嶂亂山層疊疑爲又陷絕地亟將嚮導格斃折
回遂相率雜髮易服四散潰竄迨逾旬大軍繼至始招降尙收集餘賊三四萬人積二十餘年擾亂十數
省之大平軍至此遂遭殲滅此雖窮寇自蹈絕險然亦錢令臨機善應與邑人奮勇掘毀路徑之所致也
事後錢會臚舉在事出力紳耆詳請獎叙奉准加文武學額及獎叙多人至其及別縣署陋規力除積弊
諸善政亦多可稱者

張濟甘肅古浪人同治九年由惠來調署縣事廉明果斷不避強禦不任徇人視事僅三月一切新舊詞
訟案件當堂剖決二百餘卷之多輿情翕服其吏胥差役概不准向原被告需索花費其清正如此
馮寶封桐鄉人同治六年署理縣事蒞任後卽興修城隍廟旋倡修學宮並于樞星門右建八角亭嗣以
潮州城內軍廳巷舊豐順倉廢宇傾頽倡邑紳募貲改建鵬湖書院登瀛堂爲賓興之所在任三年政通
人和禮賢下士爲治以勤能廉平著稱

李洪毓湖北沔陽人同治十三年署理縣事蒞任後力裁革衙蠹悉役向有陋規積弊概行剔除治化一
新旋奉令離調邑人以好官難得環乞留任督省後大吏令准回任乃捐廉倡邑紳興修西門堤岸及萬
壽宮火神廟建復隴陣倉諸要公所有簿書案牘必親自經理聽斷持平撫綏洽富尤致意提倡文化培
養士氣且事親至孝臨去任奉母命捐廉自兩穀局紳生息爲芟除斷腸草費其愛重民命之心可謂無
微不至在任三載善政頗多而宦囊如洗洵無忝邑人挽留也

趙培蘭山西崞縣人光緒二年由舉人特授縣事清廉惠愛不邀譽沾名邑紳非公不見署內僕役僅數
人詞訟案牘必親自裁判聽斷持平考核尤認真每下鄉勸諭不多帶差役所需公費概自支給力成差
背擾民積習在任五載政簡刑清允稱良吏

鄧衍憲河南人由進士特授縣事前後十餘年剛方廉靜寓寬於嚴吏民咸敬畏之深悉地方利病民情
奸僞非正紳賢士不許謁見專裁抑劣棍強豪以故政令肅然訟庭爲虛雖無甚建設而政簡刑清四境
寧禮萬民安樂署內右廂房傾地侯乃改建廳事一楹額曰輻輳無華肅其以安靜之吏自勵可見又撰
木勝聯懸大堂云姑息適以養奸懦民官矜亂民勿宥安靜卽能造福日計不足月計有餘

林兆鏞號棣之黃岡人光緒二十七年由舉人署理縣事自懷官箴政平訟理時值庚子八國聯軍陷北
京兩宮西奔舉國人心驚惶侯素洞達中外大勢督導紳民力持鎮靜勸勵士林講求時務縣試考七場
尤特別認真能憐才愛士其清才藻鑒風義有加非俗吏比也旋調署歸善首縣以新任惠州府索供肩
輿百輛不之應大守某滿人以自恃上級挾之遂自請撤任並參劾之其風厲于此後擢任廣西臬司
單夢祥號繩武山東諸縣人光緒三十年由進士特授縣事適北勝一隅遭甲辰洪水巨災之後瘡痍滿

日五華會匪邱義山鍾富山陸滿等竄匿普豐邊境誘人拜會肆掠猖獗異常侯蒞任按鄉村流辦親率縣勇星夜入大埔境者竄竄山中手擒匪首鍾富山殺之凡入會亂民分別處治責成紳耆約束或緝送設潭江小勝產溪各保安局禁止紳董其責力謀善後恩威並用不數月遂告肅清凡四鄉利病民間疾苦皆能洞燭無遺時清江方變江預備九年立憲品屬貧瘠又值氣未開侯推行新政如設學校興實業辦警察自治禁烟調查戶口編訂門牌諸要政皆籌備無縫非費不舉侯殫精竭慮次第措施未嘗責民間攤派分文凡詞訟獄訟皆剖決如神尤善于勾攝實情故無任無縱其起擄勒交法變化層出皆出人意思所不及遇案關情罪雖豪強巨紳不稍瞻徇其精明幹練為歷任所未見至于優禮正紳引用士類為助裁抑貪劣激揚清以教化為務具得為治大體大吏每遇鄰封匪亂或發生劇變輒檄令借理任內曾一調饒平西兼攝嘉應均以事竣始回前後四年民情悅服境內肅然咸稱頌為神君皆由侯之廉潔白失慈愛善圖精明果斷勤勞固爾有以致此宣統三年秋調離高要首縣邑人依依不舍贈送屏風傘帳者接踵遺愛去思雖紳耆士林農夫野老皆異口同聲今猶稱道不衰焉

案自開縣迄清末二百餘年歷官百人舊志著錄政績者僅十二人本志增補四人共得十六人甚矣好官之難得也查舊志德政祠人祀者十三人中未著錄政績者有楊時行馮寶封區文龍三公楊區二公舊志均無事績可攷惟馮公修學宮城隍廟及建登瀛堂諸政散見舊誌夫既以德政祀其人而不紀其政績未免疎漏茲僅詳就有可攷見者補錄之

豐順縣志

卷十九

列傳一

四

汕頭歸字局梅縣分局承印

列傳一

流寓

(以有文字事蹟留遺于地方者為限)

宋 鄭國翰

陳燕翼

朱 憲

張 翹

楊萬里

郭之奇

黃公度

馮元颺

明 郭子章

吳元昌

黃 華

辜朝采

盛端明

陳衍慶

郭 成

謝元汴

邱 京

清 鄭 濂

麥天縱

黎偉光

吳贊誠

李文田

民國 上官雲相

何春帆

劉志隆

苗麟書

李郁焜

宋

鄭國翰字寧夫揭陽藍田六山人紹興十八年戊辰進士初授莆田令歷官兵部郎中見國事日非遂致仕歸里乃築書莊于湯坑之飛泉嶺下集生徒講學其中以澹名軒學者稱為澹軒先生朱子遊揭陽嘗主其家名益藉甚

朱憲字元晦婺源人紹興戊辰進士與鄭國翰同榜官秘閣修撰嘗遊揭陽寓國翰家偕入飛泉嶺藍田書莊遂次賦七絕句云梯雲石倚羊腸遠轉壑飛泉碧玉斜一路風烟春淡泊數聲雞犬野人家復手書落漢鳴泉四大字勝諸攬勝亭並鐫之石壁

楊萬里號誠齋吉水人南宋四大詩家之一也紹興二十四年進士知漳州調廣東提舉常平茶鹽平沈師亂督師至潮過湯坑瘦牛嶺有絕句云行盡天涯意未休循州過了又梅州平生不買乘肥馬老去須教過瘦牛時萬里經梅州之田彭舖過豐政都取道瘦牛嶺至潮登韓山復觀于海以沈賊亂潮故也

黃公度字師憲莆田人紹興八年進士第一人十九年進士判監慶府攝南恩守治事之餘以讀書著文爲樂雖詩降陰堂句鐘書休更早花江商人語又增學厚民興之登降揖遜學者用勸邦人懷而祠之及召還過瘦牛嶺有詩云自嘆年來爲食謀扶藜自指過南州時平四野皆青草此地何曾見瘦牛

明

郭子章廬陵人泰和進士長居揭陽潮州有才名政尚整肅著潮中雜記補前志所未備學者稱爲青螺先生嘗宿站口產溪驛有詩一律云產水驛前洲隔路開海雲隨浪捲竹月破窗來蕉鶴時相狎蠟鯨不用猜秋聲

黃華德華人嘉靖初爲揭陽縣丞以驛站公務赴饒半過小隴隱有詩云連山不可極踴處見人家野廟依喬木孤烟帶遠沙竹園千畝綠餘飯一溪霞何必秦人谷偏誇兩岸化

盧端明字希道海陽人父原爲安溪學正端明殿學士希道先生碑故名與字取焉宏治戊午科解元丁未科進士選庶常歷官右副都御史督南京糧儲被劾罷家居十年嘉靖中復起用爲禮部右侍郎尋拜上郎尚書加太子少保著有神書堂稿行世卒年八十一贈太子太保諡榮簡先是端明家

居時海寇邱泥金程鄉賊梁八尺等先後流劫海陽乃避居隴西虹嶺山南麓閱五六年其故居舊有盛宮保粟上相傳其先世原居隴西今隴西東洞北洞及洞山三處均有宮保先代墳墓存在惟故居棟宇近已傾圮

郭成蜀敍南衛人隆嘉元年授潮州鎮總兵官時屬品賊巢以百數成督諸軍平之嘉靖末蘇繼相據藍

田黃寨自稱天一大王至是竄入鄉山成搜勦次入鄉小灘見七婦人渡水語以賊巢所在并進勦日期後平賊果乃其言成爲之立廟至今里民崇祀之稱七聖廟其灘亦名七娘灘

案郭城葛志誤作郭成松致通志潮州府志等傳及職官表俱作郭成無松字應更正邱京字禹平號稼堂仁和人幕游潮州工詩嘗過產溪有竹枝詞云產溪渡口暮春天月色臨江收瘴烟聽徹蠻歌渾不解柳邊棹出蛋家船

案石狗村有蛋家灣以地名詩句証之在明代韓江間邑屬尚有蛋民浮家泛宅也

陳仲謀燕翼官大理守卿隆慶四年奉命巡撫閩粵至建橋以其地上隔程鄉下界海陽均鞭長莫及而寇亂猖獗諭紳士張乾福招募丁壯築築土城以資保聚並保舉乾福爲六品都鄉長僉軍事乾福因散家資數萬督衆興築深溝高墉立東西南北四門即今之建橋園張翹泰興人由進士歷戶禮兵各部主事以建武宗廷杖繼以議大禮兩杖闕下謫饒平縣典史直聲震天下不以遷謫介意吟咏自適日引諸生講經課藝嘗至湯田遊溫泉有詩云十里青郊路看山興未窮乳泉溫石大茹屋貯春風野老追隨久康衢笑語同武陵幽絕處只在小溪中後召還巡撫延綏以籌邊奏功陞兵部侍郎著有南村集

郭之奇字仲常揭陽人崇禎戊辰進士選庶吉士任詹事以忤溫體仁周延儒乞假歸省時邑寇集阿婆張文斌等逼揭陽城之奇捐募壯士與知縣馮元曉率兵追擊同宿于上陽賦聯句詩之奇試劍雲初集元曉投戈日未傾食漿明俗厚之奇袞帶引清風鳩遠回春氣元曉村雞促夜聲愁聞五更角之奇不盡

豐順縣志

卷十九

列傳一

六

汕頭總字局梅縣分局承印

壯悲情越日後追賊入長樂後永曆帝駐蹕懷慶詔促赴行在力謀匡復尋晉禮部尙書歷十餘年開關奔走百折不撓卒殉國賜諡忠簡著有宛在堂集

馮元曉字爾穀慈谿人天啓元年進士授揭陽縣知縣追寇宿上陽即夕與郭之奇賦聯句詩後官戶部給事中有直聲拜兵部右侍郎遷兵部尙書

吳元昌字子玄海陽人興化府教授能文章喜佛學得宗門單傳直指之法中中國變元昌以身處萬里攀髯無從痛哭泪可盟而乙酉黃海如圍潮州之亂避居九河扁山岩鄭青菴館之山陬茅屋臥病月餘中夜皆喃喃念佛既而卒朝采陳國公亦至元昌靜穆寡言間接響欬多低語獨語及於親人故能轉泰君之事則眉張髮豎目眦欲裂丙戌福建陷棄儒服披緇爲僧尋殉節于漳州

辜朝采字願小海陽人明諸生讀經史不屑屑於章句之學兄朝璽貴獨蕭然物外築四香堂聚書萬卷鍵戶讀所交皆一時名士著述甚富乙酉與陳衍虞避亂九河扁山岩日與衍虞相唱和久乃歸去

陳衍虞號圓公海陽人崇禎戊午舉人兩修郡志著述宏富有述山集乙酉遭亂被賊追捕幾處得走避九河扁山岩途遇辜朝采與俱奔至岩嶺東方已白鄭青菴館於山陬茅屋中二榻先有一人在呻吟臥視之則吳元昌也大喜相與聯榻而居衍虞有客辜小願詩四章其一云走戟挑刀記逐忙驚魂猶在水雲鄉踰嶺兩夜刺榛路信宿蝸蟻嶺陽云云即言遂居扁山時也詳見古蹟類

謝元汴字梁也澄海人崇禎進士甲申聞京師陷北向痛哭未幾南都陷唐王監國福州元汴亦赴大

與行在上疏陳事旋奉使宣慰兩粵充冊封三藩副使便道奉母避居十邑屬大田社之泥塘授徒而食
顏所居室曰霜山草堂意在謀收集仲坑山礦徒以爲用仲坑山密邇坭塘明中葉採銀鉛礦有工人二
十餘萬衆至是嘯衆在山往往爲地方患元汴與羅萬傑李士淳賴其官聯結及郝尙久反正謀響應爲
匡復明室大計既而失敗元汴居坭塘七年自序所云我所居在窮山短水者也著有霜山吟放言燭言
陶吟諸集庚子至廣州觀察知永曆已亡諸義兵亦盡陷乃謀奉母歸潮州詩詳見古蹟類惠士奇督學
廣東刊元汴文爲嶺南三大家之一

清

鄭濂字廉水餘姚人舉人康熙二十二年知揭陽縣事興利除弊風俗一新尤能禮賢下士建尊經閣修
縣志溶玉甯河立義學揭人稱爲良吏嘗至湯田遊豐溪溫泉賦湯泉詩十六韻結聯有我其欣此泉酌
之將滿腹句詩詳古蹟類

麥天縱香山人副貢康熙十九年任海陽縣訓導嘗遊龍祖寺賦詩云不遊龍祖寺安識洞中奇伏石多
驚虎逢僧忽訝師人雲依五色掬水味三危支遁愛山切應留借一枝

黎光偉順德人舉人雍正六年任揭陽縣教諭嘗慕飛泉嶺之勝舘履尋幽遇磴下鄉古寺訪鄭國翰書
且攬勝亭遺蹟搜拓朱子落漢鵬泉遺跡石刻呼童僕披荆斬棘久之始得復攀登嶺頂賦詩而歸有登
飛泉嶺訪朱子遺蹟詩一章云五嶺東南障飛泉號揭陽與彬通粵險戍壘人秦荒路恍天台似仙疑鶴

豐順縣志

卷十九

列傳一

七

汕頭師子局梅紅分局承印

嶠藏門蘿緣島道理策遶羊腸古木盤千曲幽巖漱百芳我來尋象蹟磨石記靈光風景如繪自是身歷
其境者之詩

吳贊誠嶺南分巡道同治四年以授勳大平軍餘逆駐沙田圩與楊金聲陳期昌緒紳款洽甚歡臨去賦
留別詩云亂山行盡見桃源斗室蕭然絕市喧嵐帶晴烟青入畫溪環茂樹綠當門情移圖史新知拓歲
稔桑麻古處敦愧我風塵倦戎馬雪鴻一夕爪留痕贊誠後案巡撫

李文田順德人咸豐己未科進士授翰林院編修歷任各省學政工翰墨光緒初寓邑紳丁日昌家遍遊
湯山山水屢月文田精研青島之書今犁頭山下大夫人墓地卽是時所擇初擬湯坑之內嶺因爲李氏
祖墓所在始改卜並爲書李氏火德公祠額謂是地可改建祠堂云

民國

上官雲相浙江人任湘軍參謀長十三年督師入湖與粵軍戰于飛鵝嶺兵敗隻身溯韓江東岸行薄暮
至小產村人胡筱石以雲相行憐憐之館于家時潮梅皆粵軍屯駐胡勸其不可行居留月餘日借書卷
吟咏自遣胡亦厚待之臨去猶依依曾手書宣德帝答神語風吹不帶鈴兒草雨打無聲鼓千花應聯贈
胡後雲相任集團軍總司令屢致書招胡往南京居總部後方所以報之者甚誠云
何春帆連縣人歷任中山大學教職員連縣縣長二十五年任廣東省第五區行政專員兼保安司令抗
日戰役潮汕淪陷遷治邑之布心春帆館溪上小學校謀策動民衆抗敵遣使招邑紳李介丞商方畧案

米盡灰談屢日夜李賦詩酬之有日斜溪上官廚冷杯酒臨風借箸籌之句春帆後爲李所著明季嶺東山碧記作序詳藝文

劉志陸字偉軍梅縣人歷官至遠威上將軍勳三位抗日戰役任廣東第九區自衛團統率委員策洪之政等克復南澳倡設梅西水利截河築壩旋任廣東省政府委員兼第五區行政專員保安司令遷至小槎山麓興建土壁茅屋多楹具園林之勝以區屬糧食缺乏則築山塘墾山田種山禾木薯之策督令邑屬實施謀自給世稱之爲三山運動召集邑紳組建設促進委員會倡築黃花村陽門集赤米田潘田山塘多處墾山地千餘畝植木薯數百萬株復集資百萬組韓江企業公司開墾背爲墾殖場謀設造紙廠於石狗波渡卜遑因屢督師抗敵積勞致疾而卒潮梅民衆聞之無不哀悼者李介丞將在企業公司所遺桐苗于嶂背黃花村兩地方分造劉公紀念林場並於潭澳縣立中學校建紀念堂

黃麟書龍川人歷任廣東省政府委員兼教自廳長二十九年秋以政務視導團主任游縣與第五區行政專員劉志陸率同縣長劉禹輪潮安縣長吾汝泰饒平縣長陳署木南澳縣長洪之政民政廳視察王乃勛廣東省府參謀黃玉明占無坎至黃花村視察山塘墾田並留題姓名錄於村口溪石上李介丞刻其石

李郁焜號少炎中山人歷任廣東省軍政長官三十年調任第五區行政專員兼保安司令遷泊十湯坑之穎川以區屬各縣械鬥層見特懸千金徵求銷弭械鬥詩文將所取馬道穎李介丞劉遜鄉前三名詩豐順縣志卷十九列傳一八汕頭縣字局梅縣分局承印歌卽發各鄉以資化導復創保造產辦法通飭屬縣督各保一律墾田二畝種植雜糧歸爲保公產業並擬改辦縣立第三中學爲模範學校

列傳一

仕官文

隋 陳 洪政元光

吳之鵬

宋 羅 安

元 羅真養

何仕家

張德達

柯化鵬

羅萬傑

明 黃 勳

黃一道

張應龍

吳志孔

附

陳洪八鄉貴人村人先世家穎川隋爲義安郡丞因居留八鄉貴人村遂爲揭陽人子政用良家子以武功著隸廣州揚威府唐高宗總章二年泉潮間蠻獠聚亂民苦之僉乞鎮帥有威望者以靖邊方朝廷

以政剛果敢爲謀猷克慎進朝議大夫統領南行軍總管事鎮綏安偏禪自許天正以下一百二十人俱稟號令比至鎮羣蠻來侵自以寡不敵衆退保九龍山奏請益兵朝命政兄敏暨兄敏領五十八姓來援敏收消卒母魏氏代領其衆乃進師入閩屯雲霄鎮政卒子元光繼領會廣寇陳謙連結洞蠻苗自成雷再興等進攻潮陽陷之守帥不能制元光以輕騎討平之永隆三年盜起攻南海邊邑循州司馬高琬受命專征檄元光潛師入潮岱開道襲寇堡俘馘萬計嶺表悉平還軍漳州事聞進元光正議大夫領嶺南行軍總管嗣聖三年元光上疏言周官七閩宜增爲八請于泉潮間建置漳州詔從之即令元光鎮撫由是北距興泉南諭惠潮西抵汀贛數千里無烽火之驚號稱樂土鄉人以陳氏數世貴顯而附從爲編裨將校因之而官貴者咸爲閩里光故稱其所居里曰貴人村稱其村曰西南大山曰貴人山厥後苗自成雷山興之子復起于潮元光聞報遽輕騎禦之爲賊將藍奉高刃傷而卒遂葬于綏安之大峙原事聞贈右豹騎衛大將軍諡立祠廟祀之元光鎮漳後遂家于漳自是其子孫遂爲漳州人

案揭陽志陳洪爲義安郡丞因留居爲揭陽龍溪都於嘉靖四十二年割隸海陽並無貴人村地名乾隆三年設豐順縣揭陽屬分割地方內有貴人村居民多陳姓但其有知其先世者云今攷貴人村貴人山在八鄉境舊屬田都拆自揭陽山飛泉嶺經石手湖至貴人村凡六十里據方輿紀要一統志古贛田隘一名石碇飛泉徑置石馬營自秦漢迄隋爲南北通道所必經謂即秦戍守揭陽嶺之最南關隘

豐順縣志 卷十九 列傳一 九 汕頭新字局編印

是陳洪所居于隘內之八鄉貴人村實扼南北通衢也貴人山高四千餘尺跨揭陽九華一縣界亘百里貴人村依山爲屏形勢雄偉爲八鄉中之最大村八鄉居民向以陳許魏三姓族爲大自昔皆以剽悍著稱隋唐之際嶺南羣豪皆收集上著之衆以立功名如馮映寧長真鄧文進區澤陳集源諸酋豪皆屢世承襲若陳洪亦其一也政所統之許天正以下一百二十八員敏敷所領之五十八姓在當時皆環所居上著之雄長相習有素故敏敷道率其母魏氏能以一婦人代領之史傳稱政用良家子以武功著者殆由如此朝野僉載稱元光爲嶺南酋家尤爲政父子習用士著之明証不然陳洪居八鄉永久非父子善能用衆而能挈地方之羣雄乘時奮起而立功名又豈易致八鄉之人從而改易其山川村里之稱謂因其一家之顯貴而名之者哉溫廷敬書元光傳後謂元光鎮漳後子孫居漳及王番知入閩遂自附會爲光州固始人漳志傳因之又謂通志實本揭陽潮州二志當日必有所本非必地方志附會賢哲之習溫氏于此言因未及知貴人村山由陳氏之貴顯而得名之信據但謂必有所本而已介承以爲自陳洪留居後政及元光兄弟父子生斯長斯其爲豐順之八鄉人有確然不容疑者在也

宋

羅安上陽人原籍福建莆田縣任南雄府沙水鎮巡檢司園官羅官後值宋末亂擾乃卜居贛田都上陽鄉三龍上遂爲揭陽人安負才智以厚重稱上陽本沃土安任園官久習治生產適縣理大啓爾宇既

致富建羅寨庵延師課子歿葬白石嶺即今上陽羅氏始祖

元

羅真養字朝奉上陽人安之長子資博學多通以才行元元至元年舉人才選授博羅縣主簿歷官
後不復書

張德達號坦壘字小四原籍閩之寧化元至正間任程鄉縣人平司巡檢十一年卒即率寇陳滿喇聚
爲亂陷梅塘寨踞太平司害連陷城邑十年招討使陳彬督師進討德達落任統義勇協助遂克梅塘
寨卒滅寇德達以寇亂舉客居豐政中湯之康坑時海內義師起因賦詩有一四海爲家男子
志何須翹首白雲鄉之句遂不歸原籍乃卜居于程鄉之建橋堡及大埔定埔當道招德達在斯不赴
永樂六年贈永德郎即今建橋張氏始祖其姪良輔號大一郎儒雅有幹才隨德達來此於洪武五年遷
居李寨村即今雙螺口之姓始祖

明

山勳字守勳藍田上陽人讀書務體要不屑寸章句平居無戲語雖盛暑必衣冠危坐展卷端肅如禮聖
賢年十九登成化癸卯科舉人丁未授江西新淦縣諭門修已教人一也以振士風崇正學爲已任日與
諸生講誦具資俱不受且周貧者以疑其勉勵曰庶吾素也豈以顯晦易操耶又曰言語與心術異德之
賊也閱六載遠慶遠府教授以氣節勵俗見郡守長揖而已守督過不爲動歲餘謝病歸山樂清終其

豐順縣志

卷十九

列傳一

十

身嘗手書恭默憂勤中正六言訓其子一道曰終身佩服也

參通志楊陽志修

黃壹道字唯夫號月溪上陽人勳之子幼承家學學宏治甲子科鄉薦嘉靖辛巳科成進士授戶部主事
奏革漁蠶疏縱疏議大禮出守興化府以正學率諸生訓民隱清滯勸政勵治建寧海橋築長城堤民
受其利爲立祠刻石以誌功德歸田後寓居揭陽西門內久之遂家焉

張顯龍字仰雲建橋人早失怙母王氏教育成之屢試未售就讀廣糧儲道楊公幕綜理簿書爲楊所賞
重天啓元年出爲臨漳縣主簿應龍負幹才與邑紳周瑞交善周官吏科給事中兼大僕寺少卿疏應
爲賢吏遷署臨漳縣知事旋補衡山縣轉興都留守司經歷嗣楊建都察院御史復保荐應龍爲能員
奉詔督領順陵兼承人沔陽縣事以勤著稱縣縣持平而除弊民咸頌之以母老未克迎養遂辭職
授中議大夫贈二代歸里永一年五十八歲而卒楊都察周少卿合致詠詞有云一勤以趨事諸以
持躬才雄逐電守固凝冰一其爲人可見子三人俱賢俊

吳志孔字思聖號宜台小溪壩人萬曆間由例貢登仕郎授泉州府晉江縣主簿在任延名士李應常
縉教授子弟時梓鄉李士淳同里何仕亦引至授學焉其憐才愛士如此志孔後遷江西袁州府經歷
均稱最擢授分宜縣知縣有惠政及民任滿去縣邑人德之爲立德政碑以誌遺愛
吳之鵬湯田鄉安墩下人少有大志負濟時才當明嘉靖間由捐例任湖北武昌縣縣丞升授武昌縣
知縣卓著政績迨歸田後整理各處列祠政聲故于吳氏三世祖蟻地墓道碑中亦有其名云

何仕家號純彌字文正棠荆人生而穎異曾隨同里吳志孔于晉江縣主簿仕內授學士李光緒與李士淳相切磋仕家博涉羣書能文章功吟咏極爲光緒所器重歸潮後遂冠多士萬曆壬午科舉于鄉任湖廣衡山縣知事後以國事日非告歸與海陽黃尚書錦吳尚寶殿拜揭陽郭詹事之奇羅史部萬傑等十人結陶社推仕家爲之長相與論文和詩探討國故說者謂陶社諸君子雖在野不忘國事甲中國變尤力謀匡復後萬傑之奇士淳諸人皆開關奔走百折不撓當時仕家之主盟陶社其志節可知

柯化鵬號聲朝藍田金湯人舉萬曆戊午科亞魁授溫州府推官獄獄清平每爲囚犯求生理丹筆不忍妄卜任滿去州民首頂香爐送者盈路有不遠數千里護其歸者並爲建生祠其仁愛成人于此生平謙厚和平崇禎四年冬大饑邑紳士倡會賑化鵬以藍田苗寨各鄉去縣治遠特倡賑一方全活甚衆甲中國變山寇竄發築金湯寨爲保衆與羅萬傑金鼎寨楊富金甌寨相犄角復與萬傑謀匡復其親族或寨人有從賊者化鵬督衆撲殺之既而九軍賊圍金鼎寨化鵬理喻之賊要令其子出與議乃退詎賊乃挾其子去化鵬自是陷光斂鐐而匪亦不敢害與妻偕隱終老

案葛志聲朝作朝聲今據黃兆榕柯文鵬公像贊更正金湯寨實化鵬築今據碑文更正

羅萬傑字良卿號庸菴上陽人崇禎庚午科舉人甲戌成進士甫釋褐丁外艱歸服闋改行人司行人兩奉使冊封吉荆二藩庚辰召對給筆札問修練儲備四事敷奏無謬深中時艱擢吏部清吏司主事尋轉驗封司員外郎舊例副郎不得與選事吏部尚書鄭三俊力澄澄政以萬傑正直不阿破格畀之萬傑矢

豐順縣志

卷十九

列傳一

十一

汕頭縣字局梅縣分局承印

公愼請託不行任事一年復以內艱歸里甲申三月國變北耗至蹶然起憤不欲生曾弘光帝立于南京萬傑盡廢其家產築金湯寨約同志起兵勤王未幾南都陷降武帝立于福州又相繼陷先是萬傑與郭之奇諸人結陶社聲氣廣通永曆三年己丑起僉都御史郭之奇疏復聞請速與萬傑敕印令統吳六奇賴其肯等山大埔入永定取汀州與郝尙久從黃岡入詔安取漳州爲兩路以規閩郝尙久反正萬傑與李士淳賴其肯謝元汴各起兵響應未幾尙久敗萬傑乃盡散諸勇健痛哭入山故其寄諸部屬詩云破釜昔曾聞項籍携諸今竊效陳搏初遁居降烟寨旋築逸老菴草衣蔬食以寄其黍離麥秀之悲林居三十年足不履城市會清朝簡求遺逸被征邑令敦勸出山萬傑作詩答之有首陽亦屬周疆士敢道食薇不是恩之句卒不應生平著作殊多大半散佚其存者如郭之奇墓志銘祭孫戒菴文皆激昂慷慨足以起頑立懦詩早歲所作格合三唐體兼劉白晚更冲夷澹遠寓感慨和平爲人篤友誼官吏部時同邑王宗昌病危萬傑晨夕左右爲求治林士奇卒于京邸萬傑冒暑爲治喪疾革命題碣曰龍山樵夫之墓自言身丁世變忠孝兩愧學道無成去當再來卒年六十八鄉人私謚曰文節世以謝枋得比之沈德潛題其像曰高風亮節

列傳一

仕官武

清 吳六奇

楊 孟

鄒 瑞

張 濬

王金

羅佳雄

楊貞

丁志德

陳尙

王玉麟

鄭宏

蔡鳳

朱樸

吳啓爵

清

吳六奇字鑑伯號葛如湯田人幼讀書有雄畧慷慨尚氣家故饒于財以博中落貧乏爲郵卒歷山川阨塞皆心識之落魄於浙海寧查孝廉伊璠見而奇之資而歸富明李海內大亂山寇竊發六奇與弟標依湯田通判府舊城集鄉兵練訓保障一方癘山寇張文斌葉阿婆林參實彭仕炳劉良機等聲威日著順治二年乙酉黃海如攻潮州六奇率所部馳救海如敗遁留蔡元分兵屯意溪率部分駐■隍三河韓江自三河以下撫而有之遠近賴而安五年清師由閩入粵六奇率先効順授以副總兵官給劄數十聽便宜署諸官屬時土寇江龍據大埔鄭儼據湯坑九軍賊劉公顯等皆覬張六奇先後討平之十年潮鎮郝尙久附明邑屬皆響應靖南將軍喀喀木率大軍圍城六奇率所部從之以雲梯助攻潮州平六奇功爲最旣而九軍所存爲潮忠六奇統勁旅搗其穴破馬頭寨盡殲其黨世祖嘉六奇忠勤屢建大勳特授掛印總兵官左都督開闢饒平並命援勦無分疆界隸官兵三千鄉兵不在此數威靈遠益彰永幾殲成功陷揭陽海豐寧六奇率官鄉兵會兩藩諸鎮討之凡八月克復三城寇乃大破餘黨據黃岡者悉誘而擒之時沿海要地尙爲鄭成功所據六奇乃大治海艦募水師會勦廈門克之又奉詔往諭南澳僞將杜輝吳鍾皆降徙其衆于揭陽餘銅陵諸嶼皆望風歸化繼而有木客賊據大埔和平爲亂六奇移駐三河平之海豐告捷遂晉少傅賜蟒貂力馬等物四年狂僧邱義首告六奇匿桂王子爲婿又與永曆帝通問及私開銀鋪事靖南王以所告皆誣入奏義伏誅六奇以鄉兵效順隨靖南王討逆誅寇多在閩粵間嘗率師復連陽平苗鼎定金陵之亂討賓沙之賊所向有功任將鄒瑞李青吳漢王金歐亮等咸盡其能所部從征者多親糧器械皆自具不煩朝廷而又修封疆嚴守禦築饒平大埔黃岡大城所西林營具餘興學校築饒平大埔學宮及郡學明倫堂皆不貲悉自捐朝廷以六奇爲嶺海屏嶺寵賚有加初錫太子少保屢晉少傅兼太子太傅康熙己巳五月三日薨年五十九奏聞上哀悼贈少師兼太子太師賜諡順恪遣官祭葬御製祭文碑文以褒嘉之特旨以次子啓豐襲職領鎮事前後兩賜蟒玉監甲貂冠弓矢惠贈馬等雜物使者資軍前頒之海內以爲榮祀潮州海陽豐順鄉賢饒平大埔名宦六奇性仁厚兼恭喜施與禮資下士孳孳不倦有古名將風治軍餘閒輒讀書詩翰墨著有忠孝堂文集

鄒瑞增其社人明季武生順治十年率鄉勇隨饒鎮吳六奇恢復潮州旋寇陷程鄉大埔鎮平平遠等縣

瑞寧所部中下之十二年以功授饒鎮中軍游擊康熙三年廣福兩省總督會勅大埔本寨賊檄瑞率隊進剿滅之以功授遊騎將軍九年擢僅湖廣德安協副將及卒葬于大埔縣高坡之古野
王金環清鄉人爲饒鎮吳六奇標將屢立戰功初授都司兼事管領游擊順治二年曾寧上寇林參寰劫縣城金以計擒斬之六月澄海寇困潮州解其圍繼而彭仕炳作亂陣擒渠魁三年海賊勾結倭寇掠潮陽未幾山寇又攻梅州鎮平金先後率部俱剿滅之四年寇賊長樂金督師克復十六年與寧大饒復移累萬石賑之隨擢饒鎮石營參將崇祀縣學鄉賢

楊貞號翠環沙田鄉人少諳兵略爲吳六奇所知順治元年苗海如圍潮州隨六奇提兵往援貞率隊戰于筆架山克之復討葉阿婆及九軍劉公顯等屢立戰功六奇鎮饒平擢爲禪將九年郝尙久附明之賊貞佐六奇運籌策策輸助餉械事平授參將歷守大埔饒平揭陽勦撫兼施地方義安及奉檄協勦木客賊與鄒瑞分別良歹原情定非予以自新鄉民感之爲建鄒楊二公祠後提督楊遇明器其才欲保荐之貞託詞以謝旋乞退築紫洞園終老爲倡建積慶東林西竺三寺康熙十二年卒崇祀鄉賢

陳尙原名奇能號桂山原籍嘉應州後遷居沙田鄉占頭村遂爲豐順人尙素富勇略順治初隨吳六奇倡義殲寇旋六奇效順平寇任饒平鎮總兵尙以功擢任征守備康熙九年奉饒鎮吳六奇劄往福建代向宣義將軍尙可喜商軍務爲尙可喜所器十三年平南王尙可喜劄尙加守備職調查北勝銀溪神宮透珠大勝等處地方原練卹官兵壯勇備械督帶赴都統軍前調用自是尙所部兵力倍增十六年

豐順縣志

卷十九

列傳一

十三

汕頭鎮字局南縣分局承印

六月大將軍和碩康親王劄給尙爲參將七月寧海將軍部統喇奉令捷伐海逆寇以尙才識兼優著月謀畧尙尙隨征勦賊而以老病乞辭歸占頭尙歷在軍有謀善戰所向克敵功勳頗著以故屢遷主藩鎮統所識拔惜年老未克盡其用卒年八十有二爲今占頭村陳姓始祖

鄭宏號公毅環清鄉人初舉義勇隨吳六奇援潮後歸蔡元所部屢立戰功授連州千總擢都司順治十四年總督洪奏保昭義將軍任連州游府嗣奉諸將部屬糧追解宏分別緩急征收曲禮下情州人德之爲立生祠晚年解組歸里捐田八畝餘爲基園地方尤賴之

蔡鳳墮隴赤滄村人順治十二年海寇攻陷澄揭普三縣鳳隨吳六奇勦平之旋粵藩大軍駐新井吳鎮嘉其能保薦隨征任戎旗守備十八年以征勦潮陽山寇黃元尙等功受上賞康熙二年前後奉委招撫南澳僞鎮杜輝吳陸等投誠並會勦木客賊殲其渠黃以率功績屢著加管戎旗都司銜十三年潮鎮劉進忠叛平南王督師征討令鳳領兵督戰斬獲其衆王嘉其結權受守備十四年奉命搜勦店前匪首王元偉王蘭等各處賊巢加授都司管事並統領官兵防守要隘子得功補右哨六局二旗管隊孫進補右哨北門管隊

朱樸號秋壯下湯社人富膂力練兵法順治十二年由行伍補授饒平營千總防守緝捕以勤慎著尤善訓練所部擢陞大埔城守營守備康熙九年流寇逼城樸奮力殺賊殲潰之以功陞大埔營游擊十五年奉調赴廣州克復龍門縣叙功加副將銜調補廉州營游擊擒逆帥顧澤凱旋後以樸等成順年六十

二卒於靈山官署崇祀縣學鄉賢

吳啓傳字縻源六奇第四子郡庠生以父廕授正黃旗侍衛隨提督施琅攻澎湖多立戰功諭降台灣賞
偽冊印星馳奏捷擢升大原總兵給世襲旋調瓊州平黎岐靖島嶼再調天津行次雷州卒康熙癸巳以
義恩諭祭功臣榮寵之典及焉

楊孟號翠華運心鄉人少負勇畧倡義捍衛順治初隨吳六奇征勦巨寇葉阿婆等屢立戰功六奇鎮饒
平歷授中軍參將駐紮三河接轉軍儲率部所至地方皆慶女寧後辭歸權于葉華村樂善好施鄉里德
之

張凌雲號濟川雙螺口人由武庠歷仕潮州鎮標饒平惠來督寧鎮平遠各營千總應州城守巡防
組捕所至有聲尤能愛士平恤民情以親老乞歸值歲饑捐穀百石赴城縣平糶邑人秦泰以匾旌之

羅佳雄字世昌號在古十陽人曾備主旋棄去習武藝登雍正丁未科武進士授溫州衛守備清理屯糧
釐革陋規大吏嘉之擢大司馬司馬調自石口都司自石占飛獵塞地戶鮮知書佳雄督署傍舍爲義學

捐俸延師以教民子弟其地有圖稅向歸都司收解賦貢牲畜並徵佳雄陳請請旨准制軍減收舊徵
之半凡臥載及馬牛羊外一概免徵制軍深爲嘉慰勒石以垂示地方擢陞陝西西安參將時值大軍西

討出關軍務倥傯佳雄星山入事督師勦大中小賊安靖肅列軍功一等上游威相倚重平生敦倫紀
篤道誼幼失慈母惟事祖父母父繼母惟謹每痛膝不逮養至終身不受兒子女星辰一拜先是任台灣

豐順縣志

卷十九

列傳一

十四

知縣字局梅分守永印

游擊乞假歸舊威署日步相下宅兆者數月既得地負土躬築祭墓必準于禮兩叔父故絕爲之繼嗣立
產營倡宗祠以崇祭祀歷官三十餘年棄無餘物後以奔走軍務勞瘁成疾卒于官奉勅台扶柩歸入城
治喪有子四人

丁志德號琴軒湯坑人性孝及讀書通大義七歲以父患樂從軍廣西梧州奉母羅氏無間晨夕九歲怡
州陷父歿志德聞變悲傷母心每背人暗泣弱冠隻身赴情尋父骸不得痛歸越年復往訪旅梧同鄉張

某乃得之東門外掘出屍骸深歟痛血負骨歸葬鄉里稱之同治元年從軍江南以克復蘇常金
陵功擢守備李鴻章器其才飭赴江南製造局習新式槍炮左手執名指爲炮機礮口是炮術獨饒心

得既而歸樟廣東水師建臺潮防沿海砲學迭獲海盜調署南澳游擊以母憂歸不欲仕甲申之役張之
洞督粵與欽差彭玉麟知志德嫻砲務檄修虎門威遠上下橫檔各砲台總理台務規劃五年勛勞卓著

檄署水師提標中軍參將仍兼台務志德念台防爲國要政若有事始募兵無事裁撤則兵非素練安能
禦禦外侮上屯田台防議上游嘉納之會虎門人火志德率兵救護身先士卒商民被災百餘戶爲捐貲

營繕撫慰備至及俸滿人都居民遮道乞留歸以名刺懸堂屋供祀之其見愛士民如此後奉調增城參
將復任水師提標參將所至整飭戎行閭閻愛戴光緒二十五年陸豐土匪陳細宰等揭竿倡亂蹂躪縣

邑奉制府檄率部馳勦並奏膺功事平簡命署碣石鎮總兵時四江盜賊最熾下游港澳毗連洋海
匪跡出沒無常視港澳爲通逃藪香山地當北衝粵督李鴻章以治匪當先西江而治四江必由香順特

調志德署香山協副將貴以緝捕志德前任偵悉匪徒聚集基圍基佃無力抵禦恣其食宿乘機出劫乃先籌辦沙團仿保甲之法輔以兵力使匪無地窩藏一面購線跟緝不數月而匪跡授大鵬協副將前義鄉豪末幾以病卒於省寓五十有五志德秉性剛正律已嚴與人交循循如不及誠子弟述先訓以孝爲本居節母羅氏喪哀毀逾恆逢忌日必設位哭泣歲時祭祀必誠長子培珊拔貢署廣州客縣知事次澄波清波鏡波均列軍曹

王玉麟字爵臣環清鄉人少孤貧能刻苦力學年未冠卽旅食四方積苦兵間者有年後考入廣州西武陸軍學堂苦心操練朝夕匪懈既卒業以學兩科優異見知於當塗光緒內申歲奉廣東水陸師提督李準命赴東江一帶募軍足數百人返省後札委爲新軍巡防營哨官未幾擢升營帶旋以勦匪功保授連州三江協都司玉麟雖武人然深識民族大義對於總理革命排滿學說拳拳服膺半遠姚雨平主持中國同盟會廣東支部事謀聯絡新軍玉麟與部下哨官王朝賓魏炯球等首先加盟辛亥光復新軍駐防江會者凡三營玉麟復率所部首先反正糾合友軍進駐省垣國土重光論者謂不無微勞焉迨粵局戡定玉麟以所部投步實偉統率轉在廣東北伐軍第四軍聯絡參謀隨大軍北伐直搗金陵固鎮宿州兩役尤爲臨陷履危共和告成解甲歸里旋奉委潮梅鎮守使公署總教練官一以編練勁旅充實防務爲事龍濟光主粵附和帝制殘殺民黨因爲同志秘密進行討龍僕僕往來省港汕廈間龍氏離粵西南局面一新玉麟偶重縮軍符或服務地方均不久於其任民十二後退隱鄉居盡瘁于地方公益慈善事業民十七避亂僑居省垣越兩歲病卒寓館年五十九惠陽楊壽昌輓之以聯云爲軍人砥礪廉隅身退功成廿載冰霜節持操有兒子致隆孝養端居講學兩年廿旨足千秋蓋紀實也有二子長紹生國立北平師範大學文學士次健生肄業國立中山大學農科

豐順縣志

卷十九

列傳一

十五

汕頭總字局梅縣分局承印

列傳二

邑人李唐介承甫編纂

清 羅國珍

吳世駿

丁國煌

譚益盛

朱鳴玉

譚深

丁日昌

朱孔璋

朱錦洲

吳亦材

王懋修

張登瀛

丁培珊

譚嵩騶

丘瓊璋

李維楨

丁國樑

清

羅國珍號豈藏字正殿上陽人與兄萬善齊名人稱為大小宋中康熙丙午科第四名舉人選授武進縣知事旋以憂歸起補昆明縣兩任繁劇皆有政聲丙子分校演關所得皆知名之士尋解組歸與兄陽咏林壑白首怡怡先是潮鎮劉進忠叛附明遣將據揭陽十四年將軍尙之孝總兵王國棟進駐藍田令縣團練有司川國珍應國珍奉令奮然率子弟兵五百餘人築壘于琅山臥戰數閱月悉力助戰城遂克復

豐順縣志

卷二十

列傳二

汕頭縣字局編印

明年官兵引還國珍被賊執逼授偽命不為屈卒亦免于難文事武備皆充足多者揭令鄭濂延國珍修邑志力任成書國珍尤能詩其詩雋雅健舉過乃兄惜少存者

譚益盛號德舉布人讀書不拘常解為文不拘時尙自信其所見達然後已三十後始進上庠雍正癸卯科舉于鄉試南宮不第授浙江於潛縣知事在任十餘年化澆淳挾奸誦環潛七邑皆稱之為神君兩充浙閩同考官及致仕潛人攀轅遮道如失所依歸里後俸錢存者無幾以弟姓均之有稱有友受者曰非也吾親在貧不能奉養今以贍父母之子孫特少補從前不孝之罪耳益盛素行儉性正直而頗不羈平居常誦孔子大德不踰閭出入可為一句在里日芒屨草服登山臨水卜營宅兆不自異于野人然若修道路請減賦勸官山賑貧乏凡關於公益事業皆勉力為之鄉里德焉

譚深字懷川大田村人山海陽學領雍正癸卯科舉人負經濟才以忤巡撫王安國意抑任曲江教諭在任修學宮勵氣節正文體諸生具贊俱不受有貧寒者時周給之懇懇以敦行立品為勗曲江人士因是皆以修辭立誠相砥礪閱三載吉歸林呈請留任者數百人為立去思碑深居家馭下寓嚴於恕敦睦族鄰力戒子孫毋奢毋傲毋比匪晚年尤喜流溪書手不釋卷後端坐而逝遺命戒子孫永不得用僧作佛事後人至今遵之

朱孔璋號琢齋東陽鄉人由監生就選歷任山棗司巡檢桂林府參軍調凌雲縣縣丞以管錢局卓異擢知縣乾隆三十六年高宗巡幸山東孔璋任仙遊縣奉閩浙總督委赴迎駕貢方物恩賜綿緞旋調貴

明歷署洞仁葛波玉屏等縣遷獨山州知州在任五載清操自持興利除弊殫心民事民苗有召父之歌
仙游縣志以孔璋廉明強幹載入循吏傳並立碑旌門及楓亭梅窩以誌遺惠旋擢候補道阮通志本傳
稱孔璋居官廉明居家孝友云

吳亦材號任齋城廂人幼聰慧年十四舉秀才乾隆丁酉科成貢丙午順大鄉試舉人歷任龍門感恩教
諭嘉應州學正遷廣西馬平縣知事廉明正直不任徇人政聲丕著及致仕士民遮道送之居鄉里培育
後進儉樸如寒素樂善不倦邑文廟考棚曾濟橋文塔書慶祠皆亦材所倡建道光癸巳重遊泮水年八
十卒子孫曾屢出皆科甲聯輝世以明德有後稱之張登瀛號雲驢埔子素好學善書嘉慶十五年由從
九歷署寧波府經歷奉化昌北慈谿等縣典史杖錫大錢漁浦等司巡檢調杭州府城南稅課大使所至
多惠政道光二十一年丁內難起復調補湖州府替市巡檢二十九年辦水賑濟積勞成疾年六十九卒於
官

譚嵩鵬大田人深之仲子乾隆辛酉科舉人授福建和平縣知事歷仕福安壽寧羅源清流等縣均期年
而遷任和平僅四月和平不嚴邑嵩鵬觀政民皆息爭咸以爲異旋調歸化縣修圭山書院增營火老立
義學設惠民倉教養兼施心平訟理在任六年不阿時好吏民皆懷德畏威及解組邑紳赴府籲留者署
爲之滿相率製鐸碑並爲建廟有泣護送至數十里者生平孝敬父母母早故每臨墓涕泣父病且
夕侍湯藥衣不解帶父歿哀毀骨立率諸弟廬墓其性行類如此

豐順縣志

卷二十一

列傳二

一一

汕頭縣字局街縣分局承印

李維柏號岱林北廂人父勉明饒于贊維柏自幼聰穎過人與同懷弟維彬孝廉讀書舍輝樓上其父嘗
教嚴嚴少長受學於新興縣教諭堂伯父漢玉治經史詞章窮冠補學弟子員旋由廩生舉嘉慶辛酉科
鄉試公車北上適與顧元麟同舟及會試後同舍遂與交莫逆再試不第大挑一等以知縣簽分河南補
濟源縣知縣政聲卓著豫晉等處其能調補汝陽縣知縣維柏率濟源數年以節操自勵別弊興建有廢
必舉及奉調廣西頗鍾山家鄉進去五十金廣清後始赴新任汝陽大邑也而受汝水河患奉札履兼經
河防諸要政維柏潔已奉公勵精竭力屢修築河堤防護得力遇災必躬親拯救治行爲歷任最當道
亦倚任之後以積勞致病乞辭職上民爭上書挽留故屢告辭俱不獲命遂卒于官年六十有餘汝陽人
民無賢愚皆哀悼之卒後官書如流復山家鄉進款去客屬始得扶柩歸里維柏狀貌魁偉性情豪達風
以學行著稱生平著作頗多未及編刊後嗣因迭遭變故概行散軼子鎮邦庠生顧元熙督學廣東全潮
猶以故人子弟爲念傳其子起至隨同舟次見詢云

吳世驥號蘭亭城廂人亦材之季子七歲爛語少抱大志博通文史年十四進庠十八拔貢弱冠充武
英殿重刊康熙字典校錄官選授西寧縣教諭年二十七舉順大鄉試道光癸巳科成進士欽點禮部主
事任精繕司主事遷議制司員外郎兼樂部和聲署署正禮部則例館提調實錄館校對京察一等記名
御史以繁缺知府用在京供職十餘年所辦條疏及吏治事皆洞中時弊僚友交推其賢乃天下假年五
十一歲卒時論惜之子永智光緒乙亥科舉人授戶部主事孫昌坤乙酉科舉人國子監學正學錄昌華

長子部丁事遷降軍幕外。民國初舉奉居南京。

朱賜玉，臨江人，廩生。考授仁化縣教習。在任三載，捐廉倡修學校，明倫堂督課士林，誘掖維殷，邑人翕然尊之以勸廉善。謫戍仁化縣，志年六十六而卒。

丁日昌，字仲靜，號雨生，湯坑人。幼有神童譽，弱冠爲諸生。逾年歲一庠，惠嘉道李璋煜聞其能，延之入幕。縱談時政，嘆爲不世才。咸豐四年甲寅，上冠吳忠恕，圍攻潮州，勸助防勦，歸里集鄉勇千人馳援，生擒寇渠事平，授漳州府訓導。遷江西萬安縣知事，善聽斷，初期呈詞及百紙，三四期僅四五十紙，匝月後二三紙而已。時李翰章爲贛南道，奇其才，聲名藉甚。旋兼提廬陵縣篆，旣而寇陷陵日昌趨謁曾國藩於九江，乞師請限若干日克復，慨陳軍事，其嘔國藩壯其言，撥兵三十爲助。果如期收復，厥後國藩督師兩江，檄調日昌赴安慶勦理軍幕，上吏治條議十則，復陳丁漕諸弊，核議州縣攤捐款應裁者數十則，皆洞中時弊。同治元年奉令回粵，攝辦高州營務，辦軍務克復信官，復奉調督辦上海兵器收復，無錫金匱等縣，陞直隸州知州，賞戴花翎。蘇撫李鴻章委辦全省行營營務，克復常州，生擒偽王陳坤書，叙績以知府用。旋奉旨署蘇松太兵備道，上海自通商以來，華夷雜處，奸商賄偷潛結，夷商其狡黠者往往與官吏抗，日昌抵任後，驅夷兵出城，檄犯事輪船充公，索回吳淞炮台地基，裁革會防局供應及英法兵費禁洋貨收洋經濟賭規，革英教士陸和尙正法，拔除東浦一路電線，資遣外僑流氓返國，捕奸僧通事某置獄，沒收其私購輪船及機器廠地，移建製造局於南郊。凡此俱關國家主權要政，爲人所不能爲者。日昌

豐順縣志

卷二十一

列傳二

二

汕頭爲字局編分承印

雷厲風行，不少假借。卒使聚吏懾服，繼調兩淮鹽運使司。兩淮利源有鹽釐，日昌特訂定章程，整頓積弊，課額驟增，手草鹽政改革議十餘萬言，力謀澈底整頓。未幾奉旨擢江蘇巡撫，時潮人有謗其權重躁進者，日昌力舉曾國藩代奏，以直不勝任之語乞辭。旋奉命來粵查辦洋務，竣李鴻章電調赴皖，適清以潭江決潰，口三百餘丈，日昌奉命籌費督修，躬親督錘數月，及合龍，流急人力難施，夜大雪二尺許，乘凍集人夫趕築大功告成，八城爲其得天助。還遷江蘇布政使司，在任如清訟均漕減漕價，罪荒田，給賦役勸植穀，懲奸胥，興水利，政績炳然。逾年坐僻江蘇巡撫，時江南底定甫三年，耳民氣凋殘，政繁蕩廢，日昌淬精勵神，創設條教，興利除弊，兩年之間清理積案多至二十七萬餘起，其立法最善者，日月報訓誦冊，日錢糧冊，則簡明告諭，經奉旨飭各省仿照施行，著爲成例。撫標兵精永寧營，舊例額缺而卒，竊惜不可用，日昌條減兵增餉議上奏，謂併三兵之餉養一兵，併二弁之餉養一弁，則兵弁皆可精進。一由奏陳，始得旨如所請。至江海防水師章程亦多所更止，常言天下事壞於泄，背思有以矯之，每當夜雨淅淅燭案，聞高可隱人聲，不親自稽察，每聞至百姓無屈不伸，或受書差凌虐，輒獻款大息，慙然淚下，或見勸政愛民諸事，則呼慕僚吏，實時日昌甫強仕，下半年髮髮已盡白矣。奉旨赴津門查辦交涉，批隨邸轅外夷俯首就約，既丁內艱，旋里服闋，奉旨特召旋聞穆宗廟星馳抵京，叩謁梓宮，痛不欲生，兩宮召對，所以稱循而獎者甚多。旋派幫辦北洋大臣嗣命總理船政，授福建巡撫，沈文肅謂一歲之中恩旨稠疊，上之知公可謂至矣。公謙讓未遑，舉世無不爲公慶者。撫閩時夏月淫潦暴發，水災蕩折，離居飢民盈萬，露立

城上六晝夜日昌自照手附之設粥廠二十餘處人廠日就食者千餘人小廠數百人咸慶更生逾年復
災仍依法賑之全活尤衆台灣本海外輿區巡撫領中渡巡閱日昌先娶言因臺防必須練兵欲練兵
必先籌餉不如以開墾之衆資其費也兵不外求而足以開墾之利助軍餉則餉不外求而足全是周歷
全台籌劃在置北自蘇興噶嗎蘭南距恆春琅嶠皆開闢以來大吏所未經之處民歸化無道歡呼台
俗向有漁戶等稅多立名目胥吏因緣爲奸輸於官者十取於民者百乃奏罷之歲蠲免舊額五千二百
餘兩台灣提督學政向由福建巡撫兼攝日昌以康熙湖南苗匪學額例奏設番童學額以資招徠旋乞
假養病回籍閩中士大夫榜於衙門留中丞召百姓祖說東門多鳴咽失聲晉豫大饑兩江總督曾國荃
奏請日昌出辦賑捐在籍募二百餘萬元解赴散賑其風以國家安危民休戚自任雖解組耄耋一
日忘也先是日昌服闋奉旨特旨入朝上意播署直隸總督後朝旨中變未果以派辦北洋大臣後撫
閩乞歸養病瘳益資賜人獲賜賜食御賜賜字尋奉旨加總督銜會辦南洋海防兼總理各國事務大
臣節制沿海七省水師俱在籍供職光緒丙子直隸總督兼軍機大臣李鴻章丁憂請開缺慈德太后准
給百日假在任服喪鴻章力懇開去而督缺論舉人日代乃舉日昌及粵督岑春煊二人迨後謂日昌可
瑜先電徵其同意時日昌在是盛營務司事官鴻章電惠嘉道轉達日昌報電准命督直日昌竟得
病遂滿返揭陽閩寓未幾卒年五十一有八軀野情之賸例賜卹賜葬生卒諸書藏書極富多宋元舊籍
本坡荷蘭命書目四卷所著有撫吳公憲撫區公轅藩吳公憲巡撫公懷海軍圖說地火圖說鹽政改
豐順縣志

豐順縣志

卷二十一

列傳

四

前如錄字均係舊分區本

議百蘭山館詩文集各若干卷同光之際深諳洋務者咸推日昌與郭嵩雋二人如創辦輪船招商局改
漕運爲海運及派遣學生出洋留學諸要政皆日昌所建議歷勸曾國藩李鴻章奏辦者其中識遠
係國家大計多此類也尤喜提倡文化宏獎士類捐撥廣田鵬湖南書院學產及登心堂書院產
請增加學額所以爲梓梓謀者不可枚舉雖嫉惡如仇然世或病其風厲然老成典型實足令人景慕
窮出長子惠衡具幹濟才有父風次惠馨別貢江蘇補用道惠康生戶部主事

朱錦滿號瀛波東陽鄉由庠貢攷兵部主事光緒間調署廣西陽朔縣知事遷桂林府理藩分府官戴
花翎定調署龍州同知以勳勳是舉功奏保欽加銜六知府威先補用歸州歷任皆以廉
爲懷能得民心官龍州任內陸榮廷譚浩明皆充州署弁勇邊疆毗連安南多匪錦洲去後遺下廉
爲効力以故蒞任後裔民安又能優禮地方紳耆政簡刑清士民德之任滿告歸不復出

王懋修號亮生環浦鄉人少負才氣不甘制藝束縛冠裳去初仕台灣基隆祥字左營文案加調充
練字正營光緒十一年台督辦劉銘傳以任九品部應先選用十三生黎陞魁修條陳辦
中粵督張樹聲可其議發交雷發興備道委赴澎湖辦善後事宣統二年日韓之役奉委辦
旋調委台灣前敵糧台巡撫唐景崧保舉賞給五品頂戴札調粵招募維遠左軍渡台任前敵營務處二
十四年改仕粵漢鐵路購地局文案赴南洋招股乙酉以辦理昭信股票出力案內奉獎政府經部
廣西試用旋奉粵督岑春煊札充戎軍營務處委員三十一年九月藩司余誠格委署宜山縣

廣西試用旋奉粵督岑春煊札充戎軍營務處委員三十一年九月藩司余誠格委署宜山縣

以勸辦廣西各出方案內督府保奏以知縣留原省補用三十二年五月兼署宜山縣知事八月知府王祖同丁憂奉委代理慶遠府知府以又襄辦賑捐案出力獎敘實載薛爾懋修深諳時務幹練通達所至皆受特達之知遇如此肅官歸里後民國二年奉委署豐順縣知事力謀建設如創辦各區警察皆其率中大者嗣以改建潮城王氏宗祠寄居潮州五年潮梅鎮守使莫肇平與福建督軍李厚基奏准辦理光聯紹興南北京政府宣佈獨立閩督派戴致平任總司令率旅援莫駐潮州金山時粵督莫榮新檄調國軍一軍總司令沈鴻英惠州督辦劉志陸各率所部分路討之兩廣巡閱使陸榮廷駐梧州復遣邑人李介承渡潮協助李至潮知懋修與潮紳領袖士延康孝廉契謂懋修曰莫氏必不敵所慮者賊軍耳惟潮城不宜作戰場請於沈劉兩路軍進次潮州三十里外時密商王孝廉聯合各界出面斡旋屆時常用電集機宜懋修諾之李沿途佈告運軍興電促沈軍直搗贛匪而贛匪各奔開會以潮城密道戰禍已過肩踵民聯電請懋修邀同紳商各方請求總司令顧全潮民生命財產撤兵回閩謂此間已要求沈軍暫緩進兵一面由沈運電賊氏俯順輿情撤兵回閩免燬潮州否則請自擇離三十里外地決戰懋修與士延康等與一國教士聯謁賊謀和遂定期由兩軍各派代表會議沈軍復進次曲梅派代表偕潮紳黃雪慮英教士等赴會劉志陸省電均派代表至兩軍訂約原議三日後撤兵詎賊於是晚放空地激夜潛師而入是夜潮城得免戰禍懋修殫旋之力為多頗作官數十年家無餘貲惟信望素著居鄉里於公益善舉建設殊多如沙田圩一渡水青潭各大石橋皆需費巨萬工程浩大懋修皆獨力

豐順縣志

卷二十一

列傳二

五

潮梅鎮守使莫肇平

鼻捐成之其妻行正直尤為人所共仰年六十四卒于潮城旅寓

丁培珊號雲波湯坑石印人端石鎮志德子年十八舉博士弟子員旋肄業廣雅書院治學具條理明體

達用應提學試屢薦前列為歷任學使所激賞光緒丁酉科拔貢朝考授州判乙巳長豐順縣學務公所後

循例報捐知縣分發廣西試用奉委廣西省學務公所課長民國元年署理容縣知事有年值政年訟

理紳民德之後以時局多故解組歸吳村芳籌設豐順縣立中學培珊任中學校長為學生最所敬服

培珊精明渾厚治事長於修理學務不居干色因一循循儒者非風塵宦客比也年六十年

江澄章號子琛登西貢溪頭村人少有大志英靈卓犖有齋出書院讀書時丁中承其器重之戊辰進

文庠上中補廩登西貢貢同治十三年朝考就職直隸州州判後報捐指分福建省己酉歲奉委署台灣

府經歷并任撫平局招撫生員其為脫服中植荒地著有勞績卸事後奉調文閣簾卷記大功五次光緒

廿四年蒙李牧呈報總督請以吏部以該員才具明曉備屬稱職准其實授永春直隸州州同兼辦稅釐

同日六年奉李牧札委署理大田縣正堂接事後政治廉明士紳愛戴交卸時製送民傘軟遍數枚本

動仍回原任永春民情強悍好訟每因細故動輒毆傷告隨傳兩造秉公判決並戒鄉民勿爭訟訟則終國

民多德光緒廿八年接家書其母同堂五代一舉得三元係同寅聞說聯名舉報五代同堂子係曾元

共四十八人十月部文覆到恩准旌獎額賞賜綬正由本省給領本擬明年請假回家慶祝五代同堂

並祝其母九旬壽誕不料其母竟於明年二月謝世丁憂回回家誠為大憾至其父國光候補通判卒於

溫在家治喪居與人士談預料國家有變革切宜興辦學校育人才庶有補於時艱後不欲復出壽六十八而終同年就鴻慈尙書歸題銘旌

丁國樑字沅東湯坑人清附生爲人豁達有大度以物望爲衆人所歸民國建元地方多故秩序未定邑人公舉吳其瀚任安民局正局長國樑副之羣情翕然迨其瀚辭職督署改委國樑知縣事在任數月閭閻賴安其處事一秉之公以至誠蓋鼎鼎革之秋人心惶惑求所以維繫大局者非徒文告撫卹已也解組後專心辦理地方教育事業民士長豐順縣勸學所對於發展小學教育倡導中等教育苦心學劃並保送留法旅省公費生家庭蔭吳金湖張道等多名以宏造就自時厥後人材漸彬彬稱盛矣晚年退居鄉里以耕讀自娛卒年六十有二有六子長培恩早卒次敬辰另有傳三子玖經商四培慈十二集團軍上校參議五懋上校參議六培憲經商

丁國煌字拱北湯坑人清附生少曉經文名藉甚弱冠戰筆曾游四方所至有聲暫兩度佐戎幕掌記室事雖值軍書旁午然意態閒雅賓客應付論者輒以阮元瑜擬之民十八奉委署理普寧縣長時值地方喪亂之後瘡痍未復因與民更始勤勞撫字休養生息元氣漸復善於爲政大體三注意焉國煌從政多年然不失名士風度尤長公牘文書判往往比跡樊山傳鈔萬本辭職後長子培綸計第一軍軍需處長迎養廣州德政北出西路私邸種竹栽花頗資天相民廿五兩廣歸正中央廣州市長曾養甫擬委國煌長教署院未就七七事變侮氣日熾返里幾病卒年六十二

豐順縣志

卷二十一

列傳二

六

汕頭銘字局梅縣分局承印

列傳二

忠烈

明 吳萬雄

吳廷楨

譚經綱

彭璇璣

賴心合

張慎階

譚格宇

張鑑

清 歐亮

朱達

連旭

鄭亮

黃大鵬

陳成偉

蔡德新

黃奪標

丁爲龍

黃日中

張萬達

張聲

民國 丁敬辰

明

吳萬雄字孝俊豐政郡城廂人明諸生幼穎悟過人泛濫百氏書後得王守仁集讀之喜曰爲聖賢豪傑之道在是矣由是傾精覃思至忘寢食聞邸抄至必借閱以故洞達時務每論及楊嗣昌熊文燦招撫誤

國豈皆欲裂冠遊京師再應京兆試不售與崇德吳之屏吳爾攝父子二大吏交莫逆以文章道德相切劘時海內流賊蜂起史可法奉朝命勦賊招徠天下奇才謀士萬雄上平賊議萬餘言可法召見奇其才留之軍中參與帷幄凡所策劃悉中機宜以故無役不在行間萬雄雄能羅致義勇得人死力故指揮作戰所向克捷屢獲超擢積官至左右都督總兵職繼以大軍連敗英山六合之賊及順天王乞降諸戰功擢任直隸真定大名總兵官既而廣東土寇竊發奉調鎮肇慶未幾圖賊陷京師聞崇禎殉國萬雄北望慟哭失聲乃奮起與各僚友紳士謀匡復宏光帝即位南京特遣使加萬雄鎮南將軍以任福寧鎮總兵來召萬雄以馬阮用事辭不赴一尋勦辦嶺東西諸寇以綏靖他方丙午十一月與總督丁魁楚侍郎崔式鼎舊臣召大器等擁永明主由柳監國於肇慶投萬雄左都督掛印平虜將軍晉大子少保十八日監國止位改元永曆復加武經署職管理防勦事宜後唐王聿錫稱號唐州遣林察率師來攻永曆命萬雄將京營健卒偕侍郎林佳鼎各率兵拒之林遣使僞以乞降誘佳鼎輕信爲實萬雄力諫不聽及戰於三水之三山口佳鼎猝不及備軍士潰亂自相踐踏身負傷赴水死萬雄亦被圍困力戰突圍而還永曆帝奔梧州乃命留守肇慶萬雄受命於危難之際籌防練兵悉以獨力負之越明年正月清將尚可喜李成棟西犯光潰使致書招降萬雄大怒罵殺其書於爐火執其使戮之俄而清兵大舉攻城萬雄督師登碑死守血戰月餘不相下清兵復增援益急攻時城中士馬糧冰久缺孤軍絕援誠爲敵陷萬雄約會所部巷戰手刃敵兵十餘卒以力竭戰死永曆帝聞耗震悼追贈大子大保特進榮祿大夫予諡忠烈

豐順縣志

卷二十一

列傳二

七

忠貞堂子祠內分祠承祀

吳廷植豐政都安敦循卜人勇藝過倫萬曆初任侍衛大將軍崇正間授貴州貴陽總兵官兼提督全省軍務晉榮祿大夫贈封四代中申國變在貴陽廿內殉難事實未詳

譚經繼豐政都大樞鵠洋寨督卜人父聖典字啓忠明諸生雄於文食饒程鄉爲諸士所敬畏嘗言士之所尚不惟文也日與諸子姪講忠孝節義之大道謂不如是則雖文如楊蔡亦名敗罪人甲申國變經與其子姪賈經等數人與流賊戰同時殉難人咸以爲聖典義方之訓云

關心台金甌寨人與舉人楊宮弼寨自衛丙戌九軍賊攻寨甚急時吳六奇屯豐政都通判府城兵力勞大羣盜皆畏之心台夜半縋梯後牆冒圍突出赴六奇處乞援復乘夜回以瓠杓數頭潤寨外濠塘潛行被賊執逼令心台誘寨人開門得免死心台僞應之比及寨門則大呼曰援兵日至汝等宜堅守寨門不可開也賊怒斷其手足殺之並焚其屍既而六奇率援兵至大破賊金甌寨卒賴以全

譚格字豐政都大樞社人生有異相方口駢膝坐如山行如龍無寒酸態爲人秉正嫉邪輕才重義見義勇爲規遇無隱人謂其有國士風時巨賊張文斌據瓊坑劫掠數縣格字任千總隨大軍進勦遇賊伏兵力戰不敵遂殉難人皆痛之

清

歐亮松林社人仕饒平鎮吳六奇中軍所至皆立戰功康熙十三年七月潮鎮劉進忠叛附明遣所部據揭陽亮奉令討之乃親率所部進駐磐溪都部署未就突被敵軍襲擊力戰不敵死之亮素驍勇善戰六

奇得報深爲痛悼

連旭陷隍下埔人少有胆畧家貧捕魚爲業嘉慶初海寇猖獗蔡乾餘黨沿江海劫掠旭與林保陳之覽等同捕魚被賊擄去賊見旭等體貌魁梧且慣習水習爲羽翼旭姑許之適中秋夜賊在船設筵賞月旭等乘其醉擒賊首數人獻官軍總戎黃標嘉其功擢旭等三人爲把總後屢建奇功授香山協營左哨千總連達營守備九年廣府屬海寇熾當道知旭能檄令捕之旋督隊赴濠洋海面與賊大戰身負重傷猶手刃數賊而卒賊遂平賜卹有加並賞給卹襲職

黃大鵬金湯人勇猛絕倫山行伍疊降黃岡協右營把總咸豐二年隨中堂相後從征江南大營攻鎮江城殺盜頗多旋被炮擊傷殉難

蔡德新藍田都田心人久列行伍咸豐四年土寇吳忠恕圍潮州忠嘉潮道曹履泰檄委率隊守東橋頭筆架山德新與賊激戰擒獲多名屢著戰功督署鎮保舉賞給六品頂戴復進攻東津等處賊營破之遂解圍總督葉巡撫柏貴具奏准以千總留提標水師營補用九年從逆石達開圍嘉應州德新奉令率隊赴援其子清泉淵泉建忠烈及阿爾阿連五人均率所部往鉞先後入城助守德新與次子龍泉率四十餘人在教子崙猛攻以衆寡不敵被困重圍中均戰歿淵泉協民壯嬰城固守時大霧彌漫河水盛漲外援阻絕賊衆五六萬連日環攻六月十六日黎明地雷轟發四城坍塌三十餘丈賊蟻負入城遂陷兼標州篆文咸暨淵泉所部三百餘人與賊巷戰同日陣亡詳載嘉應州志同治七年江蘇巡撫丁日昌以

豐順縣志

卷二十一

列傳二

八

汕頭縣志局輯時分局承印

德新父子陣亡情形具奏請卹奉旨卹卹守禦所千總給予卹襲雲騎尉襲次完時以恩騎尉世襲四替並祀昭忠祠襲入忠義祠恩卹龍泉清照馬兵例給卹阿爾阿連均准附祀淵泉協守梅城陷巷戰陣亡經知州汪政詳報粵督勞崇光奏請卹奉旨與州吏目尹紹伊等十人同給予卹襲雲騎尉襲次完時以恩騎尉世襲四替

丁爲龍湯坑廬生參梧州府陳瑞之幕咸豐七年逆匪圍攻梧州府城爲龍偕文武官登埤死守八月初十日督戰力竭城陷復揮兵巷戰手刃受創倒地猶罵賊不屈被賊抉舌剖腹殉難同治七年江蘇巡撫丁日昌臚列爲能戰死情事具奏奉旨從優議卹嗣准部議照外委陣亡例給予雲騎尉世襲襲次完時給予恩騎尉世襲四替

張萬達埔仔寨人幼孤事母孝由從九品分發浙江補用咸豐十一年奉母陳氏居杭州純佑橋慶逆陷杭城罵賊不屈隨母殉難聞者痛之爭平巡撫馬新貽列狀具奏奉旨賜卹加贈鹽運司知事銜一子入監以縣主簿歸部選用

丁敬辰別署寧海湯坑人當少年時已嶄然露頭角攻書於蛇江警察學校成績優越民初邑人吳福理綰篆興寧延敬辰佐幕深加倚畀以其通曉兵農錢谷且操守耿介非風塵俗吏比也卸任陽春知事黃綽南慕其能延攬入署札委承審敬辰既從事董理簿書謝絕酬酢跼蹐步不出門者數月初春陽大盜徐東海橫行數百里間西陽警備司令黃任寰督兵痛勦之兇徒少戢其後匪衆恣怒縣署乘隙大股竄入

肆行殺戮以少報復聞署職員殉難者數十人敬展哀遇害年未滿三十論者惜之

彭璣璣字玉衡黃金市魏鄉人民七卒業於廣東公立法政專門學校歷任推檢等職持法務求平恕不爲苛刻故獄訟以理優游法界者垂十年民十六任海豐縣署承審時黨事件發生暴動焚殺之事層出不窮親故多爲之信璣璣夷然訓曰爲國家服務生死當置之度外抵任未幾以共黨攻城失守璣璣竟飲彈而卒可謂烈矣

張恒階以字行砂田鄉馬齊塘人黃埔軍官學校第一期畢業生入伍後以副惠州楊坤如戰役功陞連長十九年出師北伐大軍逕趨長沙岑武漢旋分軍出贛江取南昌恒階任前鋒作戰最力遂擢陞革命軍總司令部第四補充團第一營少校營長既而南昌復爲敵陷雖力戰克復然期年之困三得三失恒階率所部身臨前綫其苦戰可知卒殉難於梅嶺奉令照例給一次卹金八百元遺孀年卹金三百六十元二十年期邑令張東撰文建烈士紀念於故里二十八年入祀豐順忠烈祠

張望字丙炎砂田鄉嶺下人十五年補軍官分校畢業充革命軍第一軍人炮連指導員隨大軍北伐歷經鄂贛湘皖豫魯晉等省旋奉委日總司令蔣衛隊第十團第四連連長及新兵大隊長政治訓練主任等職復入軍官高級班畢業二十一年任軍第十一師團立團第三營營長國軍五次勦匪粵轉戰贛省先後擊斃偽師長二名爲官兵無數負傷數次二十三年擢本團團附粵入廬山軍官訓練團畢業奉命代本團團長率部克復二十協攻黃昌成幾次衝鋒博擊受傷良攻貫橋斃匪丁餘後偵知豹子山

豐順縣志

卷二十一

人物

九

汕頭鎮守府梅縣分局承印

大岑格一帶陣地匪主傑輔堡星羅棋布鹿砦外環逼於四週縱橫二十餘里高山周圍皆散兵壕上蓋樹幹五層厚一公尺五寸餘鹿砦三道又多隱蔽小堡構成交叉火網奉命進攻決計以身許國寄家書云近來戰事極烈責任甚重惟知鞠躬盡瘁而已出爲國死死亦有榮望勿多念等語八月二十八早即由貫橋開始進攻陸空兩軍同時接進匪頑強抵抗官兵前仆後繼節節進逼遂奪取豹子山協攻大岑格各匪堡守兵悉數繳械斃敵遍野殲身先士卒奮不顧身卒力戰陣歿二十有七總計五次勦匪血戰二十餘次殲率匪生擒及擊斃匪二千零八名獲槍五百九十餘枝機關槍二十餘挺在克復城邑築公路七六十里中砲壘一百八十七座其忠勇急公之德稱爲罕聞及戰歿軍府高級官長深爲悲惜各部尤稱陳威謂袍澤中折一兵自損失至大中央政府批卹二十年賜卹共給年撫金萬餘元以示優異軍事委員長蔣公特撰文致祭各部官兵均派代表蒞場奠祭謁謁聯自國府主席及各省軍政長官以下多至數百員極其榮哀千名益扶輿揚旌原籍入祀豐順忠烈祠

朱達沙田鄉西坑人廣東中營訓練畢業充廣東高射機砲連排長二十七年改調充國民革命陸軍第一九五師九五零團第四連少尉連長抗日戰役全奉調赴南京達奉令率所部一連駐守雨化台山嶺未幾敵寇進逼達激勵所部誓死守敵大隊至奮勇殲絕敵前仆後繼卒以孤軍力竭陣亡年二十有四所部僅存二十餘人奉軍事委員會批令給一次卹金五百元年撫金二百四十元二十年照抗戰陣亡晉一級入祠祀豐順忠烈祠

鄧亮字浩然九河鄉人黃埔軍官學校畢業生歷充革命軍第三師第八團三營見習官旋調補排長十五年北伐積功由連長陞十一師廿三旅第二團少校營長二十一年調駐江西勦匪九月奉令游擊安福縣于金田江夏橋之役與共匪數倍之衆激戰腹部中彈猶率部衝擊部雖力勸退後亮曰吾儕爲國捐軀死何足惜卒于二十一日在吉安固江途次殞命奉令給卹入祀豐順忠烈祠

陳成偉字厚志西隴人黃埔軍官學校畢業復留學日本步兵專門學校畢業歸國後任陸軍第十九路軍營長旋任陸軍第一五五師教導隊教官第四師及第一五六師少校參謀調本師第二團第二營少校營長旋調陸軍獨立廿一旅第二團團附二十七年抗日戰役寇犯東江奉命率部禦敵自石龍陣地轉移正果時被敵機轟炸陣亡成偉少年英俊資志而歿聞者惜之

黃香標湯坑人素性慷慨遇事故爲里中少年多趨附之歷任湯坑區長警察所長民國十六年共黨謀攻縣城奪標率湯坑工兵隊赴援擊潰之旋入鄉共黨大股蠢動縣長方乃斌委香標爲湯坑區長受事未幾經率鄉警隊馳往勦辦深入八鄉山忽股匪蜂湧至四面包圍奪標力戰以寡不敵衆昆季均殉難湯坑民衆感哀之爲建立紀念碑

黃日中號思鴻人羅鄉人慷慨有太志壯歲膺身軍籍任十九軍第七十八師排連長淞滬抗倭迭著戰功旋充陸軍三零四師上尉六附民國二十九年一月二十三日在廣西南寧奉命圍攻八塘力戰捐軀張聲雙溪人畢業於縣立一中軀幹修偉性實剛毅民十六以後共黨盤踞九龍嶂時出蹂躪各村落地

豐縣志

卷二十一

列傳二

十

鉛山縣字局編印

方熱血青年奮起組織武裝保衛鄉土聲聞於斯時任雙溪警衛隊分隊長民十八九龍嶂共黨圍攻雙溪聲督隊激戰兩小時卒將共黨擊潰而聲不幸於斯役陣亡該鄉士紳曾請縣府優加撫卹

列傳二

明 張乾福

民國 吳世瀛

鄭善義

陳祥光

楊宮

陳晉祺

饒育鎔

徐名鴻

清 吳廷魁

李彌

吳慶平

羅星

吳濟瀛

明

張乾福字洪塘建橋堡人少負奇氣有勇略酒食倍常人隆武二年寇渠黃瑞結黨爲亂自江西及興長程鄉各縣遭劫掠者無數乾福官於父母及子姪輩曰「人生必重君國後顧身家事今賊勢猖獗難免

老辭歸先是廷魁僑居潮城好行其德有一異人至以嘉禮待之因出青鳥岐嶠秘本各一相示謂以此助君濟世無不效者今馳名遠邇之紫金錠丹即其秘方也廷魁曾於大埔銀溪口見皆病涉乃倡捐義渡諸產生息垂六遠其利人濟物類如此生子三人孫曾九十餘人五代同堂年八十二而卒世稱其有隱德所致云

李弼字瑄哲號殿英黃花村人好讀書有幹才賦試不售習爲吏充海縣署吏胥簿書有暇輒手不釋卷清初佐貳官例由吏員充選必實歷五年始得考取康熙初復定考取分四等聽部選以佐雜用時弼考取列一等授吏員以正八品分歸部銓補康熙四十一年海陽知縣王毓英方蒞任聞弼考取一等老成練達素行清正延如幕僚優禮有加弼亦感其遇以清勤自勵遇事多所建白又剖決如流好行此德今尤倚爲左右手及弼銓叙典史赴部請分會不欲其去謂自作官亦不過爾爾况道遠必非強仕何如升安嗣以營墓先人墳墓乞歸王毓英書雄才清劬四字匾贈之遂不復仕弼先世寒賤乃歸爲曾五父仰山公建祠立祀田復自建祠凡築橋建廟立鄉約造防風林利羣善俗之事皆悉力率嘗曰晝暇寐於新建高岡園有賊乘遊行劫忽見白衣婦人來謂弼有賊至速走避忽驚覺急披衣出門而賊果至得免人謂其有陰德所致于元發後致巨富以壽御賜銀帛敕授修職郎後經文宗繡曾孫飛鵬三人俱歲貢

吳慶平號靜海瓊坑員人幼讀書負奇氣後投筆習弓刀年十八登嘉慶辛酉科武舉連捷進士考充廣

豐順縣志

卷二十一

列傳二

十二

汕頭鎮子局梅縣分局承印

東全省塘務粵督吳榮光奇其才以忠勤職相訪慶平服膺之廬中一切積弊釐剔殆盡公餘則習書史翰墨旋丁外艱歸里哀毀逾度遂矢志奉母嘉慶庚辰倡建宗祠學宮則不辭勞瘁繼乃結廬大村山下居焉顏其堂曰尚志署其門曰可以蓋取討衡門可以棲遲之義也手書朱柏廬永訓於屏風集唐人句爲聯榜諸廳事云無多別業洪王稅未有涓埃答聖朝其志趣可見居鄉里坦而易遇事之有關風化者皆力爲之道光初里有通賦者慨然代償出其獄甲中鄰里以早播豐感釀械鬥慶平撫循之杯酒勸化懷輒爲鄭家蘭大史贈以詩稱爲肝胆照人李布彥方復見云居家三十年諄諄以討禮種德爲訓年五十八而卒

羅星上陽棚子人附生正直好義尤善排解紛邑令張邦泰以訓俗型方圖旌其堂咸豐六年土匪吳忠想圍攻潮州星督團勇集子弟及次子武生楊輝率赴潮救援紮東橋頭與賊激戰斬賊甚多旣捷以功保獎訓導銜子楊輝賞六品頂戴復派團勇堵紮吉嶺關擊破逆首紀阿服滅之鄉邑賴以保障年八十六而卒

吳濟瀛號蓬洲橋背人授千總銜天性孝友見義勇爲咸豐四年土匪登揚倡亂由大田分路撲攻縣城濟瀛在局與諸紳募集義勇合官軍防禦督隊擒賊首盡殲之同治四年髮逆譚體仁大股自嘉應州竄入北溪人心震駭濟瀛協助縣令誦清率團勇堵禦卒殲敵寇勞績卓著邑修學宮城隍廟火神廟西堤各工事皆躬而其役督早災大饑力勸賑捐邑建義食捐儲谷石均竭力勸贊其底于成其見義勇爲熱

心公益邑人咸稱之年六十四卒

民國

吳世瀛號少蓬新豐鄉人宣統己酉科歲貢選訓導不樂仕以經術教授於鄉閉戶課徒不涉公事然素正直明達事理處世待人當世咸稱之爲忠厚長者民國初爲行地方自治投票選舉地長連助競選人品不齊操選權者慮爲地方患乃一致票選世瀛爲區長義無可議強而後就咸慶有人旋被設立縣議會後舉爲正議長時以改革未幾吏治糾紛奸僞萌起上下交征世瀛遇事持正貪劣皆有所忌憚地方人心風俗賴以維持者甚大厥後奉令裁撤縣議會輒謂解此羈絆如釋重負自是退居家閭謝絕時事以種花課農自樂性喜花石嘗搜集小白石之園者方者長而曲者無數悉置瓷盆中以清泉供養之暇書餘閒輒玩以自娛謂此中別有清趣足以清心滌慮其高致如此仲子逸志中將任第八路軍總部總參議迎養廣州東山私邸世瀛居未久以貴要車轍盈門厭其煩囂乃別賃一室以居春秋佳日杖履優游每於公園遇奇花嘉卉輒流連不欲去率服布履皓首龐眉鬚髯臨風若拂掌之似神仙中人而不知其爲顯要對君也既而逸志爲榮華廬於故里池園樓榭果園花畦木石皆奇乃還歸願養兒永天年未幾而卒年八十有三矣邑人李介丞與五區人士爲文而祭之曰忠信之長萬夫之望坐鎮縣門四維是張可見其物望矣

陳祥元字潤甫順隄人品相清奇豐神瀟灑件剛直嫉惡如讎然好禮遇士人在縣隱隱於市士子經過

豐順縣志

卷二十一

列傳二

十三

汕頭縣字局轉印分局承印

其地者輒厚款之並爲買舟論者以此多之當清季時局轉振祥光肘衝大勢謂世運遞嬗培植人才實爲先務故常改造時勢之謂勗勉其子有子七女一咸受專門教自書火之貨供給無貲常曰積財以自活不如積學以用世也子勗吾鏡蓉勉吾最知名女端而頭市立一中校長卒年六十六

陳晉祺字澍五清隄生湯坑新川鄉人性寬弘有度樂易近人以物望爲衆人所悅服親川五鄉咸新禮之遇糾紛得其片言立解着德化及於鄉人能導之歸善說者輒以王彥方擬之生平論學不慕聲華而崇修理仕鄉學辦學講席廿年所載成弟子甚衆教子有義方長子庸受其提撕而命奮發砥礪卒用成名民十四年捧檄綜篆豐順晉祺勵以服務桑梓宜以官聲爲重清慎自矢切勿與平常游宦者此後倡建穎川公學以經費支維晉祺促庸往暹羅募捐謂爲鄉人服務雖遠涉重洋切勿以爲苦迄今校舍落成規模宏敞樓閣巍峨晉祺與有力焉年六十三歲卒

徐名鴻原名爾鴻後改今名以字行湯坑埔頭鄉人幼聰穎性沈默初肄業於縣立小學操筆爲文頗有法度可觀喜讀史書熟讀袁王綱鑑朱淵源爛時方十二齡於同列齒最穉識者咸以大器期之後讀於高師附中既卒業考升北京高等師範國文部受知於錢塘章嶺稱高足爲文初頗示桐城後捨去不學書文魏碑而骨力道上畢業後任國文部助理留居北平所交多名下士初與新青年派組工讀互助團繼與梁漱溟黃艮庸王平叔結廬於城郊講學於農村經濟自治建設諸端往復討論其生平政治思想多淵源於此先是漱溟居金陵值陳銘樞交莫逆厥後國民黨改組講北伐銘樞費用事電漸溟南來

激湫時居曹州固持重遺名鴻三人行銘樞一見如舊遇事輒以諮詢旋銘樞奉命偕白崇禧入湘說唐生智參加北伐挽名鴻偕行決策頗多北伐軍興銘樞升任團長倚名鴻如左右手挽其任師政治部主任任職通鑑相隨暇輒瀏覽稱其於軍事政治有裨武漢勅定軍政有體名鴻時與總政治部主任鄧演達交最密其見解步驟亦趨一致世人所目之第三黨於此植其基焉銘樞憤而離職事後名鴻語人謂此中蓄有苦衷然竟莫能明也民十六寧漢分裂葉賀一軍開南昌趨贛南下潮汕名鴻與郭沫若隨軍行及次潮揭師徒接敗乃還歸埔頭故里胼胝力耕日從事園鋤灌園怡然自得民十七激湫來粵主持廣東建設委員會事兼長省立一中約名鴻赴省襄助校務建議設班主任制行勞動教育時省市黨部主持者有憾於名鴻日窺其與蔣蔡諸人舊嫌未釋乃密令公安局長鄧世增通捕繫獄者凡四十餘日名鴻識死生之分際處之泰然以營政者多獲釋銘樞事後且約蔣蔡二人爲之釋嫌焉未幾銘樞擢升省府主席愈益重名鴻每有大事必邀之計議其者屢以爲言不聽西南兩艦離獨立銘樞離職名鴻亦離粵往蔡廷楷於江西旋隨軍開駐滬寧線十九路軍淞滬抗日名鴻實參贊之及蔡率部入閩名鴻任總部秘書長事無大小必以諮之迨閩西肅清名書後督辦每日足穿草履下鄉以刻苦淬勵所屬推行政令力主耕者有其田擬於閩西試驗其平日土地革命之說民二十三年以閩事變死焉使其尙存靖獻國家則對於抗建前途富有建扶也

列傳三 文學

邑人李唐介丞甫編纂

明 羅 紅

吳 翹

清 吳啓晉

譚廷儂

李經文

劉淑元

張紹華

譚在閣

李漢玉

彭景雲

鄭家蘭

吳 鵬

王 琳

丁乃潛

吳開歧

陳期昌

丁愚康

吳伯齡

吳其瀚

王惠和

李秉康

豐順縣志

卷二十一

列傳三

一

汕頭錦字局梅島分局承印

吳鍾杰

劉世騏

吳 震

明

羅紅上陽人正德初補諸生以學行見推爲督學陳欽所器重欲剡薦之越三日陳卒不果紅卅八十以親老宜奉養遂不求仕進居龍溪其地臨水有林泉之勝以讀書吟咏自樂復娛情於耕釣乃於龍溪之陰別築釣台溪口有巨石嵯峨名曰望牛石紅徜徉山水亦耕亦釣嘗坐石上牧牛其雅興高風可見所爲詩頗多遺稿不傳有和友人某歸田百詠詩揭陽令陶楨見而愛之因造其廬相與登望牛之石坐垂釣之台賦詩而別後教諭黎文會主簿李本皆嘗與紅過從並推重之

清

吳啓晉號長源湯田人六奇長子有文武才少佐治兵參與帷幄然非其所志也性至孝重然諾友愛諸昆季能得父歡心讀書尤手不釋卷順治丁酉科舉人房師洪琮以大器期之海甯名士查伊璠孝廉居六奇幕府一載六奇令啓晉侍座學益精進伊璠曾叙其所爲文有關戢安之大者嘗稱啓晉韶秀玉立上詩所至輒流連興懷古昔疾行五指篇什繁富美不勝舉後選詩可備錄啓晉詩可見也自以父官銜掛印以長例膺蔭典顧獨發憤下惟力求能自樹立甯讓弟啓爵承襲尤有季禮流風啓晉喜佛學高僧

守白掛錫曹山寶林寺啓晉爲拓建寺院讀書其中與守白談禪宗得曹溪一指之妙乃未幾竟卒天不永年人皆惜之所爲詩文頗多今亦散佚查繼佐所敘者亦無存

李經文號約齋黃花村人幼負異姿雙眸炯炯如電有大志年十八邑令江廷隆以偉器相期縣試拔置第一補潮州府學弟子員經文博極羣書尤長於攷據以古又爲制義不屑拘於時應鄉試十三科薦卷七科不獲選遂絕意舉業專事著述督課子弟築別業數楹曰升汲軒積書充棟丹黃殆遍讀書執筆嘗竟日夜不眠其精力過人如此所著三易通義及各種遺稿數十厚册木刻並佚仙存毛詩一册頂格空白紙長四寸許筆蠅頭細字皆滿加硃圈點近亦佚去少壯爲文姿意汪洋珍珠船所採刊者可見一斑後一歸於簡奧樸茂晚年精畫工繪升汲軒課讀書圖一幅書倉皮壁盆花羅簾庭前執卷環而立者數人獨自正襟危坐案頭攤一書自題卷端詩云靜坐芸窗卜長吟徹曉天文章誰共賞經濟世通傳致証無今古鈞深有幾年何須折秋桂本是月中仙其懷抱可想見也後以增生選貢補訓導年八十而卒弟宗耀嘉慶庚辰科恩貢子飛鵬道光壬午科歲貢補教諭皆受其學者飛鵬好學筆而彌篤歲必購新書數十金嘗謂吾與古人爲徒不能一日離書孤立云

張紹華字劍軒建橋堡人由廩生登乾隆癸酉科舉人大挑一等簽分江蘇試用署松江府同知特授常熟縣知縣自請改教職歷任番禺歸善等縣教諭化州學正陞廣州府學教授淹通經史書爲文所至皆以文章爲士林模範羣相推重在廣州任以品學爲督撫所器重告辭不獲後詢知年已八十有二因准

豐順縣志

卷二十一

列傳三

一一

汕頭縣字局梅縣分局承印

給假回籍年八十七卒

李漢玉城廂人年十七進庠旋食餼於庠升上舍曆乾隆己酉科歲貢餘選新興縣教諭在任昌明學術士林式化尤長於經古詞章之學著口頗多見收於觀海集刊行者尤夥故文名甚著平生操持正直誨人不倦學者多師之

鄭家蘭號秋泉九河鄉人少家貧而大資英敏其叔父梅川資之學年十六補縣學生旋由廩生登乾隆戊申科亞元嘉慶戊辰科成進士欽點翰林院庶吉士散館改授福建邵武縣知縣在官清操自持不以察察爲明多惠政民咸稱之爲鄭菩薩其慈愛可知充福建鄉試同考官得士曾元海大激賞之惟止副主試官均不以爲合家蘭謂此人必發且聯科捷力荐始獲選及會試果成進士入翰林當時人皆服其藻鑒之明後曾元海督學廣西感恩知已遣人資金餽之並爲贊建大史第師生情重一時傳爲佳話定例常年倉官儲穀凡新舊任交替需盤查存缺以明責任家蘭初蒞邵武任時視各倉庫檢封仍舊盤查一二版穀額無異看以各版皆備還行結報迨任滿交代逐版清盤始知向所未盤各版中多空無所有者卒受賠累甚鉅而宦囊如洗解組去日百姓皆遮道歡送並爲建立生祠歸里後歷主講韓山書院嶺東秀之士多出其門下工書法楷行兼美爲世所珍著有正初文集四卷

王琳號玉山琅清人少負不羈才篤志力學期及於古爲文不逐時尚由廩生膺咸豐戊午科恩貢家貧以經術教授於鄉市學之士多出其門丁日昌中丞未達時曾執贄門下及撫吳丁憂歸獨以節禮尊之

爲詩書扇以贈有澤國宦遊空遠思之旬復延至絮園多所唱和屢教勸出山不樂仕進以年老辭謝琳
善詩其詩風格清朗行與立就而自然雅詠從不留稿故所傳僅文徵所錄數首生平尚氣節不以寒儉
介意惟秉正嫉邪遇非禮之財輒望望然去若將浼者爲廩生時以送考督學院試在潮適屠戶毆辱大
埔考生案當道罰賠數萬元九縣廩生皆分派百金琳聞而恥之若不可終日即棄所事歸里其耿介不
苟得類如此年八十一而卒子之桂利生庠楚材歷任遂溪台山等縣推檢官兩廣鹽運署秘書平南總
局長

吳開岐城北人博學多通爲文務典雅好奇不合時尚屢試不獲選後棄制藝不爲專事讀書課子有暇
輒搜輯古今異聞奇事及有關因果者彙爲若干卷名曰靈異記刊行之意在借此警世也嘗謂窮達有
命惟積德可格天故生平喜行善事遇貧乏輒周急之至老不倦長子良增生次子榮廩生三紅道光辛
卯科舉人皆開岐教育成之

吳錫號傳衡新坡鄉人道光己酉科拔貢父達時爲邑儒生熟通經史有文名留心經世歷掌餘平琴峯
書院揭陽梅岡書院每歸省必縷述邸抄時事以博父歡乃父亦嘗舉歐公養不必豐要於孝之言慰之
後掌本邑鵬湖書院裁成後進最多矧平日嚴氣正性惟誨人則諄諄不倦其品學純粹士林咸欽式咸
豐甲寅同治乙丑兩次匪亂皆力籌防勦原授訓導後邀內獎以知縣用年逾七十卒丁日昌制軍嘗稱
之爲歸然靈光云

豐順縣志

卷二十一

列傳三

二

汕頭鉛字局梅縣分局承印

譚廷儀字特舉大田鄉人嶺鵬之孫嘉慶丁卯科舉于鄉三上公車不第掌教鵬湖書院數人誘掖獎勵
諄諄不倦謂士必先器識後文藝持此以律己正人以父宏謀歿于泮州撫卹廕任內未親視舍殮爲終
身之憾日行功過格舉動語默自律尤嚴晚年著大上感應篇輯茶書成未刊而逝家藏手抄本咸豐四
年兵燹損失三之一其孫繼三補註後刊行之

劉淑元原名秉綸東陽鄉人同治壬戌科歲貢總角能文才情敏捷性淳樸喜怒不形于色社會稱爲至
誠君子博通史籍爲督學軍懋謙所奇賞後讀書于白雲寺益肆力于古著作頗多未及刊而卒

譚在開大田鄉人年十三隨譚懷川孝廉入閩讀書官署嘉落多智僚友咸稱爲英物弱冠淹通經史自
家能文工書法爲懷川所奇愛旋居韶州府學署四載與曲江人士往還咸以國士目之善爲詩從不留
稿尤不喜苦吟謂詩以寫性情當出之自然有意爲之未必佳故無專集有傳誦其一二者不啻片羽碎
錦句如星斗圖書帳江山入曉大山居句云春雨滴殘紅點點秋風吹老綠芙蓉鹿眠野徑侵春藪日上
寒灘唱午雞又遊仲坑一首皆俊逸整練風骨道爽琅然可誦可見其造詣也不幸早卒人咸惜之

彭景雲號樸岩下湯人道光庚戌科歲貢同治癸酉科欽賜舉人好學老而彌篤通史籍能文善詩自署
蘭谿居士嘗於嘉慶戊辰除夕效賈閻仙故事作祭詩文云維年月日彭子以梅花桃花黃橙綠橘清泉
白石諸物致祭於詩前而告之曰畧云子生何處逍遙四序蕭跡漢唐馳騁吳楚招子言旋如相告語自
斷推敲獨出機杼章句掄擢篇法齟齬雖則云然總蹈規矩文長千餘言整散學六朝文體極詭辯恣肆

類招魂大招之詞其好事類如此光緒間與吳鵬同修邑志倡設良鄉義學著作頗多手自編定者有時藝六卷試帖詩二卷聯錄草二卷存情集一卷詩近九僧四靈好樂府古體皆未刊

吳鵬號舉軒瑣溪鄉人同治壬戌科副貢選州判不求仕進歷掌鵬湖書院邑士林多出其門下光緒甲申邑令王承峯倡續修縣志鵬爲總纂生平東身自好行規步矩謹然儒者爲當世所重晚年於故里築硯田廬讀書至老不倦年九十四而卒

丁乃潛原名愚齋字旭卿晚更今名鵬訥菴署所居室曰匏存日昌仲子生於湯坊隨父僑居揭陽城不練揭籍性稍慤無他嗜不與時徵逐雨中承自撫閩乞歸延名師課諸子督責嚴而厲諸子惴惴或踈跽不受羈勒或攻經世攷古之學說以事功著述顯乃潛獨研習制藝試律光緒癸巳恩科以廩生中副榜嗒然意阻謂操此術以求售於庸庸耳目得喪焉足論者遂棄去且焚其稿乃敝精勵志於歧黃遠涉之學暇則或吟諷自娛內室孫西台通醫術往三室篝燈雞再鳴猶相與討論脉理力藥不稍輟著有書星樓醫案問世既而獨居深念忽萌出山想西台慈惠之報報捐知府捐江蘇未赴西台日封職我家故物若有志富世末更難解胡爲者乃潛曲徇其意乃捐陸道員癸卯分發浙江候補抵浙後與在籍徐致靖侍郎陸存江中丞時徇祥嘯歌於六橋三竺間論者咸謂其文采風流有非俗吏所能勝也嘗督辦浙江全省警政銳意有所振刷而左右牽掣不克行其所志復辭職而官情益淡需次久其家悉索所有資供或不給弟叔雅自都門貽書促其早歸乃潛見時無可爲遂浩然作歸計詎歸未久而革命應起國

豐順縣志

卷二十一

列傳三

四

附錄

體變更自是絕意仕途專治詩及醫窮年不厭問及堪輿星卜涉獵頗廣雖未盡竟其緒而於詩蓋有獨至者其論詩不主祧唐宗宋晚致力宛陵后山荆公初主深峭後歸平淡曾剛父極稱之陳石遺序鮑存室詩續鈔謂視叔雅年事稍長工力較厚乃潛性情和藹口吃吃若不能出而與人極可親尤篤於親親弟愚吉嗣單遺孀鴻業繼承之樂施與貧無可殮者贈之棺病者贈醫藥冬寒施布衣歲費千百金以爲常願自奉儉樸雖席豐厚輒衣大布食不重肉起居以時至老不懈工書法初學大蘇兼董趙老年參以石菴松禪能變化自成其體卒于民國十七年戊辰三月二十三日年六十有五次子韻初亦工詩

陳期昌號香九沙田鄉占田人年十八補縣學生弱冠升上舍食餼光緒丁酉科歲貢補訓導未仕幼從嘉應陳慕皋陳崧爲詞章之學旋負笈金山書院受學於南海廖子亮順德陳履初近十年學益進每院課及歲科提學試期昌輒前列文名繕其三錄優行八列異等七試南閩兩試京兆屢薦不獲舉後以丁父憂歸旋築蕙芷山房於冰山之麓富有圖書一時從之學者接踵旁舍不能容增築培園以居時邑令鄧衍遼玉燿曾皆名進士相繼任期昌倡設北勝學社請管爲師按月由邑令發試題徵集士林作卷彙送評閱榜示社中所謂分經史理文詩賦及各雜體舉其社內各鄉人館以十數競相講習學風爲之一振王令允提倡選舉屢諭期昌創立北勝社書院期昌通史籍尤長於經古詞章才華敏贍寓北京與丁叔雅曾剛父張小莪諸名流極譙游唱和之雅家居三十年凡關於地方公益治安之大者皆引爲己任見善者則誘掖獎勵之惡者深惡痛絕不宿怨其雅量有足多者迨科舉廢尤喜新學每讀

譯書報手不釋卷年五十八卒著有詩賦鈔三卷詩文集十卷文以駢體爲優詩近晚唐均不如賦之清麗瀏亮也邑令軍夢祥爲撰墓誌銘有牛覺自任知無不爲植品勵行不憚不繼大邱奉物彭澤賦詩愛遺桑梓猶繫人思之語子彰韓慶生雅擅詞章亦有聲於時

丁惠康字叔雅號惺庵湯坑人父日昌官後僑居揭陽以隱籍自娛一時海內名流習與遊者多不遠千里買舟造訪極文酒山林之樂惠康方垂髫時父制於一時巨人長德論學次第已能默識其條理日昌卒惠康稍長頗豪宕不日檢既忽自痛惜大刮磨豪習閉戶力學發家藏書讀之悉泛其涯每爲文輒高異寄趣幽遠風骨迫上論者謂其有魏晉人風先是進陞之役既平故書雅記往往散出日昌多所搜集率八開罕見故丁氏藏書之富甲於一省獨山莫友芝爲輔特許書目四卷惠康以諸書向少提綱挈要欲爲皇清經籍志及寰宇訪書錄以開發之未幾北上將詣書南學適長沙張百熙爲祭酒得其文大賞之拔置第一既居南學博交當世魁偉宏儒之士議論證據古今中外所見益遠時甲午戰敗益以戊戌政變諸志士日謀所以挽救惠康亦參與其間往來津滬或以義甯陳三立瀏陽譚嗣同廬江吳彥復相比况稱四公子惠康聞之厚自矜負杭甯炳麟撰煊書首明種族爲各帝之論惠康爲出賃刊布已亥歲暮客滬廢立之議起滬濱司電知府上虞綬元春倡衆抗電力討惠康實左右其事劇名其列遂見惡於當路惠康憤然自適決子國變合肥李鴻章以議和駐滬上惠康大集南北志士銳欲有所爲面詢李鴻章勸以延攬人才連定大計鴻章不能用變法後京師設立大學張百熙督學事舉充國文

豐順縣志

卷二十一

列傳三

五

汕頭縣字局編印

教習惠康辭曰人各有能有不能教習兢兢窮年靡能爲役也丁母憂歸里岑春煊督四川電促入川惠康以不知其託任云何而止時方開經濟特科徵有辟士累薦連篇惠康嘲之謂大半爲清議所不容自謂四方奔走精思果力都不讓人至於函牘糾還指切事情搖筆如飛斯須脫稿不假思索客無凝滯少讀董生對天人三策東坡上神宗萬言書尤所酷好於流涕故自爲又亦頗相類獨口吃少辯論之才尤乏肆應欲從南海康有爲遊窺其辭氣奮發新才無礙之旨梁啓超聞有此惠從之東渡謂必於彼有益往復相聞外間藉藉頗有知者流言至于京師友人某移書切言其不可惠康報之曰夫朝廷之士往而不復返山林之流入而不復出明趣異也今則清海橫流淪胥以溺亡種之禍無閒賢愚焚如之悲蓋論貴賤避世避地已無可逃爲馬爲牛又安能免雖欲如管幼安之居北海士籍蕭之伏船山顧亭之耶若邀遊京師求賢取友則中朝士氣亦可知至如上海則人多言雜議論紛囂無所統一其成敗亦畧可觀矣揆君之意所不忍言者恐其犯不韙之名召禍耳不知近日封疆大吏初遣學生遊外洋不問以此望吏職也即文人學士采其土風勸爲記載亦未見以此列彈章也如康徵本曾何足云康行年三十有五矣日暮途遠人間何世自以名公之後又不屑隨俗俯仰博鄉里善人之稱君願以厚望於僕母乃與私心相刺謬乎既而岑春煊督粵延惠康入幕主持興學事赴日本考查學校歸參瀛學務於廣州旋棄去復旅食京師鬱鬱莫達所志母喪冬塊坐斗室不裘不炭冥然抱十載之憂其孤子之懷曠逸之想去世絕遠宣統元年四月晦日以病卒於都門旅舍年四十有一揭陽曾習輝爲經紀其喪先是

張百熙曾以惠康應經濟特科之薦不就由廩貢生納賞爲戶部主事亦竟未一赴部所爲詩文概不自收拾羅傳融姚梓芳從其徒友搜集之得若干首次爲丁徵君遺集溫廷敬復蒐得詩若干首收入潮州詩萃惠康詩初學義山復浸淫於陳子兼其他所欲著者如漢儒春秋學微等均未就

吳伯齡原名昌期號式喬城南人進士世職之孫補潮州府學廩生以博學能文著稱饒平海陽各縣人士均先後聘主講席光緒端應溫仲利大史主講金山書院伯齡遂辭席之學銳意講求新學時務悉窺其治學修理每課藝輒前列光緒乙巳李介丞丁培珊自省垣歸創辦豐順縣師範館挽伯齡爲國文歷史教習繼任勸學所總董豐順教育會長官立學堂校長歷十餘年邑後進多受其教成宣統丁酉舉孝廉方正時望歸之民國三年廣東政府令各縣開征丁善稅前所未有也邑令暨各地方團體紛呈請免俱不獲命伯齡以關係一邑民生甚大獨上書痛陳地方貧瘠苦狀奉准豁免邑屬至今無上善稅負担伯齡力也伯齡性靜穆寡言粥粥若無能者惟遇關地方利病或公是公非所在輒抗言不撓改革以還吏治放紛無紀作始司法獨立時專審員湯油貪污穢亂習與地劣棍朋比爲奸賄賂公行是非顛倒爲地方害伯齡以其影響人心風俗全大逕函縣議會嚴行糾舉復致書當道謂吾人有上下其手者湯專審則既上其手復下其手又別出一手收受其賄聞者以爲名言卒撤其職其剛方正直類如此顧一般風氣與湯勾結蠅營狗苟之輩驟失其所依或亦適作蜚語伯齡聞之致書友人曰若吾邑人事亦可謂之修羅場然皆蠅蠅蠅蠅尙非牛頭馬面能演刀山劍樹之劇者實不足道其言雖謔而虛抑亦清語也其冷眼觀時超然世俗之志而可見矣故平居與人酬對嘗終日夕不發一言獨與知交論學問談國事則口若懸河娓娓不倦每致書知友動輒十言嘗謂治事不出於誠無不敗者其敗也或數年而見或十數年數十年而後見又言曾文正可敬不可學以其畢生皆由勉強而致其論世知人往往獨具見解讀書輒手不釋卷尤喜讀新小說謂余向與世遠借此可窺見社會情態爲文下筆十言立就從不留稿素善書好看三希堂法帖伯齡先世收藏名字畫頗多每月輒取一二張掛私室獨坐玩賞數日後撤去其高致雅懷有非世俗所能共見者年五十九卒士論惜之

豐順縣志

卷二十一

列傳三

六

汕頭縣學局編印

吳其瀚號海帆別字仲瑜城廂高田人年十九進邑庠二十補上舍光緒乙酉科拔貢連捷鄉試舉人揀選知縣公車三上屢荐不第遂絕意仕進主講鵬湖書院歷十年循循善誘不苟言笑士林咸欽之居家事親孝持已廉待人以誠非關地方要公不屑與聞歷任邑令下車皆遺其慮惟絕少與官吏周旋非公不至凡會議地方事遇官紳有不當於事理之言輒抗言拆之若不合則托詞而去絕不爲阿諛唯諾之應以故人皆憚其厚重辛亥革命奉令廢縣署改設安民局舉其瀚爲之長後有被廢一般胥差弁勇闖進大堂調槍轟擊羣皆奔旁門避去其瀚獨夷然不爲動且目笑存之事後督率各員紳辦公不少旋奉改委縣長時秩序未定人心惶惑其瀚以鎮正態度維持之所裨益地方治安者至大嘗謂士人不能有爲於國亦當求有裨益地方其爲人可概見也長子嗣理率與實每月必寄書一二大訓飭其書云一邑之事羣焉料理又下車伊始舊接新書忙碌自不待言然天下事無不由難而易甘

能振刷精神又得同事協助初雖被刺關棘久則烏道露發皆成康莊坦道矣今當改革之初人心未定
宜馴擾不宜激烈宜漸次推行不宜急切從事宜順輿情不宜執己見以清慎勤二字爲根本而又揆時
度勢出之人心可得行政自不難也東寧云商學各界日形浹洽行政者果能得浹洽二字則一德一心
何事不可爲何政不可舉今縣長職守有會盜賭門四事專責立法其嚴行政自應慎之又慎尤要博訪
周諮時存一好生之念萬勿輕易告歐陽文忠公之父爲推官時留心獄獄夜閱文書嘗屢廢而歎其妻
聞之曰此死獄也我求其生不得耳妻曰生可求乎曰求其生而不得則死者與我兩無憾也矧求其生
而有得耶吾謂凡有生殺人之權者當以足爲法至國人皆曰可殺者此除暴安良之事所謂與衆棄之
者也及其子嗣理解組旅居潭江因爲族人撰一呈詞其瀾知之復馳書切責曰前日股臣來出其呈稿
知爾所爲吾百思不解爾謂者數日謂重責重歟而同族之人遍天下也謂求利益歟而此種利益如鳩
酒漏脯之不可嘗試又爾所素知也抑抱不平歟今日非講理之世界又焉能使人人得其平耶或因爾
便於求而爲之豈知一人可求人人亦可求一事可爲事事亦可爲吾恐後來將日不暇給也至排難解
紛雖此不廢而有不受排解者聽之而已彼雖涉訟於我無與焉其中昔律已教人之嚴頗如此亦可見
其生平爲人矣年六十有二卒著有養源堂詩文集各一卷

王惠和號春圃環清鄉人父顯朝光緒丁丑科歲貢以學行著惠和幼承家學弱冠襲蔭庠序間文名藉
其歷受揭普澄三縣聘主講席受其學入泮登科者無數澄海吳氏因其高足弟子也曾爲惠和撰傳云

豐順縣志

卷二十一

列傳三

七

汕頭鑄字局梅縣分局承印

貫因讀書稍得門徑能爲國家有所盡力者皆受先生之賜憶先生在嶺梅書室講學時嘗謂諸生曰八
股制藝早受鄙已成末光吾儕讀書致用惟有致力古文辭經濟之學始得受用不數年而科舉廢世變
亦日而其識見爲何如光緒己酉惠和授恩貢考選直隸州判以國事日非不樂仕民國歷仕普甯豐
順各中小學堂校長教員並創立本鄉臨民小學校善已垂垂老矣居鄉里遇有裨益地方事皆力爲提
倡十二年亂兵入其室掠及鄉衆寄存修築堤渠公款數百元惠和甯自吃虧借貸清償而堤渠賴以完
成鄉里德之十六年共產黨徒陰謀攘奪政權惠和料其必爲地方患爲鄉人曲陳利害倡設治安會繼
設保安局厥後共黨拾級焚劫四鄰皆糜爛甚獨環清一鄉無恙人皆服其遠識先見生平篤於學至老
不倦凡經史百家嚮下之書靡不瀏覽爲文華贍兼長賦隄所有撰著每不自存稿著能見其人不以身
後文名爲意也年七十三卒長子家驥廩生代理豐順縣善六帖所爲詩氣宇高華情韻不直足見其詩
學寢饋於鯉庭者其深也次子驥歷任和平漳浦縣科長潮安五華潮陽推檢官孫乃勛現任廣東民政
廳視察大孫乃宣任縣高初中學校長

李秉康號福田黃花村人通經史治古文辭尤深研左氏公羊穀梁三傳手抄左氏傳全部既冠與堂弟
介承全負笈潮州金山書院九學萃於今文學時改試經義策論督學朱補謀拔置第一補縣學生及罷
科舉復入韓山師範學堂畢業後歷任自助公學豐順縣立中學球山中學教員凡二十餘年皆主講文
史爲文講授俱有法度復循循善誘受其學者多有所獲畢生皆篤學未嘗一日廢書百氏之書無不窺

晚年獨耽周易通河洛初喜來氏易註後專好戴東原易學旁及堪輿星命醫卜諸書俱有心得謂易可通百家戴氏所主一幾字可包括全易故曰易之爲義大矣哉年六十二卒生平性情柔和未嘗疾言遽色著有適廬詩文一卷豐順赤禍始末記及自撰年譜各一卷其門下古揚志楊拱垣等百餘人醮資爲建紀念亭於黃花村口

吳鍾杰號若凡磻溪鄉人幼聰穎讀書異常兄年十二通四書五經大義解韻語應童子試屢冠軍已進庠益肆力於經濟時務求致用光緒庚子變法喜曰今後吾志可少舒矣既而罷科舉興學堂備設族立湯田兩等小學於縣城旋任廬田學堂校長力祛舊日教注入法事事誘掖獎勵鼓舞之使自奮其羞惡而奮其廉恥使之樂於就範而無敢越中富世每樂道之長廬田三載每竭精敝神而不自覺既而一病遂不可治及卒年四十六學生百餘人咸痛哭失聲

劉世驥字芷川光緒己酉科拔貢大田龍華鄉蛇窟村人大田溪流發源自馬頭初行萬山中迂迴曲折迨流經龍華則石瀨潺湲又逕流至長埔壩水清沙白抵大田爲淵深停蓄本邑文人學士誕生是區者後先背望殆亦山川清淑之氣所鍾歟世驥生平有箕穎之志不樂仕進隱居教授於鄉以述作自娛喜觀史漢多識前言而於史遊游俠貨殖兩傳尤琅琅上讀與大田譚恩生交最洽暇日相訪談藝徵引繁富娓娓無倦容問及評文評史則妙義環生蓋世驥於彥和知幾兩家書能融會而貫通之其讀書有得類此初世驥學制藝於賴晴初師友間尤稱投契及晴初卒懷之以聯云化雨春風羣彥盈門仰獨契悲

豐順縣志

卷二十一

列傳三

八

仙遊縣字南梅縣分司承印

歌賞酒卅年蕭寺恨離平情韻不既傳前當時其詩文宗退之惜稿多放佚年□□卒世驥弟子吳震亦以文學著

吳震原名鴻裁後改今名字雲濤清附生長埔壩人初從同里劉芷川游後肄業於潮州金山學堂詞章經濟之學兼而有之嘗一度考職入京環請王惠和贈詩有解吟草句居原易早出茅廬遜自先之句清社旣屋民國肇建震爲士林推許與邑人王家驥齊足並馳民黨鍾子蕭佛成雅習其名電邀震與家驥往遊曼谷主持新民學校教務歸國後出佐戎幕以任粵軍師長黃任襄秘書最久繼宰五華政尚清簡而不擾民無愧於官箴焉特稍介非其人不與之言然不其立崖岸嘗謂仕宦乃例外事惟讀書志道乃書生本色生平不善居積素位而行兩廣鹽運使秘書長王楚材重震行誼介其入閩粵鹽稅局管榷事以積勞遺疾而卒年□□震善六帖所書楹聯尤見蒼老遒勁其詩綿遠芊麗著於義山爲近非時下香奩體可比里人吳祖理輯其詩若干首載諸吳氏族譜並編入文徵云

列傳二

孝友

明 吳崇鑑

楊玉華

丁寶瑛

李少溪

鄭超然

楊 最

鄭江山

清 羅明倫

余金聲

楊兆璣

劉鴻俊

連善和

柯光武

彭秉才

丁初豐

吳世驥

譚堪齋

吳玉鷗

羅華周

舊志列傳以孝義者壽二門爲最繁茲今改爲孝友義行鄉善者壽四門擇其於孝友義行有特著事實者概爲立傳其有神益於社會人羣一善足錄者歸入鄉善表凡庸德無奇克享壽考者概摘要列爲耆壽表既不沒前賢之美卽昭以後人之規

明

吳崇鑑字嚴賓豐政郡湯田人幼有至性父貿易程鄉路過大歧嶺下遇暴疾卒時崇鑑方九齡聞耗星夜奔往詎至前父屍已爲螻蟻負土掩沒僅留面目可見爲之痛哭殯絕路人哀之遂塋乃父於是世所傳爲蟻地者此也崇鑑有仲兄早世爲續遺孤視猶己出弟崇欽號松軒友愛逾恆分產時兄弟叔姪交讓有泰伯季子風一日告其母曰家道浸昌全賴祖德欲在瓜子塘地面建祠何如母喜諾遂構建焉其孝友如此至如賑貧乏助喪葬建立義田義學鄉人多賴之卒年五十有九今縣城吳氏族勢蕃昌皆其兄弟遺裔也

豐順縣志

卷二十一

列傳三

九

汕頭縣字局梅縣分局承印

李少溪明字庠生原世居大樁社後遷小勝鄉以祖墓多在樁臨終遺言死後必歸葬大樁遂命者蛇咬虎食之卒如命歸葬閭數傳子孫衆多咸主遷葬小勝便拜掃乃遣人負其骸骨歸詎過洗馬潭其器忽躍入溪潭撈之不獲少溪沒世久猶不願離遠先人坟墓其孝思英靈至自沉其骨以殉如此厥後最遷最力及負骨者果一爲虎食一被蛇咬而死可畏也後嗣以其生平事親孝篤友誼建祠享祀故名曰孝友堂先是少溪與九河鄭松溪南溪江樂溪訂爲盟友相約各覓地遷居後各開基一方白頭如新而皆保世滋大爲邑屬臣族

楊最金歐寨人明季諸生性至孝母患目翳與其妻晝夜以舌舐之母目復明最家貧嘗於寢處爲褻幃作二銘詞示子孫世裔後改名宮登天啓丁卯科舉人

清

羅明倫號永能上陽人年十二補諸生順康間兩中副車事父母繼母均以孝聞嘗捐田二百畝爲兄立嗣其友愛尤爲人所難能

楊兆璣布心人年十四母張氏病危醫藥無效兆璣日夜禱於佛前旋夢佛告以人肉可療乃割自身乳肉烹以進母其母不知也食後而病果痊兆璣亦無恙

連善和隴隄下埔人爲醫生性至孝母病劇效岑妻嘗用糞以驗其症及母卒停棺河干未及葬善和日夜不離左右一日河水陡漲至波濤洶湧善和爲母棺故不離亦不懼見者咸謂其必爲波臣召乃人

與棺均無恙後於夜半有虎嘯於棺前善和偃臥其中虎卒不入嘯而去人皆謂其孝感所致自是善和爲孝子之名大著邑令聞其事以孝行可嘉四字旌之

彭秉才字定邦下湯見龍園人性至孝侍奉父母問視之省無虛日父歿哀毀盡禮卜葬于黃母塘之湯池廬墓三年孝思不少衰及母死亦如喪父盡禮既卜葬禾坪回復廬墓而居越年而疾作家人勸之回猶依依不忍舍及病劇始以肩輿歸未幾卒

吳世驥字策斯城南人以秀才補上舍捐貢生大性真摯弟世驥父以偉器期曾貴嘗過嚴世驥悚然若不自容世驥爲其隱輒負旁誘掖之所需日用及赴試旅費始終曲爲周全遂致恩義兩無稍憾及世驥出鄉舉成進士詔者咸謂新進士泥金帖固乃父勗之亦乃賴兄成之也世驥襟懷豁達在湯坑與人合贊營典肆每見紅白旗會械鬥頻年不解四民廢業流爲盜劫行旅荆棘屢出資爲解和知府易中孚嘉其能以玉種盛出四字旌之

吳玉鵬號伯璣高田人候補府經歷事親以存聞母病頃刻不離嘗籲天以身爲代及母故哀毀逾恆服闋隨副將吳標平連陽騷亂以功叙保將赴所事丁父艱回籍旋請出仕既不能以祿養親雖仕回補遂終老不出

楊玉華沙田鄉人與例貢玉祥同懷兄弟篤于友愛寢食必俱出入與共天倫樂事世皆稱之承塾延師課子弟每逢課期師必改文登玉華必設饌送塾中曰爲師潤筆云

豐順縣志

卷二十一

列傳三

十

汕頭鉛字局梅縣分館承印

鄭超然號可凡瓊清鄉人庠生父染喘症母病風痺步履尤艱醫治罔效超然朝夕扶掖歷十餘不稍懈其妻邵氏亦克盡婦道得親歡心人皆賢之

鄭江山潘田社人小親孝母病篤服藥不效與弟招發服侍憂悶詢醫者以何方司療醫漫答之曰除非有人肉乃可治江山信之遂操刀自割左腕肉一方即欲烹以奉母忽昏倒於地力救始無恙未幾其母病亦愈

余聲潘田社人早失怙其家貧日傭工度活每回家必市酒肉自烹而奉母且侍側必俟母食畢而後退意恐其母愛憐幼小分其甘旨也母患目病痛苦不安金聲日以舌舐之忽一日母呻吟凄楚無可解免金聲愀然遽引刀自斷其食指爲母分痛其孝思之真摯類如此

劉鴻俊湯坑彭城人監生早失怙事母以孝聞與例貢家勸等兄第六人友愛倍篤一家百餘口五世猶同居咸豐四年寇亂鴻俊督鄉壯諸勦以功奉保獎八品頂戴同治五年復以率勇堵禦屢逆出力奉加獎六品銜鴻俊急公好義尤善治家閭門百餘人和睦無間世皆稱其孝友焉

柯光武隨隍長田人六歲失怙母魏氏年未及艾日夜含悲光武瞻依膝下每事能順承稍長知母忍苦撫養刻志勤儉冀克承歡既以力耕娶妻並能相助少有贏餘則以美食奉母且有新必獻自食則粗糲遇親戚困乏及善事則計足供用食外雖傾囊亦樂爲之道光間邑令舉爲鄉止奉母至八十餘告終視膳未嘗稍缺喪葬皆盡真誠鄉黨皆稱其孝焉夫婦俱逾八旬而卒

丁初豐金湯人日昌之姪孫性純孝光緒五年隨父母自羊城歸母忽病途次無藥醫治初翌日夜焚香
默禱願以身代母病竟不起哀痛悲號水漿不入口者十數日家人屢勸之食則泣曰視靈前供飯得吾
母食吾卽食矣及抵揭陽毀瘠既憊旋患熱症病劇忽強起挽而行至母停柩處望西哭拜竟不食而死
年方十八日昌中丞悼之作記以表其行原配賴氏聞耗自省垣過門守節孝子節婦萃于一門所罕有
也

譚樸齋大田人與兄松崖同進庠自相師友居家肅雍處世和平松崖生四子樞齋生二子中歲析產松
崖主兄弟均分樞齋曰若然我二子則有餘而兄四子則不足矣請六分之松崖以產業係先人所遺堅
執不可堪齋之父敦叟公父曰二股正理也六股厚情也樞既有此美意松何不屈理伸情以成其美乎
乃六之自是敦叟氏之裔輪值祀產遂兩房而變爲六房矣

羅華周字義東上陽人少孤無兄弟賴母陳氏教養成立年十九輟學性廉介族人以公產委其經理
出納不苟平居樂易清而不激和而不流中歲喪母哀毀盡禮每課耕必迂道詣父母墓所涕泣歔歔留
戀忘返必家人引裾促之歸至老不改祭祀尤誠教鄉人讎厭其近喪每禁止之一日途遇白蟬詢市人
曰此蟬子瞭然者誰氏子也或以告歸輒倩其族某以女娶之及期不俟禮迎與媒氏送女至其家人謂
其有板橋之風年六十三卒

丁寶瑛號芝田湯坑人丁中丞日昌長孫幼年遊泮適祖父日昌祖母李太夫人相繼州謝父惠衡觀察
又復見背輒哀痛慘恆母李夫人遭逢三喪憂悶成疾日見沉重寶瑛親侍湯藥不離左右延醫終未奏
效聞人云割股佐藥不以治病遂於深夜焚香虔禱上蒼割股調藥奉母旋即見愈後官福建大田縣知
縣未獲迎養而李夫人在籍病故聞赴哀毀棄官奔喪

豐順縣志

卷二十一

列傳三

十一

汕頭銘字局梅縣分局承印

列傳三

續行

明 朱月嶺

張鴻翔

吳光祖

清 羅 鏞

吳元發

吳象大

吳一係

林亦俊

譚敬承

李佳瓊

徐興濱

鄒鵬飛

吳文緯

王斯龍

李向辰

張 璋

朱肯堂

洪鳴盛

譚文芳

丁賢拔

李一峯

羅萬善

張爲樑

劉忠和

羅孟震

譚宏詞

丘權達

羅飛騰

明

朱月嶺上林坑人個儻義俠事親以孝聞正德間月嶺宿釣舟中夜聞人呼救聲登岸視則二婦人詢知爲黃氏姑媳家聞之上坑爲賊所掠逃奔至此憐之載而俱歸置一室給以衣食乃馳書其家來領既厚贈遣歸越數日黃氏夫婦來謝聞月嶺已卒備極哀痛爲披麻哭泣拜而去月嶺生平有善歸親過則歸已親歿水漿不入口者三日有勸其節哀者則曰吾何知食不下咽耳既扶柩葬北山下築室墓側事死如生三年未歸家遇烈風迅雷即焚香墓前祝曰兒在此親無恙也服闋仍獨居三月嘉靖間邑令採其事實上聞祀海陽忠義孝弟祠邑人譯廷傳孝廉著慈應篇輯錄載其事以勵風俗

清

羅錄字裕開號龍峯上陽人增生事親以孝稱素輕財重義鄉族貧者屢助以聘錢爲娶及負糧不能完代爲輸將嘗與人夜行望見光氣竟掘得白金千兩與分堅不受康熙丙戌舟船產湖適溪漲淹及村舍捐穀賑救之活百餘人雍正丁未連歲大饑爲邑令陳賑濟方法先自捐金爲之倡當道旌其廬七年已酉學院鄧鍾岳舉優行卒年八十有二

吳一孫字止伯湯田人海陽學諸生時張士璉知縣事以豐政郡離治寓遠民多抗糧以一係鄉望素孚委任管理糧務既而催輸有方成績卓著擢爲鄉約長公正不欺濫田司巡檢沈元震解任未一月母歿不能奉柩回籍葬于瑤坑尖山託一孫代爲修理祭掃乃視猶己墓終其身未嘗少衰且謀立祀產俾垂永久邑令王如珩旌其廬曰延陵碩望年八十而卒

豐順縣志

卷二十一

列傳三

十二

山頭鎮字局梅縣分局承印

李佳瓊小勝鄉人好善樂施康熙丙子丁丑連年大饑斗米四百錢佳瓊按戶給粟按畝代種以濟之雍正丙午丁未又連年落饑斗米六百錢郡中施粥賑饑佳瓊以鄉民艱於遠赴乃按口給米全活尤衆邑令顏敏曾旌以匾曰齒德堪仰年八十六而卒

吳文緯號愛亭庠生治家整肅事諸兄怡如乾隆乙卯大饑竭所有以貸貧乏一日某民子牽牛蹊田有鄰叟見而讓之曰此吳封翁續命田也何忍犯之其見重如此後值疫癘流行文緯贈藥施醫全活無算遇水旱則察佃戶計虧酌減其償聞佃戶鄒某飢將賣子文緯與之粟並贖其租後鄒謀他徙夜持金踵門償舊逋堅不受年六十三卒邑令傅孟修旌曰善行可風禮部郎中吳世驥稱之曰山負海涵余所服膺

張璋字文遠建橋人幼失怙事母人皆稱孝每朔望及三分節必親赴父母墓哭拜日晡始歸生平質直勤儉遇貧乏之族咸皆周給之雍正丙午丁未大饑璋出二谷百石賑濟平生重道隆師設鄉學立祀田修橋路施寺菴善舉尤多四代一堂年六十八卒

譚文芳葛布人生七日而孤長事諸父如父家貧甚居離舍康熙丙戌秋夜聞犬吠文芳疑有盜起開門視之其子益盛同寢亦隨之起文芳自外返臥而犬吠如故徐言門外五六瓜被人取盡矣益盛曰何不追呼之曰值三四十錢耳若聲張明日何顏相見問爲誰曰爾且睡毋多言其爲人類如此後益盛登舉人宰於潛人皆謂其父有隱德所致

羅萬壽號子臧上陽人康熙甲子科舉人考授中書後改知縣以老不就事吟咏不廢公庭祖澤堤決捐貲修築一鄉農田賴之丙午丁未大飢發儲谷散賑全活者衆年九十一卒

羅孟鸞字德宜降烟寨人貢生補訓導改選主簿雍正四五年連歲大飢孟震賣粥賑之倡建慈濟善堂捐營溪田六十畝爲堂產建無祀祠於揭陽城東捐舖租助祭文廟買江厝山建義塚施棺木義行善舉不可已述奉部旌表好義

張鴻翔號樂山雙螺口人以孝友教家人以和易處鄉黨乾隆三十二年溪水暴漲中流浮一屍已腐不可識別鴻翔囑村人撈之因有耳環始知爲婦人出貲葬之名曰水遇壘且永祀焉鄉里稱之

吳元發字瑞齋田背人乾隆辛卯科武舉人疎財仗義與邑里武舉朱應魁全赴京會試抵京後朱竟病元發爲醫治無效乃備棺爲殯會試畢親扶柩送至其家在京喪費及運柩川資概出自私囊絕不告其家後元發卒朱之妻子亦往哭其喪以報之論者以風義嘉之

林亦俊豐政都人雍正間大飢亦俊親詣郡城勸捐谷千石散賑邑令張士璉旌其門

徐興漢字可賓埔頭鄉人富於貲有財帛星君之目性豪爽慷慨好義力行善事不倍嘗曰吾財乃天賜不可不爲天用若患得失者非吾意也乾隆六十年邑大饑興漢怒焉傷之開倉發粟千石施賑邑令秦泰席之因額其倉曰大公倉礫下有陳鄭兩姓以田事起械鬥結莫解並商諸邑令出金購其田而息爭初興漢少時落拓遊江浙慕其文物之盛家既富擬移居未果尋立田谷兩百石爲學租並撥助膏火

豐順縣志

卷二十一

列傳三

十三

汕頭縣字局編修分司承印

獎勵讀書種子當誠子孫曰毋徒富無文而爲守財虜晚年鬚髮斑白而貌倍丰腴卒年八十一

王斯龍環清鄉人性慈祥和卹貧乏不遺餘力嘗奉父作銀命往粵背收田租回視一婦人背負幼孩戚容滿面徘徊水濱哀哭將投水矣亟止之詢以故婦人對以其夫值收租嘗以博故盡喪其貲逃之外洋今貧乏不能具禮祭祀恐爲衆所辱故萌短見斯龍勸慰之爲解囊遂得之回家鄉人義其所爲誦誌其里居姓氏斯龍抵家以私蓄填補所失未幾以病卒越兩載婦人夫自外洋細載歸乃具本息厚禮來謝至是斯龍父始悉其事爲哭之慟其子孫迄今爲環清王姓巨族云

朱肯堂字繼之隴陰深村人州同生平急公好義道光十年潮橋鹽餉虧額肯堂捐貲補足之布政司李獎以義爲工區十二三年潮屬大饑肯堂設局賑濟全活極多咸豐四年土匪擾亂肯堂奉辦團練自捐谷五百餘石復捐兵費四千兩旋寇渠古聲揚陷隴陰肯堂揮衆禦敵爲賊所逼以手不能刃賊憤極卒憤鬱而死事平官紳合詞以賊逼捐軀詳府道請卹奉准案獎叙時年五十有八

丁賢拔金湯人日昌之父慷慨好義矜恤孤貧凡有善舉靡不爲之湯俗向有紅白旗會積不相寧械鬥不息賢拔力爲勸釋嫌每出具酒食延兩造敘好冀化除之復倡集九十兩圖人士建監田書院延師興教寒士尤多蒙其貲助者年六十五卒以子貴贈光祿大夫

張爲樸字希東建橋人授衛千總性正直事親孝善排難解紛每朔望虔祀祖先神明畢必集族中長幼引古今孝弟忠信因果報應之事以訓導之並勸以知禮義廉恥力戒比匪之行道光十二三年連歲大

飢爲樑設局捐谷賑濟平糶後捐修巡心路及葉華村橋論行頗多年六十卒

譚宏詞大田社人嵩鷗子以監生屢赴鄉試未售性樸實每逢朔望必振衣冠禮天地神祇詣祖祠拜跪畢向族衆宣講聖諭或引古今果報事實以感化之至老不懈年七十

吳光祖號建中新坡鄉人授衛千總性慷慨月橋樑道路皆不吝出貲修建咸豐四年寇亂光祖倡設團練先捐千金集勇堵剿匪擾大田卒殲渠魁生平喜獎勵後進倡設文會課於敦倫堂歲集宗族士子會考評定榜示加以獎給至如周給寒賤平糶賑飢排難解紛功在社會世皆盛稱之

吳象大東廂人平居以六德六行誨族黨乙卯饑請開倉平糶並商各殷戶施粥捐修西門堤壩湖書院忠義節孝祠皆其所盡力者

譚敬承大田社人庠生咸豐四年古登揚之亂居室被焚招集鄉壯督戰殲之同治四年髮逆竄北溪密邇大田敬承力謀守禦事平邑令錢誦清詳請獎叙奉准加教諭銜後協修聖廟萬壽宮西門堤諸工程俱爲出力

鄒鵬飛號雲衢溪鄉人嘉慶丁卯武科亞魁共都禦營督運銜歸潮鎮左營選用丁艱歸不出好施與鄰家園南渠溉田數百畝毀于水鵬飛資粥集衆築之鄉內有烟賭必詣縣請示嚴禁尤盡力整飭鄉規李向辰字星階小勝鄉人歲貢以經術教授於鄉有幹才咸豐匪亂設局訓練桑梓賴安七年大饑自捐谷百石賑族鄰同治三年勸捐京倉谷石甚鉅餘董修學宮倡建文祠修橋築路排難解紛功在社會年

豐順縣志

卷二十一

列傳三

十四

汕頭縣字局編修分局承印

七十三卒

洪鳴盛號丹埕潭江鄉轉水人少負才不羈雙眸炯炯聲若洪鐘弱冠補博士弟子旋拔上舍食廩餼膳同治丁卯科歲貢後選授英德縣教諭未就生平尚氣任俠喜扶弱抑強凡遇社會不公不平之事輒怒目切齒抗言指斥尤留心地方民俗利病政治良窳每弱小受豪強欺凌向投訴者不惜出貲代如伸雪或差役衙蠹下鄉勒索官吏枉法貪污往往臚舉劣跡提起控訴必務去其厲民亂俗之害雖危難不避勞怨不辭官謂士大夫不能達而維護國家雖窮而在野亦當維持名教保衛人羣使匹夫匹婦咸得相生相養於同一區域之內故其立身行事皆質直好義柔不茹而剛不吐如此家世自祖父來饒於貧鳴盛尤慷慨輕財與同邑丁日昌制軍交最久當制軍未達時僱質其緩急縣城興建考棚普濟橋其祖洪大文皆捐貲最鉅實鳴盛爲之也設家塾延師課子弟待遇夙以厚著稱惟自奉其儉遇貧寒求助無不立應昔年七十九卒子琦光廩生孫玉祝陸軍中校歷仕營長團附廣東高射機關槍營營長

李一峯號崧生龍溪人幼聰穎家貧年十一爲小勝富家翁李文聆牧牛日入山放牧輒潛回翁家塾門外竊聽塾師講授一日牛踐食鄰家園蔬鄰婦責罵甚翁密知其故詰以是否願學不願牧一峯答曰旣爲長者牧雖願學安可得翁乃令其入塾伴讀每夜復與翁諸孫篝燈一室一峯願儕輩讀音或誤者悉爲正之日詳加講解翁大喜過望越明年卽以一峯爲家塾師厚遇之一峯旣得教學相長益自刻勵而學亦日進同治初應督學試補學官弟子員邑俗文章考列庠生必飛足到求報喜一峯喜報獨先至翁

家及歸亦先至翁家拜謝然後返家旋拔補上舍食餼教導翁孫曾皆視猶已出迨翁逝世一峯爲服喪披麻執杖爲其子哀毀盡禮不忘本如此其義行洵足式也享壽七十有二

劉忠和黃洞人僑越南營商致富年七十餘始歸國疏財好義獨捐資建鄉小學校舍全座築石路數里共費萬元捐球山中學費千元立歷代祀田捐助橋路周給貧困尤不賞壽九十卒

丘權達號國珍例貢生以姪瓊章贈奉直大夫溪頭村人也性忠厚慷慨幼與丁日昌同學相友善及長降師重道教育子弟故其姪瓊章援貢出仕平章進文庠琤章入武學子炯章亦遊泮補增平素樂善好施睦族和鄰同治年間髮匪擾粵地方因而不靖方軍門來辦清鄉諭湯設保安局舉羅國材徐琨張仲宣丘達權等十人爲局董各鄉有口角鬥爭投事者權達即邀同兩造到局勸解間有難以解決者輒出私囊填償了結之鄉人無不翕服光緒六年丁中丞請假回籍養母每次抵湯時必先造廬相訪曾贈有聯云排難解紛直手段培苗養竹有心田聞說湯中多淑女面諭權達與其弟丁順表叔黃廷瑾等倡建有嬰堂爲總理發簿各鄉捐題鄉人多踴躍捐助越明年而堂成將餘款置產出息即行收養嬰孩溺女之風以熄至光緒八年縣令許普濟奉飭倡建義倉諭丁順丘權達張仲宣等向各鄉勸捐發簿請各鄉捐款築倉攤派谷石倉地建就各鄉共捐儲谷兩千餘石許縣令獎以急公好義之匾尤難得者兄弟四人長兄國光智識明敏例捐候補通判丁日昌任上海道時薦爲隨員不幸因病卒於滬運棺回二兄權義善治生產家道以豐三兄權通在潮郡候補都司父利方五十餘歲即逝世母楊氏八旬榮壽丁中

豐順縣志

卷二十一

列傳三

十五

汕頭諸字局梅縣分局承印

丞特爲樟文製錦相賀一宰和陸兄弟傳下共百零三人同餐共飯殆戊戌始分家鄉人稱爲盛事年六十六而卒

羅飛騰湯坑湖坡鄉人慷慨好義爲里黨所推重縣令俞瑛聞其名諭令任藍田保安局董事飛騰以受縣宰之知益踴勉從公凡遇地方有鬥爭事件靡不竭力排解勞瘁弗辭見人有急雖每解囊仗助久爲同事所欽佩故公推管理義倉更絲毫不苟二十年間毫無責言其和平謹厚有如此者卒年六十七歲